

San Juan

Mamabuinore coyuiyebu Juan mácu ùi toivaiye báquede Jesucristorã. Juan mácu barejaquémavu judíovacacu, Galilea ámicurijoborôcacu, aru Jesús ùi yávaiye méne beorí coyucôjeimaracacu. Ùi mamícu Santiago bácuque moa boaipôescu bácu barejaquémavu, Jesús ùi órejaquiye jipocare ùi mácure. Lucas bácu coyurejaquemavu Juan mácuí borore Hch 3:1-4:22. Majídivu ne dápiaiyepe, iye coyuiyede Jesucristorã toivarejaquemavu ùi mácu cücü bácu Éfeso ámicurímaroi. Pôescu cubebi majícu ye ujú ùi toivaiju bácarôre diede, ùbenita obedivu majídivu ne dápiaiyepe ániujua báquede 85-98 d.C. baji, Marcos bácu, Lucas bácu, aru Mateo bácu ne toivaríburu yóbore. Juan mácu toivarejaquemavu yóbecuríyoca ùi paperayocare ùi toivaiyede jipocare iye coyuiyede Jesucristorã. Aru toivarejaquemavu Jesucristo ùi jáðovaiye báquede ùi mácure ùi toivaríburu yóbore iye coyuiyede Jesucristorã.

Juan mácu jáðovarejaquemavu Jesúre, pôescu bajureca, yópe Jümenijícure. Ùi coyuiye boje judíova ne cômajíye ðaiyede, judíova ánevare toivarejaquemavu, ne majinajíyeye ayu “Jesucristobe Jümenijícui daroimu mácu. Jümenijícui mácube Jesús” (20:31). Que baru Juan mácu búbedejaquemavu ùi coyuiyede Jesúrã ùi pôeteino mácarôre coyuiyeque. Quéhora búrejaquemavu ùi coyuiyede Jesús ùi cuedaiye báquede caiyede coyuiyeque. Juan mácu apevu püeno coyurejaquemavu Jesús ùi bueiye ðe jévari coyuiyeque: Jümenijícui ovejajícure (cap. 1); cure ðaiocope (caps. 4, 7); apüre ðarí áiyeye (cap. 6); pëoinope (cap. 8); ovejavare coreipôescu meacupe (cap. 10); aru oteiuyaimupe (cap. 15). Apevu püeno coyurejaquemavu Jesús ùi coyuiyede aru ùi ðaiyede ániñami ùi yaiquijáravu jipocacañamine (caps. 13-17), aru ùi ðaiyede ùi nacajaríburu yóboi yainore jarúvarí (caps. 20-21).

Jümenijícui yávaiye pôeteino

(Mt 3.1, 11.27; Mr 1.4; Lc 3.1-2, 10.22;
Col 1.15-17; He 1.2; 1 Jn 1.1-2; Ap 19.13)

1 ¹Mamarumure cáreja járavure cuedaquiye jipocai, curejaquemavu majare Jümenijícui dápiainore coyucuedacuyu. Jümenijícucue curejaquemavu. Aru Jümenijícui baju barejaquémavu ù. ²Mamarumumiata járavure cuedaquiye jipocamiata, Cristorecabe cücü bácu Jümenijícucue. ³Ûrecabe Jümenijícui caiyede cuedare ðaimu mácu. Ûre pôevare, áimare, aru caijîe coapa cuedare ðarejaquemavu Jümenijícui. Ùi cuedabedu, ye cubejebu. ⁴Ûrecabe cure ðayu bácu pôevare apurivure, ùi ðaicôjeimarare. Yópe pëoiye járe ðaiyeye pôevare, nopedeca Cristo pôevare coreóvare ðarejaquemavu jáve baju. ⁵Yópe ñami jámene ðaiyeye pôevare, nopedeca

ijáravucavu ne ámeno ðaiyeque jávene coreóvabede ðaimaramu. Ùbenita Cristo, pëoinope, darejaquemavu ijáravui, ñeminitucubure, ámecurijáravui, coreóvare ðacuyu pôevare jáve bajure. Aru pëoiyede codavainope teino coyuiye jávene vainí turíduyama ijáravucavu ámeno ðaivu. Ùbenita ùi coyuiye jávene vainí tuiye majibenama.

⁶⁻⁷Pôevare Jümenijícui dápiainore coyucuedacuyure Cristore jáðovaiyucu, Juan Bautistare coyucôjenezameða Jümenijícui. Juan Bautista coyucudarejaquemavu ijáravui iye coyuiyede, Jümenijícui coreóvare ðaiye báquede ùre Cristorã, caivu pôevare ne jápiarí ju arájiyeye ayu iye yávaiye méne. ⁸Ñai Juan Bautista Jümenijícui dápiainore coyucuedacuyu baju, Cristo baju, ámenezameða ù. Quéda Cristorã, Jümenijícui dápiainore coyucuedacuyu bajura, coyucudayü barejámeða

ẽ. ⁹Cristorecabe dayu b́acu ij́aravũ coreóvarĩ buojare ðacuyũ caivũ p̄evare Jũmenijicui dápiainore j́ave bajure.

¹⁰Cristo curĩdurejameða ij́aravũ. Jũmenijicui cuedare ðaimũ mácvacari ij́aravũre, urre coreóvabedejaquemavũ ij́aravũcavũ. ¹¹Ë jino dij́aravũ ẽi cuedaino mácarõĩ, darĩdurejaquemavũ ẽ. Ëbenita urre jacopũbedejaimaða obedivũ ẽ jina maridivũvacari.

¹²Ëbenita apevũ nácvũ j́ave coreóvarĩ jacopurĩ urre ju aivũre Jũmenijicui mára teicõjenejaquemavũ Cristo.

¹³“Yure j́apiarĩ ju aivũ Jũmenijicui mára tejarãri na”, ẽi que aino, maja p̄eva maje juedocũvarõpe ãmevũ no. Aru maja p̄eva, “Jũmenijicui mára teiyurĩ, ẽi mára tenajaramu”, maje aiyere ãmevũ no. Aru nomiõĩ márepacui juedocũvaiyũere máre ãmevũ no. Quénora “Yure j́ave baju j́apiarĩ ju aivũ Jũmenijicui mára tejarãri na. Jũmenijicui mára baju tejarãri na”, arejaquemavũ ẽ.

¹⁴Majare Jũmenijicui dápiainore coyũcuedacuyũ p̄otedejaquemavũ dij́aravũ. Majaque curejame ẽ, p̄ocũpe páyũ. Ërarõ baju urĩ majare, ðacaibi méne. Aru ẽvacari j́áðovarejame majare aipe ãrojacure Jũmenijicure j́ave matũiyede. Meacu bajube ẽ. Jũmenijicu ẽi parũéde j́imũ mácvũ parũéde j́arejacarã ñjã. Cũinácũbe Jũmenijicui mácvũ baju. Cũinácũrabe ẽ. ¹⁵Juan Bautista coyũrejame ẽi borore urre j́arĩburu yóboi. Yõpe arĩ, coðoborejame p̄evare:

—Ñaime mujare ji coyũvaimũ ji ávaiyere: “Ji yóboi dacuyũte ẽ. Ëbenita ji p̄otequiye jipocamiata curejaquemavũ ẽ, ji mujare ji coyũvaimũ. Ji jipocacacube ẽ. Yure vainĩ tuibi ẽ. Caiyede cuedaquiye jipocai curejaquemavũ ẽ”, acacu yũ mujare, arejame Juan Bautista.

¹⁶Ërarõ ẽi ue boje, mearo ðacaibi caivũ majare. Obedinũmũa ména cure ðaibi majare. Obedinũmũa bediõva mearo ðacavaibi, cadatecuyũ majare. ¹⁷Jũmenijicui coyũrĩburu

yóboi Moisés b́acure ẽi ðaicõjeiyede p̄evare, ména cure ðaicõjeino majare buenidurejaquemavũ Moisés b́acu.

Ëbenita Jesucristo barejáme majare Jũmenijicui uede j́áðovañũ. Majare aipe ãrojacure Jũmenijicure j́ave j́áðovarejame Jesús. ¹⁸Jáimũ ãmemi Jũmenijicu. Ëbenita Jũmenijicui mácvũ cũinácũra, ẽvacari Jũmenijicu baju, majepacũque cũcu, majare coreóvare ðacudarejame ẽ Jũmenijicure. Edarĩ, j́ipacu jiede coyũcuedarejame ẽ.

Juan Bautista ẽi memecaino Jesucristore

(Mt 3.11-12; Mr 1.7-8; Lc 3.15-17)

¹⁹Ina judiõva Jerusalén ãmicurĩmarocavũ j́eniari j́aicõjeni jarorejaimaða Juan Bautistare. Sacerdotevacavũ aru Jũmenijicui cũramine memep̄devacavũ, levita ãmicuriyajubocavũ, jarorejaimaða ina jabova, “¿Ñamenũ mu?” ne arĩ j́eniari j́arajiyere aivũ urre. Que arĩ, yécvũ p̄ocũpe páyũre majiyũrejaquemavũ na. ²⁰Juan Bautistacapuravũ nuriéna coyũrĩ jebedejame náre.

—Cristo ãmevũ yũ. Jũmenijicui epeimũ, jabocũ bacuyú, ãmevũ yũ, arejame náre.

²¹—¿Dinũmũ ñamenũ mu? Cristo ãmevũ mu. ¿Elĩarũ mu? arejaima ina sacerdoteva.

—Ë ãmevũ yũ, arejame.

—¿Ñai Jũmenijicui yávaiyede coyũcaip̄ocũ bacuyú, majeñecũva mácvũ “edacuyũ”, ne ávaimũmu mu? arejaima urre cojedeca.

—Ë ãmevũ yũ, arejame náre.

²²—¿Dinũmũ ácvũre páyũrũ mu? Ñũjare cũiná coyũjascũ mu, ñũjare j́eniari j́aicõjeivũre ñũje coyũrãjĩyere. ¿Aipe ayũrũ mu? ¿Yécvũrũ mu? arejaima urre ña sacerdoteva.

²³Ëcapũravũ coyũrejame náre yõpe arĩ, ñai Jũmenijicui yávaiyede coyũcaip̄ocũ b́acu, Isaías ãmicũcvũ b́acu ẽi toivaiye báqueque:

—Yũrecabu Isaías b́acu ẽi toivaimũ mácvũ: “Jũmenijicure coyũcaip̄ocũ

codoboboyure jápiarājarama pōecubeno: ‘Meadajarā m̄je ūmene, copu etaburī maje jabocure, nopedeca m̄je meadaiyepe daimare, ñai ūm̄, m̄je pueðaim̄, ūi daquiye jipocai. Que ðarī ðajocajarā m̄je āmeina teiyede, Jūmenijicui daroim̄ macuyú ūi daquiye jipocai, Jūmenijicu ūi copu etaquiyepe aiv̄ m̄jare’”, arejame náre Juan Bautista.

²⁴Ina fariseovai jaroimara Juan Bautistare are n̄ri jēniari járejaima:

²⁵—M̄ Cristo āmev̄. Elías āmev̄ m̄. Aru ñai Jūmenijicui yāvaiyede coyucaipōecu bacuyú āmev̄ m̄. ¿Din̄m̄ aipe teni pōevare Jūmenijicuque jáðovañ̄m̄ m̄ ocoque? arejaima ina fariseovai jaroimara.

²⁶Juan Bautista arejame náre: —Yurecabu pōevare jáðovañ̄ Jūmenijicure ocoque. Ūbenita cūinác̄u cubi m̄je jēneboi, m̄je coreóvabem̄. ²⁷Ji yóboi dacuyume ū. Ūbenita ji p̄eno paracu bacuyume. Caiv̄ p̄eno meacu bajube ū. Yúcapūrav̄ pare ūi cāchinocac̄bu. Que baru ūre cadateni buojabev̄ yu. P̄u oarī buojabev̄ yu duaȳ ūi curaidoa buoimeare, arejame náre.

²⁸Caiye iye vaidéjav̄ Betania āmicur̄oi, Jordán āmicuriya jia avia daid̄ve écarui, Juan Bautista ūi jáðovare cuiyede pōevare Jūmenijicuque ocoi nore.

**Jesús Jūmenijicui daroim̄
mác̄u ovejajīcure, jaruvacuȳ
pōeva ne āmeina teiyede**

²⁹Cōmiájārav̄i yópe barejáv̄. Juan Bautista járejame Jesúre dayure ūi yebai. Ūre jári, arejame ñ̄jare:

—Jájara m̄ja. Ūrecabe Jūmenijicui daroim̄ mác̄u ijārav̄i, jaruvacuȳ pōeva ne āmeina teiyede. Yópe sacerdoteva ne boaiyepe ovejajinare, jínajiv̄ Jūmenijicure ūi ārumetequiyepe aiv̄ pōeva ne āmeina teiyede, nopedeca ñai Jūmenijicui daroim̄ mácure boarī jaruvārājarama pōevare boje, Jūmenijicui ārumetequiyepe aiv̄ pōeva

ne āmeina teiyede. Que baru pōeva ne āmeina teiyede meaðaipōecube ū. ³⁰Ñaime m̄jare ji coyuvaimume ji ávaiyepe: “Ū ji yóboi dacuyume. Ūbenita ji pōetequiye jipocamiata curejaquemav̄. Que baru yure vainí tuibi ū. Caiyede cuedaquiye jipocamiata curejaquemav̄”, m̄jare acacu yu. ³¹Mamar̄m̄ure yu máre coreóvabecacu ūre Jūmenijicui mácure. Ūbenita pōevare Jūmenijicuque jáðovacudacacu yu ocoque, Israecav̄ ne coreóvarājiyepe ayu ūre, Jūmenijicui mácure, arejame ñ̄jare, ūcavure, Israecavure, Juan Bautista.

³²⁻³³Yópe arī, ūi majiède coyurejame ū: —Yu máre ūre coreóvabecu cāreja, “Jūmenijicui daroim̄ mác̄u bajubí ū”, abetecacu yu. Ūbenita Jūmenijicu, yure jáðovaicōjeñ̄ mác̄u pōeva Jūmenijicu jina teiyurivure ūre ocoque, yópe arī coyúame yure: “Jácuȳmu m̄ ji Espiritu Santo tubac̄emeñ̄re cūinác̄u ūmura aru cūare ūque. Ñai ūm̄, ūrecabe pōeva jina teiyurivure yure jáðovacuȳ Espiritu Santoque”, áme yure Jūmenijicu. Quédeca ūi aiye báquepe, Jesúrā ñai Espiritu Santo tubac̄emeñ̄re jurecope cavarō mearo Jūmenijicui cūrōre jocarī jácacu yu. Aru ñai Espiritu Santo cúteame ūque. ³⁴Yúcapūrav̄ majiv̄, ji jáiye báque boje. Que baru coyuȳbu m̄jare. Ñai ūm̄, m̄jare ji coyuvacamu, Jūmenijicui mácube ū, arejame Juan Bautista.

Jesús ūi mamar̄m̄ bueimara

³⁵Cōmiájārav̄i Juan Bautista curejame nore cojedeca ñ̄ja pucarā ūi bueimaraque. ³⁶Que teni Jesús noi vaiȳre jári, arejame ñ̄jare:

—Ūre jájara m̄ja. Ūrecabe Jūmenijicui daroim̄ mác̄u. Yópe sacerdoteva ne boaiyepe ovejajinare, jínajiv̄ Jūmenijicure, nopedeca ñai Jūmenijicui daroim̄ mácure boarī jaruvārājarama pōevare boje, arejame ñ̄jare Juan Bautista.

³⁷Ūi que aiye ðapiaiv̄, Jesúque n̄rejacarā ñ̄ja. ³⁸Jesús núc̄n̄ri, copedini, ñ̄jare jēniari járejame:

—¿Aru muja yéde voivurū? arejame Jesús.

—Mu, bueipōecu, ¿ári cūcūmū mu? arejadarā nūja Jesúre.

³⁹—Yúque járadajarā muja, arejame nūjare Jesús.

Nūje nūiyede úque, yóvaicūvaioira nainú marejávū. Úque nūri, ūi curōi jári, curejadarā úque dijāravu joarō.

⁴⁰Cūinācu nūja pucarā Juan Bautistare jápiaivū bācavūcacu aru Jesúque nuivū bācavūcacu Andrés āmicūcu barejāme, Simón Pedroi yócu.

⁴¹Cūinā, Andrés vocunūrejame ūi mamicu Simóre. Eayū bācu, arejamedā úre:

—Mesíare, Jūmenijicūi epeimūre, pōevare meadaipōecure, eavū nūja, arejamedā Andrés.

Mesías aino, Cristo aiyurōtamu. ⁴²No yóboi Andrés jībūcure nūvarejamedā Jesús yebai. Jesús, Simóre jári, yópe arī coyūrejame:

—Simómu mū. Mīpacu āmicūbi Juan. Ūbenita Cefas āmidoimū macūyūmu mū, arejame Jesús.

Cefas aino, Pedro aiotamu. Aru nóvacari cūrabo aiyurōtamu.

Jesús ūi “Dajarā” aino Felipe, Natanaene máre

(Mt 16.15; Mr 8.29; Lc 9.20)

⁴³Cōmiájāravūi Galilea āmicūrijaborōi nūcūyū barejāme Jesús. Nuñū, Felipe de copūrejame ū:

—Yúque dajacu mū, arejame Felipe de Jesús.

⁴⁴Betsaida āmicūriīmarocacu barejāme Felipe. Andrés aru Pedro ne īmarocacu barejāme. ⁴⁵Dinūmure Natanaene vocunūrejamedā Felipe. Ūre eayū, coyūrejamedā:

—Naine, Moisés bācu aru ina Jūmenijicūi yāvaiyede coyūcaipōeva māvavū ne toivarī coyūvaimūre eavū nūja. Moisés bācu ūi toivaiye bāquede Jūmenijicūi daicōjeiyede toivarejaquemavu úra. Ūtame Jesús Nazarecacu, Joséi māvū, arejamedā Natanaene Felipe.

⁴⁶Natanaecapūravū arejamedā:

—No īmaro Nazarede pōeva meara, apevure cadateivū, cubema na, arejamedā Natanael.

—Dinūmū jácudajacu mū mi baju, arejamedā úre Felipe.

Jāradarejaima ina pucarā. ⁴⁷Náre edaivure jári Jesús, yópe arejame Natanaena:

—Majecu, israevacacu baju, edaibi ū. Borocubecu bajube ū, arejame Jesús, Natanaene jáñū.

⁴⁸—¿Aipe teni yūre majitecūmū mu? arejame Jesúre Natanael.

—Mūre Felipe ūi cutubede cāreja jávū yū. Higueraqu cāchinoi dobatevū mū, arejame Natanaene Jesús.

⁴⁹—Mu, bueipōecu, Jūmenijicūi māvūbu mū. Nūja Israevavū nūje jabocūbu mū, arejame Jesúre Natanael.

⁵⁰Quénora Jesúcapūravū arejame úre: —¿“Jocūcu cāchinoi mūre jávū” ji aiyede, “Jūmenijicūi māvūbu mū”, ayurū yūre? Pueno ji apejīe parué ji daquiyyede jácūyūmu mū. ⁵¹Jāve coyūyūbu mūjare: Cavarō mearo Jūmenijicūi curō vorī nūinore járajaramu muja. Nore Jūmenijicūi āngeleva, jōdaivure aru mūivure járajaramu muja. Aru ne coricai cūcūyūmu yū, Jūmenijicūi daroimū māvū ūmūre, arejame nūjare Jesús.

Jesús ūi buino pōeva ne darī majibede

(Mt 4.13)

2¹ Pucājāravūa yóboi, Galilea āmicūrōi, Caná āmicūriīmaroi, purūbuoivū ne torojūve teino marejávū. Aru Jesúi paco curejaco noi. ²Jesús aru nūja ūi bueimara ina purūbuoivū ne cutuimaracavū barejacárā. ³Nūje āiye bajure ūcuiye cūinéjavūya. Jesúre coyūcodarejaco jīpaco:

—Būcūru, javeta ūcuiye, vino úyaicoro, cūivú die, arejaco Jesúre.

⁴—Báco, ¿aipe teni yūre que adorū? Ji memeinūmū eabevū cāreja, arejame jīpacore Jesús.

Āniñami cūramicavū ne yebacavū yebai nūri, yópe arejacođā ō:

5—Jímacni cōjeiyepe đajarā m̄ja, arejacoda Jesúi paco.

6Nore curejavū seis paibua jorobua, cūrajorobua. Ūrabua jorobua baju, cūinábū cincuenta o setenta pailitros baju eaibu barejávū. Dibua ocoque buiváibuare cūvarejarā n̄ja judíoiva, n̄je cojarājiyepe aivū, n̄je nópe teni cōmajinope Jūmenijicui me jáquiyeye aivū n̄jare. Que teni inamicavū máre cūvarejaima dibuáre.

7—Ocore in̄i, davarī, dibuáre buivájarā m̄ja, arejame nócacui yebacavure Jesús.

Na ju arī, dibuáre yuyeni, buivárejaima.

8—Que đarī quíjinora doarī, torojuve teino upacure n̄vajara m̄ja. Ūi ūcuri dápiacquiyeye arī, jinan̄jara, arejame ina yebacavure.

Ju arī, n̄ai torojuve teino upacure diede n̄vari, jídejaima.

9Die oco báquede Jesús oat̄varī, vino úyaicoro tede đarejame. N̄ai torojuve teino upacu die ūcuiyede ūcuri járejame. Ūcapūravū majibedejame ároi ne íye báquede diede. Ūbenita ina yebacavūcapūravū, ina ocoque dibuáre yuyeivū b́acavū, me majidejaima. Ūcuri jári, p̄r̄ub̄uoyure cuturejame n̄ai torojuve teino upacu. 10Dayū b́acure yópe arejame n̄ai torojuve teino upacu:

—Mamarum̄re ūcuiye me bajure jíyavū maja maje cutuimarare. Aru yóbota, na ūcuri vainí tuivure jári, majiéda meacorore náre jíyavū maja. Que đabetevura m̄. Mamarum̄re meacorore yavedebu m̄. Aru yóbota, méne ūcuiyede jívu m̄, arejame p̄r̄ub̄uoyure n̄ai torojuve teino upacu.

11Que teni p̄eva ne đarī majibenore đarejame Jesús, jáđovacuyū ūi majiéde. Galilea ámicurōi, Caná ámicurīmaroi, ūi ocore oat̄vainoque, Jesús búrejame p̄eva ne đarī majibede ūi đaiyede. “Jūmenijicui epeim̄me ū”, p̄evare are đayū, nópe náre jáđovarejame Jesús. Aru “Cristo bajube ū” arī, me ju arejarā n̄ja ūi bueimara.

12No yóboi Capernaum ámicurīmaroi n̄rejame Jesús. Ūre yóvarān̄rejearā

jípaco, ūi yóva, aru n̄ja ūi bueimara. Nore obebejāravua curejarā.

Jesús ūi meadaino Jūmenijicui cūramine

(Mt 21.12-13, 26.61, 27.40; Mr 11.15-18, 14.58, 15.29; Lc 19.45-46)

13Pascua ámicurījāravū torojuve teijāravū baquinó eare n̄ino marejávū. N̄ja judíoiva n̄je torojuve tein̄mu marejávū no, Jūmenijicui etavaiye báque boje n̄jeñecuva mácavure Egipto ámicurījorob̄re jocarī. Dinum̄re Jerusalén ámicurīmaroi n̄rejaima obedivū judíoiva. Que baru Jesús máre m̄ri n̄rejame. 14M̄ri n̄ri, earī, Jūmenijicui cūramine jác̄n̄rejame Jesús. Diñami tāiburā earī, ecorī oteivecuvā, ovejava, aru jurevare bojedavure járejame. Nácapūravū p̄evare ūrārō ne tāt̄urare in̄ejaima. Apenoa joborōacavū ne tāt̄urare oat̄vaip̄eva dobarivure máre járejame nore. 15Que baru cainimeā in̄i, ūi jara boaquímene cāriárejame. Cāriári buojarī, dimeque jara popeni, diñami curivure jaetovarejame Jesús ina tāibui curī bojedavure ne áimaraque. Tāt̄urare oat̄vaivure máre jararī, ne jáđovavure jaruporī, moari najuárejame, jar̄vacuyū ne tāt̄uraturavare joborōi.

16Jurevare bojedavure yópe arejame:

—N̄jara m̄ja, m̄je bojedajuromarare in̄i. Jipacure mearore jíñamimu yo. Bojedaiñami đabejarā jipacui cūramine, arejame náre Jesús.

17Jesús ūi que aiyede, Jūmenijicui yávaiyede ūi toivaicōjeiye báquede á̄r̄rejearā n̄ja, ūi bueimara. “Mu, Jūmenijicui, apevū ámeina đarājivūbu yure. Que baru mi cūramine jecurī vaivū yu”, apecu b́acu ūi aiyede báquede toivaicōjenejaquemavū Jūmenijicui.

18Ina judíoiva n̄je jabova yávarāđarejaima Jesúsre:

—Jūmenijicui m̄re que đaicōjenu, n̄jare jáđovajacu p̄eva ne đarī majibede mi đainore, arejaima ina jabova.

19Jesús arejame náre:

—Inamine bíjarorí jaruvajarā mña. Inamine mñje jaruváriburu yóbecurijārvua yóboi, mñje jaruvaiñami mácaröre meadacuyumu yu, arejame Jesús.

²⁰Ina judíova arejaima úre:

—Cuarenta y seis paiñua baju diñamine núvari ñájiquemavu memepöeva. ¿Aru mu yóbecurijārvua memeni, diñamine meadayu buojaje bária mu? arejaima ñje jabova Jesúre.

²¹Ëbenita diñami bajure ayu ãmenejame Jesús. Ëi bajure cūramipe ayu barejáme ñ. Ëbenita majibedejaquemavu na, jabovacapūravu. ²²Majibenidurejacaarā ñña máre, Jesús ñi que aiyede. Ëbenita ñi nacajariburu yóboi yainore jaruvarí, ñi que aye báquede dápiarí, ãrrejacaarā ñña, ñi bueimara. Árvuvu ñi coyuiye báquede aru Jūmenijicui yávaiye báquede máre ju arejacaarā ñña ñi bueimara.

Jesús ñi majiède pöeva ne dápiayede

²³Pascua torojuve teinumū, Jesús ñi cuedeca Jerusalén ãmicurímaroi, úre ju arídurejaima pöeva obedivu. Ne jáiye boje ñi jádovaiyede pöeva ne ñarí majibede, “Jūmenijicui epeimū Cristobe ñ”, arejaima na.

²⁴Ëbenita Jesúcapūravu náre coreóvari, “Jāve abema na”, arí dápiarejame. Me baju pöevare coreóvarejaquemavu ñ. ²⁵Ëre jaubevu apesu ñi coyuiye aipe ãrojaene pöevare. Me majidejaquemavu pöeva ne dápiayede. Quéhora ñi baju coreóvarejaquemavu náre.

Jesús Nicodemomaque ne boroteino

(Jn 8.28, 12.32-34, 18.32; 1 P 1.3, 23)

3 ¹Cūinācu ũmu Nicodemo ãmicucu barejáme, ñña judíova ññje jabovacacu. Fariseo ãmicurijayubocacu barejáme Nicodemo. ²Cūināñami Jesúre borotecuearejame.

—Mu, bueipöecu, coreóvaivubu ñña mure Jūmenijicui daroimū mácure, buescuyre ñ jiede. Que baru ácu pöecu Jūmenijicui paruéde cuvabecu baru,

ðaiye majibebi yópe pöeva ne ñarí majibede mi ðaiyepe. Que baru máque cubi Jūmenijicui, arejameða Nicodemo Jesúre.

³—Jāve coyuyubu mure: Ácu pöecu bedióva cojedeca ñi pöetebedu mamañmeque, úre jabotebecuyume Jūmenijicui, arejameða Jesús.

⁴—¿Aipe teni? ¿Bedióva cojedeca juedocupe pöeteiye majidi bucucu? Jāve bucucu jíracoi yapiburā ímari, pöeteuy buojabebi, arejameða Nicodemo.

⁵Ëre arejameða Jesús:

—Jāve coyuyubu mure: Ácu pöecu ñi pöetebedu ocoque aru Espiritu Santoque máre, úre jabotebecuyume Jūmenijicui. ⁶Pöevai mára pöevatamu. Ëbenita ñai Espiritu Santoi pöedaimara mamañmeque epeimaratamu na. Que baru Jūmenijicui máramu. ⁷“Ácu pöecu bedióva cojedeca ñi pöetebedu mamañmeque, úre jabotebecuyume Jūmenijicui”, ji aiyede mure urarō baju dápiabejacu mu. ⁸Ëmebo darí japuinopebu no. Ári japurí ñuyurō nuquiyebe. Ëmebo japuinoe maja quéda jápiadavū. Jáino ãmevu no. Quédecabu Espiritu Santoi pöedaimara mamañmeque. Jári majino ãmevu no, arejameða Jesús.

⁹—¿Aipe aiyurō márica no, mi que aino? arejameða Jesúre Nicodemo.

¹⁰Ëre arejameða Jesús:

—Murecabu judíova ne bueipöeva me majidivucacu. ¿Jápiarí eabecurū mu iye ji mure coyuiyede? ¹¹Jāve coyuyubu mure: Ññje majiède mujare coyuríduyavū ñña. Ññje jáiye bajure coyuríduyavū. Ëbenita ju abevu mña ññje coyuríduiyede. ¹²Ijārvuquede coyuríduvu yu. Ëbenita ji coyuiyede ju abevu mña. Ijārvuquede coyuiyede ju abevu baru, cavarō mearo Jūmenijicui curōquede ji coyuyuyede ju abenajaramu mña. ¹³Cavarō mearo Jūmenijicui curōi murí nurí, cojedeca ijārvui ēmeni dayu bácu cubebi. Que baru ácu ijārvucacu cavarō mearoquede coyuiyede coyubebi. Yurecabu Jūmenijicui daroimū mácu

ñmure. Cavarō mearo Jūmenijicui curōi cucu bācu ijāravui darejacacu yu. Que baru cavarō mearo Jūmenijicui curōquede coyuiyede coyuiye majivu yu. ¹⁴Yópe Moisés bācu ñaiye báquepe, ñi cuede cāreja pōcubenoí, ādape paino bronce āmicurō tātuque ñaino mārārōque, nopedeca vaiquiyebu yure. Ñi ñaimu mácuere jocuyo ñmujuriyorā jēori, jāmuōrejaquemavu Moisés bācu. Nopedeca yure, Jūmenijicui daroimu mácuere ñmure, jocucurā jēori, jāmuōrajarama pōeva. ¹⁵Yure yópe ñaimure jāri, caivu pōeva yure ju aivu baru, cavarājarama jāravu cūiméjāravu baquinóre cavarō mearoi, arejameña Jesús.

Jesús ñi coyūino Jūmenijicu ñi uede caivu pōevare

¹⁶Coyure ñurejameña Jesús: —Quécura, cūinácubaru yu Jūmenijicui mácu. Pare baju ijāravucavure ucu, yure darorejame Jūmenijicu yore. Jaurabeda toabo cūiméboi ne ñumenajiyepere ayu, yure ju aivure jāravu cūiméjāravu baquinóre cure ñaibi Jūmenijicu cavarō mearoi. ¹⁷Jūmenijicu darobedejame yure, ji ñájine ñaquiyepe ayu ijāravucavure ne ñameina teiye boje. Quénora darorejame yure, ji meadaquiyepe ayu náre. ¹⁸Yure ju aivu bācavure ñájine ñabecuyume Jūmenijicu. Ubenita yure ju abevure ñájine ñacuyume Jūmenijicu, ne ju abe boje yure, Jūmenijicui mácu cūinácura. ¹⁹Yópe ñari Jūmenijicu arevure “Boropatebevu mija ji jāinoi”, aru arevure “Boropateivubu mija ji jāinoi”, coyuyube. Ji daiye boje ijāravui, pōevare majide ñaimu Jūmenijicui yāvaiyede jāvene, yópe pōino jāre ñaiyepe náre. Aru ijāravucavu ne ñameina teiye ñeminopebu. Pōeva yure ñabema. Quénora ne ñameina teiyede ñama na. Nárecabu Jūmenijicu “Ñájinajaramu mija”, ñi arí coyūimara, ne ube boje yure. ²⁰Caivu ina ñameina teivu yure jādovaicōjeiyubema ne ñameina teiyede. Que baru yure

pōñmure, ne ñameina teiyede jādovañure, jāiyubema. ²¹Ubenita caivu ina ju aivu Jūmenijicure, ñai ayure jāvene, yaveiyubema ne ñaiyede. Quénora jādovadama ne ñaiye caiyede yópe Jūmenijicui urōpe. Que baru yure pōñmure vodama, arejameña Jesús.

Juan Bautista ñi coyūino Jesús ñi paruede

(Mt 14.3; Mr 6.17; Lc 3.19-20; Jn 1.20)

²²No yóboi Judea āmicurijoborōi ñurejame Jesús, ñija ñi bueimaraque. Nore curejacará ñija obedijāravua. Nócavure Jūmenijicuque jādovaiyu barejacará ocoque. ²³Aru Enón āmicurimaro bají, Salim āmicurō joabejino, curejameña Juan Bautista máre. Pōeva ñi eavure Jūmenijicuque jādovañu marejameña, oco urarō cūe boje nore. ²⁴Dinumure cāreja Juan Bautistare jēni, ñuvari, buobedejameña ñije jabova.

²⁵Juan Bautista ñi bueimaraçavu coru yāvairi burejameña cūinácū judíoque, ñije ñari cōmajiyede Jūmenijicui me jāquiyepe aivu ñijare.

²⁶Que teni yāvairi buojari, Juan Bautistare coyurāearejameña ina ñi bueimaraçavu:

—Mñ, bueipōecu, ñai máque cūvacacu Jordáda añiduvei, mi coyūvacamu Jūmenijicui majiéque, ñvacari pōevare Jūmenijicuque jādovaimi ocoque. Obedivu ñuñama ñi que caride, arejameña.

²⁷Yópe arí, náre coyurejameña Juan Bautista:

—Pōecu cubebi ñi ñaiyepe ñari buojayu, Jūmenijicui ñi parure ñabedu. ²⁸Mujavacari jāpiadavū ji coyuriduiye báquede. “Cristo ñamevu yu”, acacu yu ñijare. Quéda ñi coyurí jipocateicōjeimamu yu. ²⁹Yópebu yu Cristoque. Pñrubuocuyu nomiscuyume. Aru ñi yóvaimu, ñai meadayu bācu ne pñrubuoiyede, torojubi ñi jāpiayede ñai pñrubuocuyu ñi yóvainore. Nai yóvaimu ñi teinope teyubu yu. Que baru pōeva Jesúsque ñuivure jāñu, urarō torojuvu

ya ji ñemei. ³⁰Pueno paracü pucayume Jesús. Ubenita parubecu pucayumu ya. Pöeva ne puedaimu macayúme ñ. Ubenita puedabejarári yure, arejamedá Juan Bautista.

Cavarõ mearo Jümenijicüi curõi cucu bácuere coyüino
(Mt 11.27; Lc 10.22)

³¹Coyüere nurejamedá Juan Bautista: —Cavarõ mearo Jümenijicüi curõi cucu bácu, ijáravuñi emeni darí, caivu ijáravucavu maje pueno majibi. Ijáravucacu yócacube. Que baru majibi yóque majiéde. Ubenita cavarõ mearore emeni dayu bácu yócañu maje pueno majibi. ³²Ñai cavarõ mearo Jümenijicüi curõi cucu bácu ñi jáiye báquede coyuríduibi. Ubenita ñi coyüiyede ju abema obedivü yócañu. ³³Que baru ácu pöecu ju ayu baru ñi coyüiyede, Jümenijicüi jáve aiyede, “Jávemu”, ayutame ñ. ³⁴Jecubecüva Jümenijicüi ñi Espíritu Santore cure ñabi Cristoque. Que baru Cristo, Jümenijicüi daroimü mácu ijáravuñi, Jümenijicüi jiede coyüibi. ³⁵Mamacüere pare ubi majepacu Jümenijicüi. Caiyede aru caivüere purucüvaicõjeimi ñ mamacüere. ³⁶Caivu ju aivu mamacüere, Cristore, járavu cüiméjáravu baquinóre cavarõ mearoi cuvama na. Ubenita caivu jápiabevü íre, Cristore, járavu cüiméjáravu baquinóre cavarõ mearoi cuvabema na. Quéñora ne jápiaiyube báque boje, náre urarõ ñájine ñacayume Jümenijicüi, arejamedá Juan Bautista.

Jesús Samariacacoque ne boroteino
(Jn 7.37-39)

4 ¹⁻²Obedivü ñi bueimara cuvarejamedá Juan Bautista. Ubenita pueno obedivü ñi bueimara cuvarejame Jesús. Aru Jesúi Jümenijicüere jáðovaimara mácañu ocoque obedivü barejáima Juan Bautista ñi Jümenijicüere ocoque jáðovaimara mácañu pueno. Ubenita Jesúcapüravu pöevare Jümenijicüere jáðovamenejame ocoque. Quéñora ñüja,

ñi yávaive méne beorí coyüicõjeimarare jáðovaicõjenejame náre ocoque. Ina fariseo ñmicurijajubocavü, pöeva “Jesús obedivü ñi bueimara cuvabi Juan Bautista pueno”, ne arí boroteiyede jápiarejaimada. ³Jesús jápiaiyu bácu ina fariseova ne coreóva iyede iye borore úra, Judea ñmicurõre ñajocarí nuri, Galilea ñmicurijaborõi nurejame. Aru éque nurejagará ñüja.

⁴Ñüje nüiyede Galileai, Samaria ñmicurijaborõi vaiye jaurejavü ñüjare. ⁵Vaidé nuri, Samariacacõ ímaro, Sicar ñmicurímaroi emenejagará ñüja. Sicar bajita cürejaquemavü no joborõ, ñüjeñecu mácu Jacob bácu ñi jino mácarõ ñi mácu, José bácuere. ⁶Nore cuvü ne oco doaicobe, Jacob bácu oco doaicobe. Járavu corica baji barejávü. Joa baju mari, darí, ueturejame Jesús. Que baru no oco doaicobe écarüi dobarejame, jabuóvacayü.

⁷⁻⁸Ëi jabuóva iyede, ímaroi emeni nurejagará ñüja, ñüje ñarajiyede bojedaráñivü. Ñüje nuriburu yóboi, oco doainore emeni earejacoða cüináco Samariacaco. Oco doacodaðo barejácoða.

—Oco, ji ücuquiye jíjaco yure, arejamedá oco doacodaðore Jesús.

⁹Ubenita Samariacavüere judíoiva ne puque ube boje, cuicumari dápiarí yópe arejacoða Jesúre:

—Judíobu mü. Aru ya Samariacacobu. ¿Aipe teni yure ücuiye jëñañuru mü? arejacoða.

¹⁰Óre arejamedá Jesús:

—Jümenijicüi müre jíjuroede majibevü mü. Yu müre ocore jëñañure, majibevü mü. Yure majico baru, “Ocore jíjacu”, yure ajebu mü. Aru nópe jëñaðore apüre ñaiocore müre jíjebu ya, arejamedá óre Jesús.

¹¹Jesúre arejacoða:

—¿Aipe ayurü mü yure?

Ëmujuricobebu yo. Aru mi oco doaquino cuvabevü mü. ¿Ári apüre ñaicorore, mi ocore, ícuyurü mü? ¹²Dicobede jídejaquemavü majeñecu mácu, Jacob bácu. Javede ñ mácu aru ñi mára mácañu yore ocore ñi ücurejaquemavü.

Aru jídejaquemavũ ne oteiãimara mácvũre. ¿Jacob bácvũ pũeno parũcũrũ mũ? arejacoda úre.

¹³Óre arejamedã Jesús:

—Ácvũ pũescu ũcuũũre oco dicobequede, bediõva cojedeca cũiĩnõquiyebu úre.

¹⁴Ûbenita ácvũ pũescu iye ocore, ji jíquicorore, ũcuũũ mácvũre cũiĩnãra, ye cũiĩnõmequiyebu úre cojedeca. Ji jíquicoro oco pĩarõinope teni, jãravũ cũiĩmējãravũ baquinõre cũvacũũme ji jíquicorore ũcuũũ mácvũ, arejamedã Jesús.

¹⁵Ico nomiõ arejacoda:

—Jede, mi aicorore, iye ocore, jíjacu yũre caride. Ji ũcucojiye jíjacu yũre, bediõva cojedeca cũiĩnõmequiyepẽ ayũ yũre aru ji oco doacodabecojiyepẽ ayũ yore jãravũa coapa, arejacoda õ.

¹⁶Õi que arĩburuta, õre yãvãrejameda Jesús:

—Mimãrepacũre cutuconũjaco mũ. Úre davajaco yũre, arejamedã õre.

¹⁷—Jimãrepacu cubebĩ, arejacoda õ.

—Jãve adobu mũ. Mimãrepacu baju cubebĩ. ¹⁸Cũiĩnãpũrũpẽ paivũ ũmũva cũrĩduavũ mũ. Aru caricacu mi yõvaimũ, mimãrepacu baju ãmemi ã. Jãve baju adobu mũ, arejamedã õre Jesús.

¹⁹—Yũre Jũmenijicui yãvaiyede coyũcaipõescu batedébu mũ. ²⁰Yore, yõcacũ cũracũre Jũmenijicũre mearore jídejaquemavũ ñũjeñescuva mácvũ. Ûbenita “Jerusalévacari Jũmenijicũre mearore jíye javũ”, adavũ mũja judiõva, arejacoda õ.

²¹Jesús arejamedã:

—Ji coyũiyede me jápiajaco. Jãvetamu ji coyũiyẽ. Apejãravũa daquijãravũa baquiyé põeva Jũmenijicũre mearore jínanũmenajarama Jerusaléi aru dicũ cũracũi máre. ²²Mũja Samariacavũ mũje mearore jímvũre majibevũ mũja. Ûbenita ñũja judiõva majivũ. Jũmenijicũ ãi daroimũ mácvũ põevare meadaipõescu ñũjecũbe. Que baru majininea Jũmenijicũre mearore jívũbu ñũja judiõva. ²³Ji aijãravũa daquijãravũa baquiyé jave eare nuivũ. Dĩnũmũ maquinõre põevare mearore

jíde ðacũyũme ñai Espĩritu Santo Jũmenijicũre yõpẽ jãve coyũiyepẽ.

Põeva nápe paivũ quévũra úre mearore jíyũrivũre ubi Jũmenijicũ.

²⁴Jũmenijicũrecabe cũre ðayũ caivũre. Põeva mearore jíni majidivũbu úre, yõpẽ jãve coyũiyepẽ ñai Espĩritu Santo ãi nõpe majide ðaiyede, ãi náre cũre ðaiyeque mamaũmeque, arejamedã Jesús.

²⁵Úre arejacoda:

—Majivũ yũ Mesĩare, Jũmenijicui epeimũre, põeva ne aimũre Cristo, ðacũyũre. Aru ãi daquiyede, caiyede majare coyũri jebecũyũme, arejacoda.

²⁶—Yãbu Cristo, mũre boroteyũ, arejamedã õre Jesús.

²⁷Ico nomiõre ãi que coyũiyẽ bajure copaidarejagarã ñũja, imaroi cuiivũ bácvũ. Pare ðãpiaivũ ñũje jáiye boje úre boroteyũre nomiõque, “¿Aipe teni õque boroteyũrũ mũ?” ájũrorivũ barejagarã ñũja. Ûbenita úre jẽniari jámenejagarã. ²⁸Õcapũravũ õi oco doaibũre noi nõri, copainũrejacoda õi cũriimaroi. Noi nũri, earĩ, nõcavũre coyũrejacoda:

²⁹—Jãradajarã mũja. ¿Yũre ji teiye báque caiyede coyũyũ, Cristo bárica ã? arejacoda náre.

³⁰Õi que arĩburu yõboi, õque járadarejaquemavũ diĩmarocavũ.

³¹Imarocavũ ne edabede cãreja, ñũje bojedãiye báque ãiyede Jesũre ãicõjenidurejagarã ñũja.

—Mũ, bueipõescu, ãiyede ãjacu mũ, arĩdurejagarã Jesũre.

³²—Mũje majibede ãiye cũvavũ yũ, arejame ñũjare Jesús.

³³Aru ñũje bajumica boroteivũ, jẽniari járejagarã:

—¿Úre ãiye davarãma apevũ? arejagarã.

³⁴Aru Jesús arejamedã:

—Maja ãiyede ãri bũojarĩburu ũmedaivũ maja. Quédeca yũ ðayũ yõpẽ yũre daroyũ bácvũ ãi nrõpẽ aru bũojayũ iye ðaiyede ãi ðaicõjeiye báquede yũre, ũmedaivũ yũ. ³⁵“Yõvaicũvaivũ aviãva bũcũquiyebu maje ãiye”, majidivũ

ne coyũino mácarõpe aiyavũ mũa. Ëbenita yu coyuyubu mũjare. Āiye jẽinumũ jave eaiyu. Ānina majare edaivũre jãjara mũa. Āiyede jẽiyepebu na. Veá coboiyede jãri, ĩye jaũvu no. Quédécabu ānina, majare edaivũ. Veá coboiyepedeca javeta yũre ju aivũ barãjãrama na. ³⁶Põevare yũre ju are ðayũ bãcu āiyede jẽũnũ mácupedeca torojubi. Ēi memeiye boje, yũre ĩi ju are ðaimarare torojubi. Põevare jãravũ cũiméjãravũ baquinõre cuvare ðaibi. Que baru torojubi ĩ. Jũmenijicũi yãvaiyede coyurĩ búyu bãcure, oteipõescupe páyu, caðateibi põevare yũre ju are ðaipõescu. Aru põeva ne ju aiyede torojũma ina pũcarã. ³⁷Majidivũ ne coyũino mácarõpe, “Cũinãcu oteibi aru apescuta āiyede ĩmi”, jãvetamu no caride. ³⁸Āiyede jẽivũpe paivure mũjare jaroyutamu yũ, põeva yũre ne ju arãjiyepẽ ayũ. Ëbenita mũa ameteavũ mamarũmũ Jũmenijicũi yãvaiyede coyurĩ buivũ náre. Mũa jipocai Jũmenijicũi yãvaiyede coyurĩ búquemavũ apevũ. Apevũ ne coyũimara mácavũre yũre ju are ðajarã mũa caride. Jũmenijicũi yãvaiyede jãpiarĩduivũ bãcavũ yũre ju ajarãri na, arejame Jesús ñũjare majicayũ.

Ēi que aiyedata edarejaima ĩmarocavũ, Jesúque borotedo bácoi cutuimara mácavũ. ³⁹Õi aiyẽ boje Jesúrã, “Ji teiyẽ báque caiyede coyũibi”, obedivũ Samariacavũ ju arejaquemavũ ĩre. ⁴⁰Que baru ne edaiyede ĩi yebai, “Ñũjaque cuyacu cãreja”, arejaima Jesúre ina Samariacavũ. Dinũmũ pũcajãravũ náque cũrejame Jesús, náre bueyũ ne ĩmaroi. ⁴¹Jesúque borotedo báco õi coyũiyẽ boje náre, ĩre ju arejaquemavũ apevũ. Ëbenita ĩque boroteivũ obedivũ baju barejãima ĩre ju aivũ.

⁴²Que baru Jesúque borotedo bácore õi cuturĩ davaimara mácavũ arejaima:

—Caride ĩre ju aivũ ānevũ ñũja mi coyũiyẽ báque boje. Quénora ĩre ju aivũbu ñũje baju jãpiaiyẽ báque boje ĩi coyũiyede. Me majivũ ñũja Jesúre caivũ põevare meaðaipõescure, arejaima na.

Jesús ĩi meaðaino jabocui mácure
(Mt 13.57; Mr 6.4; Lc 4.24; Jn 2.1-11, 23)

⁴³Pũcajãravũ náque cũriburu yóboi, Galilea āmicurõi nũrejarã ñũja cojedeca, Jesúque nuivũ. ⁴⁴Javede ĩvacari arejame ñũjare: “Cũbebi Jũmenijicũi yãvaiyede coyũcaipõescu ĩi joborõcavũ ne puedaimũ”, arejame ñũjare Jesús. ⁴⁵Jipocamia, Pascua torojũve teinũmũre, apevũ Galileacavũ nũrejaquemavũ Jerusalẽn āmicurĩmaroi. Nore Jesúre põeva ne ðarĩ majibede ðayũre jãivũ bãcavũ barejãima. Que baru Jesús ĩi eaiyede ne joborõi cojedeca, ĩre torojũrivũ copũ etarejaima nócavũ.

⁴⁶Oco báquede Jesús ĩi ũcuiyẽ ðaino mácarõi Canã āmicurĩmaro, Galileacarõi, copainũrejarã ñũja Jesújã cojedeca. Nore, Canãi, cũrejame cũinãcu jabovacacu. Aru Capernaum āmicurĩmaroi cũrejameða ĩi mácu, pare ijeteyu. ⁴⁷Que baru ñai jabocu jãpiayũ bãcu Jesúi copaiyede Galileaita, Judeare jocarĩ, jãcũdarejame ĩi yebai. Jesús yebai edarĩ, yópe arĩ jẽniarejame Jesúre:

—Jĩmacu pare baju ijeteyuðe ĩ. Maumejeneca yaiquĩjibi. ĩre jãcũnuri, ĩre meaðacajacu yũre, arejame Jesúre ñai jabocu.

⁴⁸—Yũre põeva ne ðarĩ majibede ðayũre jãnevũ baru, yũre ye ju abenajaramu mũa, arejame ĩre Jesús.

⁴⁹Ëbenita Jesúre nuicõjenidurejame ñai jabocu.

—Maumena dajacu. Yũque jãcũdajacu mũ, jĩmacui yaiquĩyẽ jipocai. Yaiðécũbe cãreja jĩmacu, arĩdurejame Jesúre.

⁵⁰Aru Jesús arejame ĩre:

—Meaquiyebu. Mi cũrõi copainũjacu mũ caride. Mĩmacu yaiðécũbe, arejame. Jesús ĩi coyũiyede ju arĩ, cũinã copainũrejameða ñai jabocu. ⁵¹Ēi cũrõi eare nuñũre copũrejaimaða ĩre memecaivũ.

—Mĩmacu ũmedabi ũ, arejaimaða ĩre.

⁵²—¿Aipiye bajure ũmedari ũ? jẽniari jãrejameða ĩre memecaivũre.

—Ënoa marede, járavũ corica yóji boi moino buruvũ úre, arejaimada.

⁵³Ne que aiyede, ñai jabocu coreóvarejamedá. Jesús “Mímacu meacube caride”, ñi aiora bácarõre ñai jabocui mácu úmedarejamedá. Dinũmũre ñai jabocu aru caivu ñi cūramicavũ máre Jesúre ju arejaimada.

⁵⁴Judea ãmicurõi cucu bácu, Galilea ãmicurõi edarĩ, cucu, põeva ne ðarĩ majibenore ðarejame Jesús. Jabocui mácure úmedavainoque, puque põeva ne ðarĩ majibe bajure ðarĩ jáðovarejame Jesús.

**Jesús ñi meadaino nacajaiye
majibecure
(Jn 10.30-38)**

5 ¹No yóboi Jerusalén ãmicurĩmaroi ñija judíova ñuje torojave teino cūináro curejavũ cojedeca. Que baru ñija Jesújá máre no ímaroi jácunũreजारã. ²Diĩmaro biaido jedevacobe bajita, ovejava ne ecoicobe jedevacobena curejavũ cūinábu cuyai bu. Judíova ñuje yávaiyeque dibu ãmicurejavũ Betesda. Dibũ écarui põeva ne earĩ curãjinore cūinápurupe painoa jabuóvainoa curejavũ. ³⁻⁴Die jabuóvaiyena obedivu ijimara paraivu barejáima. Jári eabevũ, cuiye majibevũ, nacajaiye majibevũ máre, ijimara coapa noi curejaima. Apenũmũa pãcarejavũ dibu. Dibũ oco pãcaiyede coredejaima ina ijimara. Apenũmũa nore cūinácu ángele cavarõ mearo Jũmenijicui curõre jocarĩ émeni ðarĩ, dibũ ocore pãcovarejaquemavu. Ñi ocore pãcovaiye bajure dibũre cuyarãemejurorivũ barejáima ina ijimara. Mamarũmũcacu pãcovaiye bajure dibũre cuyacuẽmeñũ, cūiná úmedarejame, áde ijiéde cuvacu bácvacari. ⁵Ijimaracacu cūinácu treinta y ocho paiũjua baju corenidurejamedá, nore parayũ. ⁶Nomicata Jesús earĩ, ñai parayũre jári, coreóvarejamedá joe baju nore cucure. Que baru úre borotecunũrejame.

—¿Úmedaiyũcurũ mu? arejame Jesús.

⁷Ñai ijimũ arejame Jesúre:

—Járiajacu. Cainũmũa pãcovaiyede, ji cuyacuẽmejũroede, ji jipocai apesũcarũravũ nore émeni, turĩ cóvaibi. Yũre ocore énevacayũ cubebi, arejame Jesúre.

⁸—Nacajajacu mũ, aru mi parainore cututurĩ, ñni, vaivárĩ ñajacu mũ, arejame úre Jesús.

⁹Quénora cūiná úmedarejame ñai ijimũ mácu. Ñi parainore cututurĩ, ñni, vaivárĩ nũrejame ñi. Jesús ñi nópe ðaijãravũ ñija judíova ñuje jabuóvãijãravũ barejãvũ. ¹⁰Que baru úre, ijimũ mácure, coyũrãarejaimada judíovai jabovacavũ:

—¿Aipe ðayurũ mũ, mi parainore nópe nũvañũ? Cari járavũ maje jabuóvãijãravũ. Parainore nũvaicõjemenotamu, arejaimada úre ina jabova.

¹¹—Ûbenita yure meadaipõecu yópe abi: “Mi parainore cututurĩ, ñni, vaivárĩ ñajacu mũ”, abi yũre. Que barureca yũ nũvañũmu, arejamedá ñai ijimũ mácu.

¹²—¿Ñame matedĩ mũre que ayũ? arĩ jẽniari járejaimada na.

¹³Ûbenita coyũiye majibedejamedá náre. Ñre meadarĩ buojarĩnata, põeva ne jẽneboi bíjacunũrejamedá Jesús, obedivu põeva ne cue boje nore. Que baru Jesúre coreóvabedejamedá ñai ijimũ mácu. ¹⁴No yóboi, Jũmenijicui cūramita ijimũ mácure corurĩ, yópe arĩ, coyũrejame Jesús:

—Meabaju cucutamu mũ. Caride mi ãmeina teiye báquede dajocajacu. Cojedeca mũ ãmeina ðayũ baru, pũeno ãmeno ñãjicũyũmu mũ, arejame úre Jesús.

¹⁵Jesús ñi que arĩburu yóboi, úre coreóvarejamedá ñai ijimũ mácu. Cūiná, jabovare coyucunũrejamedá:

—Yũre meadayũ bácu Jesúbe, arĩ coyũrejamedá náre.

¹⁶Que teni Jesúre pare cãrijovari búrejaima ñuje jabova, úre ñãjine ðãjũrorivũ ñi meadaiye báque boje ijimũ mácure ñuje jabuóvãijãravũre.

¹⁷Ne ñãjine ðãjũroede úre, Jesús náre yópe arĩ, coyũrejame:

—Jipacu jabuónabebi. Quénora cainmua cadatevaibi pōevare. Que baru yu máre cadateyubu náre, arejame Jesús.

¹⁸ Jesús ñi que aye boje, pueno úre boarí jaruvaiyurejaima ñuja judíova ñuje jabova. Ñi ðabe boje ne ðaicōjeiyere jabuónvajāravure, úre boarí jaruvaiyurejaima. Ñbenita pare boarí jaruvaiyurejaima úre, “Jipacube Jūmenijicu”, ñi aye boje. Ne dáriaru, ñi que aino, “Jūmenijicupe majicubu yu”, ayu barejáme Jesús.

**Jesúre Jūmenijicu ñi
pūgucñvaicōjeino**

(Mt 3.17; Mr 1.11; Lc 3.22;
Jn 1.19-27, 3.27-30)

¹⁹ Jesús, yópe arí, coyūrejame náre:

—Jāve coyūyubu mujare: Yu, Jūmenijicui mácu, ji baju jipacui coyūbenore jauwabeda ðayū buojabevū. Quénora jipacu Jūmenijicure jáññ, ñi ðaiyepedeca ðayūbu yu. Caiye iye jipacui ðaiyede yu, mamacu, máre ðaivū diede. ²⁰ Pare ubi yure jipacu. Ñi ðaiye caiyede majicaibi yure. Pueno paruéde ji ðaquiyede jádovacuyūme yure jipacu. Mujavacari űrārō cūcumarajaramu yure, jádovaicōjesuyure jipacu. ²¹ Yópe yaivū bācavure jipacui nacovaiyere yainore jarūvarí, nopedeca yu, mamacu, cure ðayūbu ina ji űmarare. ²² Jipacu āmemi coyūcuyū pōevare áde ne bojede ne ðaiye boje ijāravūi. Quénora yure, mamacure, coyūicōjeimi diede náre. ²³ Ñi que cōjeimi, caivū pōeva ne pueðarājiyere ayu yure ne pueðaiyepedeca jipacure. Ácu pōecu pueðabecu yure, mamacure, pueðabebi jipacure máre, yure daroyū bācure ijāravūi, arejame Jesús.

²⁴ Náre coyūre nūrejame Jesús:

—Jāve coyūyubu mujare: Ácu pōecu ji coyūiyede járiayū baru aru yure daroyū bācure ju ayū baru, jāravū cūiméjāravū baquinóre cūvabi ñi. Coatejurocu bācūvacari Jūmenijicure jarūvarí, ñájiññ macuyú āmemi. Javeta jāravū cūiméjāravū baquinóre cūvabi ñi.

²⁵ Jāve coyūyubu mujare: Cūinājāravū ðaquijāravū baquinó jave eare nūnotamu ina coateivū Jūmenijicure jarūvarí ne járiarājiyede ji coyūiyede. Ina coateivū Jūmenijicure jarūvarí yaivū bācavure paivutamu ne űmei. Ñbenita ne járiaiyede yure, Jūmenijicui mácure, ju aivū baru ji coyūiyede, curājarama na. ²⁶ Yópe jipacui apure ðaiyere pōevare, nopedeca yure, mamacure, apure ðaicōjeimi pōevare. ²⁷ Yūrecabu Jūmenijicui daroimū mácu űmure. Que baru Jūmenijicui pūgucñvaicōjeimi yure, ji coyūquiyepe ayu caivū pōevare áde ne bojede ne ðaiye boje ijāravūi.

²⁸ Cūcumamejara mūja. Apejāravū baquinó eare nūnoi, caivū ina yaivū bācavū járiarājarama ji coyūiyede.

²⁹ Aru nacajarajarama yainore jarūvarí. Ina meara mácavū nacajari, jāravū cūiméjāravū baquinóre cūvarājarama na cavarō mearo Jūmenijicui curōi. Ñbenita ina āmeina teivū bācavū nacajari, ñájinajarama cainmua toabo cūiméboi, arejame Jesús.

³⁰ Náre coyūre nūrejame Jesús:

—Ji baju jipacui coyūbenore jauwabeda ðayū buojabevū. Quénora jipacu Jūmenijicure járiayū, ñi coyūiyepeda coyūyubu yu pōevare áde ne bojede ne ðaiye boje ijāravūi. Que baru ji coyūiyede nurié coyūyubu yu. Ji nópe coyūye nuriétamu, ji ðaiyube boje yópe ji baju űrōpe. Quénora jipacu, ñai daroyū bācu yure ijāravūi, ñi űrōpe ðayūbu yu. ³¹ Ji baju “Meacubu yu”, abevū. Ji que aru, “Ñbeni que ayube ñi”, ajebu mūja. ³² Ñbenita yure apēcūcapūravū “Meacu bajutame Jesús”, aibi. Jāvetamu ñi que aino.

³³ Mujavacari mūje daroimaraque jēniari jáicōjeniduemavū Juan Bautista yebai, yure majiyūridūivū. Aru Juan Bautista náre jāve coyūquemavū.

³⁴ Meavū no ñi coyūino. Ñbenita yure coyūcaipōecu jaubevū, ji jádovaquiyepe ayu ñamene yure. Juan Bautista ñi coyūino mácarōre coyūyū batevú yu, mūje majinajiyere ayu ñamene yure, ji meaðaquiyepe ayu mujare. ³⁵ Yópe

pëoibũ járe ðaiyepe pöevare, nopedeca yáviyede jávene majide ðáme Juan Bautista. Nurinimare pëoibũ pëoinope jáðovaridume. Ñi que teiyede torojuteavũ mũa mamarũmure cãreja. ³⁶ Ñbenita ji baju daiyeque jáðovaivũ ñamene yũre. Yátamu jáðovañũ Juan Bautista ñi jáðovaino mácarõ pũeno.

Ñipacui ðaicõjeiyepeda yũre, diedecabu ji ðaiye. Iye ðaiye jáðovaiyetamu yũre jáve jipacui daroimũ mácure. ³⁷ Aru jipacũvacari, ñai daroyũ báciu yũre, coyũibi ji borore jáve. Ñbenita jipacure jámevũ mũa. Aru jápiabevũ mũa. ³⁸ Yũre, Jũmenijicui daroimũ mácure, ju abevũ mũa. “Jũmenijicure coyũcaipöecubu mũ”, yũre aiyũbevũ mũa. Que baru ñi yáviyede cũvabevũ mũa mũje ñmei. ³⁹ Jũmenijicui yáviyede ñi toivaicõjeiye báquede pare bueniduyavũ mũa. “¿Jũmenijicui yáviyede ñi toivaicõjeiye báquede bueivũ, aipe ðarĩ járavũ cũiméjãravũ baquinóre earãjidi maja?” arĩduyavũ mũa. Aru diemiareca mũje bueiyeque ji borore jáve toivaiyebu. ⁴⁰ Ñbenita yũre jëniyaiyũbevũ ji cũvare ðaquiyepa aivũ mũjare járavũ cũiméjãravũ baquinóre, arejame náre Jesús.

⁴¹ Náre coyũre nũrejame Jesús: —Pöeva ne mearore jýyede yũre vobevũ yũ. ⁴² Mũjare me majivũ yũ. Coreóvaivũ mũjare Jũmenijicure ñbevũre mũje ñmei. ⁴³ Yore coyũicõjeni darorejame yũre jipacu. Ñbenita yũre ñbeni, copũ etabevũ mũa. Ñbenita apescu ñi coyũcũdaru ñi baju, jaũrabeda ñre copũ etadarãmu mũa. Ñre jápiadarãmu. Ñbenita yũre ye jápiyaiyũbevũ mũa. ⁴⁴ Mũje baju copũ mearore jýyede vore cuivũbu mũa. Ñbenita ye vobevũ mũa ñai Jũmenijicu cũinácura ñi jíquiyepe aivũ mearore mũjare. Mũje nópe ðaiye boje, ji coyũiyede jáve ju arĩ bũojabevũ mũa. ⁴⁵ Ñbenita dápiabejarã mũa ñbenina. Yávacari ñmevũ boro coyũrĩ adacũyũ mũjare jipacui jáinore. Moisés

báciu, ñai mũa coreimũ cadatecũyũre, ñrecabe boro coyũrĩ adayũ mũjare, mũa jápiabeni ju abe boje iye borore, ñi toivaino mácarõre. ⁴⁶ Moisés báciu ji borore toivarejaquemavũ. Que baru mũa jáve ju aivũ baru ñi mácure, yũre máre ju ajebu mũa. ⁴⁷ Ñbenita mũa ju abe boje ñi toivarĩ coyũiye báquede, ji coyũiyede máre ju abevũ mũa, arejame náre Jesús.

Jesús ñi ñre ðaino cũinápũrũpe paimil baju ñmũvare

(Mt 14.13-21; Mr 6.30-44; Lc 9.10-17)

6 ¹ No yóboi jiadocũi jaturĩ, macajitabu urabu Galilea ñmicũrijitabure jatarĩ nũrejacarã ñũa Jesúsã pu apedaveita. Dibvacari Tiberias máre ñmicũvũ. ² Ñũa jataivũque darejaima pöeva obedivũ. Ne ijimarare meadayũre jáiye báque boje, pöeva ne ðarĩ majibede jáðovaiyede jáivũ bácavũ Jesúsque darejaima. ³ Macajitabu urabure jataivũ bácavũ, cũracũ pũeno mũri dobacũnũrejame Jesús, ñũa ñi bueimaraque. ⁴ Pascua ñmicũrijãravũ baquinó, ñũa judío va ñũje torojũve teinũmu maquinó eare nũino marejãvũ. ⁵ Dicũ pũeno dobacũ, pöeva obedivũre ñra mũre daivũre járejame Jesús.

—Que pöeva obedivũ dare daivũ jároma. ¿Ne ñrajiyede ñri bojeðarãjídica maja? jëniari járejame Felipe de Jesús.

⁶ Que arejame Felipe. Aipe ñrojãe ñi ju ainore jápiayũcu barejãme, ñre que ayũ. Felipe ñi jëniari jáquiye jipocamiata, jáve majidejaquemavũ Jesús aipe ñi ðaquiyede. ⁷ Felipe arejame:

—Tãutũraque doscientos paijãravũva memeiye báque bojeque ne ñrajiye quĩjie baju pãure bojeðarĩ bũojabevũ maja, arejame Felipe Jesúsre.

⁸ Apescu ñũjacacu, Jesúsĩ bueimaracacu, Simón Pedroĩ yócu Andrés, arejame Jesúsre:

⁹ —Pöevaque dayũ báciu juedocu pãũboa cũinápũrũpe paiboa cebada ñmicũe oteiyeque ne ðaiboa báquede aru

moajina pucajina ne joaimara macavure cuvabi ñ. Ubenita pøeva obedivure eabequiyebu ñru, arejame Jesúre Andrés.

¹⁰—Pøevare dobaicøjeja mña, arejame Jesús ñña ñi bueimarare.

Cøriá meacøria curejavñ nore. Que baru cøriá pñenora dobarejaima na. Nácavu ñmuvacari cüinápurupe paimil baju barejáima. Aru nomiva, jñedova máre, obedivu curejaima. ¹¹Pøeva ne dobaríburu yóboi, Jesús páuboare jñeni, torojuede jídejame Jñmenijicure. Torojuede jñni buojarí, páuboare cotvavari jebeni, ina dobarivure jíçøenejame Jesús ññjare, ñi bueimarare. Aru moajinare máre quédeca ðarejacañ ñña. Ne ñrøpe ñrejaima ina pøeva. ¹²Ne ñriburu yóboi, Jesús arejame ññjare, ñi bueimarare:

—Pøeva ne ñri oabede íjara mña, maje bíjare ðabenajiyepu aivñ ñiyede, arejame Jesús.

¹³Que baru ñni, meadarí iye cebadaque ne ðaíboá báque páuboajeveare pøeva ne ñri oabe báquede pñebña doce paibure buivárejacañ. ¹⁴Ina pøeva jáivñ bácvñ no pøeva ne ðarí majibenore, Jesús ñi ðaiyede, yópe arí bárejaima ne bajumia:

—Jáve ñaime Jñmenijicui yávaiyede coyñcaipøecu bacnyá, edacnyu me íjaravure ne ávaimñ, aivñ barejáima na.

¹⁵Ére que aivure majídejaquemavñ Jesús. Aru ne jñeni jaboacoiyede máre majídejaquemavñ ñ. Que baru náre jocarí cüinácva mñri nñrejamedá cñracü pñenoí, dupiyñ náre.

Jesús ñi cuino oco pñenora
(Mt 14.22-27; Mr 6.45-52)

¹⁶Ñemié tuyede macajitabñ urabui ñmenejacañ ñña, Jesúí bueimara. ¹⁷Nore jíadocüi jaturí nñri, macajitabñre jataríðurejacañ, Capernaum ñmicñriímaroi nñjñrorivñ. Que teicavure nainéjavñ. Aru Jesús ðabedejame cáreja ññje yebai. ¹⁸Ümevñ ññjare edarí, japurejavñ. Pare pácarejavñ macajitabñ urabñ ññjare, jatajñrorivñ. ¹⁹Ñña pare doarí, ññjini, cüinápurupe

paikilometros baju nñri, macajitabñ urabñ pñenora vaivári ðarejame Jesús, ññje yebai dayu. Ére jári, urarø jíðurejacañ ñña. ²⁰Que teivure jári, ññjare yávarejame Jesús:

—Yñ Jesútamu. Jíðubejará mña, arejame ññjare.

²¹Ñi que aríburu, torojurí “Jatujacu”, arejacañ. Ñi jatuiyedata écarui ññje earájinore cüiná datuoñrearejacañ ñña.

Pøeva ne voino Jesúre

²²Cømiáíjaravñ Jesúre voríðurejaimada na macajitabñ urabñ écarui mauteivñ bácvñ, ñi ñoimara macavñ. Majídejaimada jíadocü cüinácva nore curicü mácarøre no jípacajárvure. Aru majídejaimada ñña ñi bueimaraque numecu bácvure máre. Que baru apecü ñi jatajñroricü cubedejavñya. ²³Ne voyede apevñ jataivñ bácvñ Tiberias ñmicñriímarocavñ paráññrejaimada. Jesús Jñmenijicure torojuede jñniburú yóboi pøevare páuboá ne ñrajíboá jñno mácarø joabejñoi tuijrejaimada. ²⁴Jesúre aru ññjare ñi bueimarare máre eabeni, edaicña máquede jaturejaimada ina écaboi curivñ bácvñ. Macajitabñ urabñre jatarí nñri, Capernaum ñmicñriímaroi earejaima na, Jesúre voinvñ.

Jesús ñi coyñino pøevare
apure ðarí ñiyepu

²⁵Ñibñre jataivñ bácvñ Jesúre earí, jñniari járejaima ére:

—Mñ, bueipøecu, çaiyiye bajure íðñvei jatacurñ mu? arejaima.

²⁶Jesúcapñravñ, yópe arí, coyñrejame náre:

—Jáve coyñyubu mñjare: Yñre voráðabevñ mña, mñje jápiarí eaiye boje jí jáðovaiyede pøeva ne ðarí majibede jí ðaiyeque. Quénora yñre voráðadavñ mña, mñje ñri yapíye báque boje. ²⁷Yóque ñiye pojeiyebu. Die matuiyeda memeni vobejará mña. Quénora iye ñiye cure ðaiyede jaravñ cüiméjaravñ baquinóre pare vojará mña.

Diedecabu yu, Jūmenijicui daroimu mácu ūmure, ji jíquiyē mujare, jipacu Jūmenijicu ūi jáđovaiye boje ūi mearo jáiyeđe yure, arejame Jesús.

²⁸Ūre jēniari járejaima:

—¿Aipe đaiye jauri űujare, űuje đarājiyēpe aivu yópe Jūmenijicui űrōpe? arejaima.

²⁹Jesús arejame:

—Yo cūináro đaiye jaűvu mujare, đarājivu yópe Jūmenijicui űrōpe. Ju ajarā yure, ūi daroimu mácu, arejame.

³⁰Ūre arejaima:

—¿Yéde pōeva ne đarí majibede đacuűrū mu, űuje járiburu yóboi űuje majinajiyēpe ayu jávene mi coyuiyede? ¿Áđepe paiyeba mi đaiye? ³¹Majeñecua mácvu ne cuede pōecubenoí maná āmicue āiyede ārejaquemavu na mácvu. Que đarejaquemavu yópe Jūmenijicui toivaicōjeiye báquepe ūi yávaiyede:

“Cavarō mearo Jūmenijicui cūrōre jocarí āiyede jōđavari darorí jíđejaquemavu náre”, arí toivaicōjenejaquemavu Jūmenijicu, arejaima Jesús.

³²Aru Jesús ju ayu arejame náre:

—Jáve coyuyubu mujare: Moisés bácu āmenejaquemavu űai jōđavari daroyu bácu āiyede cavarō mearo Jūmenijicui cūrōquede. Quénora jipacurecabe űai jōđavari daroyu bácu āiye bajure cavarō mearoquede. ³³Cavarō mearoque āiye Jūmenijicu ūi daroiye me bajutamu. Iyetamu pōevare cure đaiye jāravu cūiméjāravu baquinóre, arí coyurejame Jesús.

³⁴—űuje jabocu, iye āiyede jíjacu űujare cainmua, arejaima űre.

³⁵Jesús arejame náre:

—Yurecabu iye āiye. Āiyepe pōevare jáve cure đayubu yu jāravu cūiméjāravu baquinóre. Yópe pōescu āri buojarí, űre āvúé ijibere, nopedeca ácu pōescu yure yóvacuđayu baru, űre ye jaubequiyebu cainmua ūi űmei. Aru yópe pōescu űcuri buojarí, űre cūiñómepe, nopedeca ácu pōescu yure ju ayu baru, űre jaubequiyebu cainmua ūi űmei.

³⁶Ūbenita yópe ji mujare ávarepe, yure jáivvacarí ju abevu muja.

³⁷Yure jipacu ūi ju are đaimara coapa yure yóvarí curājarama. Aru jáve náre coapa ju arí jacocuűuyumu yu. ³⁸Cavarō mearo Jūmenijicui cūrōi cūcu bácu yore ěmecudarejacacu yu, đacuűu jipacu, yure daroyu bácu, ūi űrōpe. Ji űrōpeda đacuűu āmenejacacu yu. ³⁹Yópe űbi űai yure daroyu bácu: Caivu ina yure ūi ju are đaimarare coreiye jaűvu yure, ne bíjabenajiyēpe ayu, aru ji nacovaquiyēpe ayu náre coapa yainore jarűvarí ānijāravu buojaquijāravu baquinóre. Que đainore űbi űai daroyu bácu yure.

⁴⁰Jipacu űbi caivu pōeva yure jári, coreóvarí, ju aivure ne cűvarājiyēpe ayu jāravu cūiméjāravu baquinóre. Aru yávacarí náre nacovacuyumu yainore jarűvarí ānijāravu buojaquijāravu baquinó, arejame Jesús.

⁴¹“Cavarō mearoque āiye bajutamu yu”, ūi aiyede jápiarí, Jesúsre jorojinejaimada nócavu judíova, ne bajumia jūjuvaivure űra.

⁴²—űai Jesús José bácuí mácutame.

Aru jipacore máre coreóvadavū maja. ¿Aipe teni, “Cavarō mearo Jūmenijicui cūrōre jocarí ěmeni darejacacu yu”, arí buojaidi ű? arejaimada na, ne bajumia boroteivu.

⁴³Quénomia Jesús arejame náre:

—Muje bajumia jorojini āmeina yávabejarā yure. ⁴⁴űame dabenama ne baju yure yóvaráđavū jipacu, yure daroyu bácuí náre daicōjemenu. Jipacurecabe yure darocairpōescu, ji nacovaquiyēpe ayu ina pōevare yainore jarűvarí buojaquijāravu baquinóre. ⁴⁵Javede Jūmenijicu toivaicōjenejaquemavu ina ūi yávaiyede coyucairpōeva mácvure yópe arí: “Pōeva caivure buescuűme Jūmenijicu”, arí toivaicōjenejaquemavu. Que baru caivu ina jipacuí bueiyeđe jápiarí adarí, ju aivu, yure yóvaráđavūbu na, arejame Jesús.

⁴⁶Náre coyure nurejame ű:

—Ji nōpe aiyēque, “Jūmenijicure jáđaima pōeva”, aiyucu āmevu yu. Yurecabu Jūmenijicu yebai cūcu bácu, ūi daroimu mácu, cūinácura űre jáñu

máscu. ⁴⁷Jāve soyuyubū mūjare: Caivū pōeva ju aivū yūre jāravū cūiméjāravū baquinóre cūvarājarama. ⁴⁸Yútamu āiyepe páyu. Jāve pōevare cure đayūbu yū jāravū cūiméjāravū baquinóre.

⁴⁹Mūjeñecūva máscavū ne cuede pōescubenoī āvarejaquemavū manāre. Aru diede āivū bācavūvacarī būcuteni yaidéjaquemavū. ⁵⁰Ūbenita ji soyūvare āiyeibu, cavarō mearo Jūmenijicūi cūrōi ēmeni daiye āiye. Áscu pōescu ji soyūvare āiyede áru, ūi ūme yaibéquiyeibu. Coatebecūyūme Jūmenijicure jarūvarī.

⁵¹Yútamu iye cavarō mearore ēmeni daiye báque āiye. Áscu pōescu iye āiyede āñū maru, cūcūyūme cainūmūa. Iye āiye ji jíquiye ji bajubu. Ji bajure jícyūmu caivū pōevare boje, ne curājīyepe ayū mamaūmeque, arejame Jesús.

⁵²Jesús ūi que aiyede, ina judíoiva ne bajumia boroteni búrejaima, ūre jaraivū, ūi nópe aiyé boje.

—¿Aipe đarī majare ūi bajure āicōjeni bujoaquidica ñai? arejaima.

⁵³Yópe arī, jēvarī soyūrejame náre Jesús:

—Jāve soyuyubū mūjare: Yūbu Jūmenijicūi daroimū máscu ūmūpe. Ji jiarūre āmevū baru mūja, aru ji jivede máre ūcūmevū baru, cubenajaramu mūja mamaūmeque. ⁵⁴Áscu pōescu ji jiarūre āñū máscu aru ji jivede máre ūcūñū máscu jāravū cūiméjāravū baquinóre cūvascūyūme. Aru yūvacarī ūre nacovascūyūmu yainore jarūvarī ānijāravū buojaquijāravū baquinóre.

⁵⁵Áiye bajutamu ji jia. Aru ji jive máre ūciuye bajutamu. ⁵⁶Áscu pōescu ji jiarūre āñū máscu aru ji jivede ūcūñū máscu cubi yūque, aru ūque cūvū yū máre. Cūinávūpe cūvū ñūja.

⁵⁷Jipascū, ñai pōevare arūre đayū mamaūmeque, darorejame yūre aru arūre đarejame. Nopedeca áscu pōescu yūre āñū máscure, ūre arūre đascūyūmu yū. ⁵⁸Iye ji soyūvare āiyeibu cavarō mearo Jūmenijicūi cūrōi ēmeni daiye báque āiye. Mūjeñecūva máscavū ne āiye báquepe paiye āmevū die. Na máscavū āivū bācavūvacarī būcuteni

yaidéjaquemavū. Ūbenita áscu pōescu āñū ji cari soyūvare āiyede cūcūyūme cainūmūa, arejame Jesús.

⁵⁹Capernaum āmicūrīmaroī cūcū, judíoivaī cōjijīñami pōevare bueyū, nópe soyūrejame Jesús.

Jesús ūi bueino jāravū cūiméjāravū baquinóre

(Mt 16.16; Mr 8.29; Lc 9.20)

⁶⁰Jesús ūi nópe bueiyede maiyójeda dápīarī, yópe arejaima ūi bueimara obedivū.

—Maiyójarō baju bueibi. Nore jápiarī coreóvabevū ñūja, arejaima na Jesúre buejūrorivū ne bajumia.

⁶¹Jesús, coreóvayū jorojīvure ne bajumia jūjuvaivure ūra, jēniari járejame náre:

—¿Cari mūjare ji bueiye boje āmeina jáivurū yure? ⁶²¿Yūre, Jūmenijicūi daroimū máscure ūmūpe, ji cūrō mácarōi ji muiyede jáivū baru, aipe dápīaje bárica mūja? ⁶³Jūmenijicūi Espíriturecabe pōevare cure đayū jāravū cūiméjāravū baquinóre. Pōeva ne baju apevū pōevare cure daiye majibema. Iye cari ji soyūiyeque, yūrecabu mūjare cūvare đayū Jūmenijicūi Espíriture, ñai pōevare cure đayūre mamaūmeque ne ju aiyede yūre. ⁶⁴Ūbenita apevū mūjacavū yūre ju abema cāreja, arejame náre Jesús.

Ūi bueni buijāravū bācarōre jipocamiata, Jesús coreóvarejameđa ñame ūre ju abenajivure aru áscu pōescure ūre jēne đascūyūre ūi mauvare máre.

⁶⁵Jesús arejame náre cojedeca:

—Caivū āmevū mūja ju aivū yūre. Que baru soyuyubū mūjare: Áscu pōescu cubebi ūi baju yóvacūdayū yūre, ju acūyū jipascūi ūre daicōjemenu. Jipascurecabe pōevare ji yebai darorī ju are đayū, arejame.

⁶⁶Dinūmūmia Jesúque buejūrorivū bācavū ūre dajocarejaima. Quénora ūque cubedejaima. ⁶⁷Que teiyede jári, ñūjare, ūi bueimarare, ñūja doce paivū bajure, yópe jēniari járejame:

—¿Mujá máre yure dajocaiyurivurú? arejame ñujare Jesús.

⁶⁸Yópe arí darorejame Jesúre ñujacacu Simón Pedro:

—Mu, ñuje jabocu, mátamu ñujare jáve baju bueiye de coyuyu. Mi coyuiyeque ñujare cure ñáivu mu járavu cüiméjáravu baquinóre. ⁶⁹Javeta mure ju adavú ñuja. Mure coreóvaivubu Jümenijicui mácu meacu bajure, arejame Pedro Jesúre.

⁷⁰Jesús arejame ñujare:

—Mujare doce paivure beocacu yu. Ñbenita cüinácu mujacacu abujuvai jabocuí cõjeimunte ñi, arejame ñujare ñi bueimarare.

⁷¹Jesús que ayu, Judas, Simón Iscariotei mácu, ñi ñáquinore coyuyu barejáme. Judas Jesúi bueimú mácvacari, Jesúre jëne ñácu yu barejáme ñi mauvare.

Jesúí yóva úre ne ju abeno

7 ¹No yóboi Galilea ámicurócarõa ímaroa coapa cücüñu marejáme Jesús. Ñbenita Judea ámicurõi ñuiyubedejame, nócvavu judío va ñuje jabova jorojini ne boaiyue boje úre.

²Ñuja judío va ñuje torojüve teinümü, úcua ñáinümü, eare nuino marejávü.

³Que baru Jesúre ñuicõjeivü, ñi yóva arejaimada:

—Yui mautebejacu mu. Qué nora ñujacu Judeaita, ina nócvavure mi bueimara máre ne járajiyepe aivü mi ñáiyede. ⁴Põescu ucu baru apevu ne coreóva iyede úre, ñi ñáiyede ñábebi yavenina. Que baru na caivure mi paruéque mi ñáiyede jáðovacunujacu mu, ámiyó, arí coyurejaimada ñi yóva.

⁵Dinümüre ñi yóva Jesúre, “Jümenijicui mácvu mu”, abedejaimada. Que barureca Jesúre nópe arejaimada.

⁶Náre, yópe arí, coyurejaimada Jesús:

—Yure ji nuino eabevü cáreja. Ñbenita mujare, muje ñuiyurinumü ñuru, meavü. ⁷Mujare cõenímema ina Jümenijicure ju abevü. Ñbenita yure jáiyubema Jümenijicure ju abe põeva. Náre ne ámeina teiyena coyüivü yu. Que baru

yure jáiyubema. ⁸Mujavacari torojüve teiyede járanujara. Yu ñumevü cáreja, ji ñuquino eabe boje, arejaimada Jesús.

⁹Nópe arí coyuyü bácu ñi yóvare, Jesúcapüvavu mautedejame apejáravü na Galilea ámicurõmia.

Jesús ñi coyüino judío va úcua ñáino ne torojüve teinoi (Jn 5.9)

¹⁰Ñi yóva ne torojüve teiyede járanuriburu yóbore, Jesús máre nore jácvunrejame. Aru árojamejiena earejame ñi. ¹¹Torojüve teinümüre Jesúre pare vorídurejaimada ñuja judío va ñuje jabova.

—¿Ári curi ñai? arejaimada na.

¹²Ñbenita ina põevacapüvavu ne bajumia boroteivü barejáimada ñi borore:

—Meacube ñi. Põevare cadateibi, arejaimada.

Ñbenita apevu põeva:

—Ámecube ñi. Jujovai bi majare, arejaimada na.

¹³Ñuje jabovare jidurina, bídeca ñuri, borotedejaimada na.

¹⁴Torojüve teino corica tuvaiye bajure, Jümenijicui cürami ñurejame Jesús. Nore ecorí, põevare bueni bárejame ñi.

¹⁵Úre jápiaivü, ñuje jabova cuesumari arejaima:

—¿Buebecu bácvacari, aipe teni caiye iye jaubeda majidi ñai? arejaima.

¹⁶Jesús náre yópe arí, coyurejame:

—Ji bueiye de ji bajuma majibevü yu. Qué nora yure daroyu bácvube yure majide ñayü. Ñ jiede bueyübu yu. ¹⁷Ácu põescu Jümenijicui urõpe ñáiyücu baru, coreóvacuyüme ároque ji bueiye de. Ji buedu Jümenijicui majiéque o ji baju majiéque, coreóvacuyüme. ¹⁸Ácu põescu ñi baju majiéque yávayü voríduibi põeva ne pueðaräjiiyepe ayu úre. Ñbenita ácu põescu voyu põeva ne pueðaräjiiyepe ayu úre daroyu bácvure, úrecabe coyuyü jáve, ye borocubevü.

¹⁹Moisés bácu barejaquémavu mujare Jümenijicui ñaicõjeiyede coyuyü. Ñbenita ácu mujacacu ñi toivarí epeiye

báquepe ju arí ðayũ cubebi. ¿Aipe teni yure boarí jarũvaiyũrĩvũrũ mũa? arejame Jesús ñũje jabovare.

²⁰—Abujucu cubi máque. ¿Ñamema boaiyũrĩvũ mũre? arejaima ina pœva obedivũ.

²¹Jesús arejame náre:

—Cũinájãravũ mũje jabũvõvãjãravũ cũinãro ji ðaino mácarõre mũje ðarĩ majibenore cuicumavũ mũa. ²²Mũa buraicõjeivaivũbu mũjemara ãmũ juedovare ne cajede jabũvõvãjãravũ, ocho pajãravũa baru ne pœteniburu yõbore, yõpe Moisés bãcu ãi ðaicõjeiye báquepe. Æbenita Moisés bãcu ãmenejaquemavũ buraicõjeni býũ. Quénora majeñecuva mácavũ, Moisés bãcuĩ ñecuva mácavũ barejaquémavũ ãmũvãi cajede buraicõjeni buivũ. ²³Mũa máre buraicõjeivũ mũjemara ãmũ juedovãi cajede mũje jabũvõvãjãravũ, ðarãjivũ yõpe Moisés bãcu ãi ðaicõjeiyepe. ¿Dinũmũ aipe teni jorõjĩvũrũ yure ji meadaiye báque boje cũinãcu ijimũ mácuĩ bajure maje jabũvõvãjãravũ? ²⁴Coyurĩ ðajocajarã mũa apecu meacure o ãmecure ãi ãrojae bojeda. Quénora ðãpiajarã apecu meacure o ãmecure ãi jáve ðaiye boje, arejame Jesús.

Jesús ãi coyũino ãi ðaino mácarõre

²⁵Jesús nõpe ayũre jápiaivũ, Jerusalén ãmicurĩĩmarocavũ arejaima:

—¿Ñai ãmeni maje jabova pare ne võvaimũ boarí jarũvaiyũrĩvũrũvũ?

²⁶Jãrijide apa. Maje coricai majare bueyũbe ã. Æbenita aipe abema maje jabova. “Cristo, Jũmenijicui epeimũ bajube ã”, ðarãrãma na.

²⁷Cristoi daiyede ñame majibenajarama árocacure. Æbenita ñai Jesús ãi curõ mácarõre majivũ maja, arejaima ãmarocavũ.

²⁸Ne que aiyede coreõvayũ Jesús, bueyũvacari Jũmenijicui cãrami, yõpe arĩ ðarorejame bujié:

—Yure aru ji ðaino mácarõre majivũ mũa. Æbenita ji bajuma ji majiéque ðabedejacacu yũ. Quénora ðarejacacu

yũ apecu ãi ðarõimũ mácu. Êtame borocubecu. Êrecabe mũje coreõvabemu máre. ²⁹Êtame ðarõyũ bãcu yure, êque cucu bãcure. Que baru yũrecabu êre me coreõvayũ, arejame Jesús.

³⁰Dinũmũre Jesũre jẽni jacojũrorivũ barĩdurejaima ñũje jabova. Æbenita êre ne jãnãjãravũ ãmenejaquemavũ cãreja. Que baru Jesũre ñame jẽmenejaima.

³¹Obedivũ ina pœvacavũ Jesũre ju aivũ, yõpe arĩ, coyũivũ barejáima:

—Cristo, Jũmenijicui ðarõimũ macuyũ, ãi ðaquiyede jáve pœva ne ðarĩ majibede jáðovãũ buojabejebu Jesús pũeno. ¿Mácarĩ? arejaima ina pœva obedivũ.

Jesũre fariseova ne jẽni jacoicõjenidũino

³²Ne que aiyede Jesũi borore jápiarĩ fariseovacavũ, ina fariseova aru sacerdotevare jaboteipõeva máre Jũmenijicui cãramine coreipœvacavũre jẽni jacoicõjenidurejaima Jesũre.

³³Dinũmũre Jesús yãvayũ, pœvare arejame:

—Majiõvarõ bajura cucũyũmũ mũaque. Quijino bajura jaũvũ yũre ji copaini ñũquino yũre ðarõyũ bãcu yebai.

³⁴Dinũmũ maquinõre pare vorãjaramu mũa yũre. Æbenita ji ñũquinore ñũiye majibevũ mũa. Que baru eabenajaramu yũre, arejame náre Jesús.

³⁵Que ayũre, ina judiõva ñũje jabova ne bajumia yãvaivũ arejaima:

—¿ãri ñũquidica ñai, ñũje eabenãjiyepe ayũ êre? ¿ãpeno joborõi, majevũ ne curãñũĩmaro mácarõi, cucũñũquidica ã, buescũyũ nõcavũ judiõva ãmevũre? ³⁶“Yũre pare vorĩdurãjaramu mũa. Æbenita ji ñũquinore ñũiye majibevũ mũa”, aibi. ¿Aipe aiyũrõ márica no ãi que aino? arejaima ne baju.

Jãpe cure ðaicõre Jesús ãi jãcaquinore ãi coyũino

(Jn 4.10-14)

³⁷No torõjũve teino buõjãjãravũ pũeno meajãravũ barejãvũ. Dijãravũre

Jesús nacajari núcu, yópe arí darorejame bujé:

—Ácu pōecu pare cūvaiyucu baru járavu cūiméjáravu baquinóre yópe pōecu cūinóimu ũi pare ũciuyepe ocore, ju ajacurí yure. Aru yópe ji jǵjuroepe ocore cūinóimure, nopedeca ũre cure đacuymu yu járavu cūiméjáravu baquinóre. ³⁸Yópe arí, toivaicōjenejaquemavu Jūmenijicu ũi yávaiyede: “Ácu pōecu yure ju ayu bácure cure đacuymu yu mamaūmeque yópe cure đaicu piapóri daiyepé”, arejame Jesús.

³⁹Nópe ayu, Espírítu Santo ũi borore ayu barejáme Jesús. Caivu Jesúre ju aivu jacopuivú barájárama ñai Espírítu Santore. Dinumure Jūmenijicu Espírítu Santore darobedejaquemavu cāreja, Jesús ũi muri ñame boje cāreja, mearore cūvacayu cavarō mearo Jūmenijicui curōi.

Jesúre judíoiva ne cūináturura yávabeno

⁴⁰Apevu ina obedivu pōeva ne jápiarǵburu yóboi Jesús ũi que aiyede, ne bajumia boroteivú arejaima:

—Jáve ñaime Jūmenijicui yávaiyede coyucaipōecu bacuyá, “edacuyú” ne ávaimu, arejaima apevu.

⁴¹Apevu nácavu arejaima:

—Ñai Jūmenijicui daroimu mácube Cristo baju, arejaima.

Ūbenita apevu nácavu arejaima:

—Cristo baju Galileacacu āmecayume. ⁴²David bácui pāramecu bacuyáme Cristo baju. Belén āmicurǵmarocacu, David bácui curǵmaro mácarđcacu bacuyáme Cristo. Que arí, toivaicōjenejaquemavu Jūmenijicu ũi yávaiyede, arejaima apevu pōeva.

⁴³Que baru Jesúre cūináturura yávabedejaima pōeva. Cūináturura āmenejavú ne ũme. ⁴⁴Jesúre jēni jaciuyurejaima apevu nácavu. Ūbenita ñame ũre jēmenejaima.

Jesúre judíoiva jabova ne ju abeno (Jn 3.1-2)

⁴⁵Que teiyede Jūmenijicui cūramine coreipōevacavu Jesúre jēni jacoicōjeniduumara mácavu copainurejaimada fariseova aru sacerdotevare jaboteipōeva yebai.

—¿Aipe teni Jesúre jēmetenaru mǵja? arejaimada náre ina fariseova aru sacerdotevare jaboteipōeva.

⁴⁶—Ūi bueiyepé coyuyure ñuja ye jápiabevú. Que baru ũre jēni davabetevu ñuja, arejaimada ina coreipōeva.

⁴⁷Quēnomia ina fariseova arejaimada:

—Mǵja máre ũi jūjovaiyede ju arebu mǵja. ⁴⁸Ñuja fariseova aru ina jabova máre ye ju abevú Jesúre. Ye ñujacacu cūinácú ũre ju abebi. ⁴⁹Ūbenita pōevacapuravu Jūmenijicui đaicōjeiyede ũi toivaicōjeiye báquede Moisés bácure majibema na. Ne majibe boje, Jūmenijicui ñájine đaimara marájárama na toabo cūiméboi, arejaimada ina fariseova.

⁵⁰Fariseovacacu Nicodemo, Jesúre boroteyu bácú jipocamia, curejamedá náque. Aru apevu nore curivure arejamedá ũ:

⁵¹—Jesús ũi boro bajure coyubebi cāreja. Nópe páyure pōecure ñájine đaicōjemevú Jūmenijicui đaicōjeiye ũi toivaicōjeiye báque majare. Ūi baju coyuiyede jápiaiye jaunu majare, maje majinajiyepé aivu yéde ũi đaiyede, arǵdurejamedá Nicodemo.

⁵²Ūre arejaimada na:

—¿Mú máre Galileacacurú? Jūmenijicui yávaiye ũi toivaicōjeiye báquede me buejacu mu, majicuyú. Ácu Galileacacu Jūmenijicui yávaiyede coyucaipōecu cubevailbi ũ, arejaimada Nicodemore ina fariseova.

⁵³Que arí, ne cūramia coapa copainurejaimada na.

Cūináco nomió cacu bácure apecuque jímarepacure jaruvari

8 ¹Pōevare coyurǵi bubarǵi cūracú Olivocú āmicurǵcú muri nurejame

Jesús. ²Cómiáijárvavú javejina, Jūmenijicui cūramine copainurejame Jesús. Ũi yebai darejaima obedivú pōeva. Que baru dobarí, úre edaivure bueni búrejame Jesús. ³Ũi bueiye, Jūmenijicui yávaiye báquede bueipōevacavú aru fariseovacavú máre cūináco nomió ne eaimo máco cūcore apescuque, jímarepacure jaruvarí, davarejaima Jesús yebai. Óre núicōjenejaima ina obedivú pōeva ne coricaí.

⁴Aru arejaima Jesúre:

—Mú, bueipōescu, ico nomió jímarepacure jaruvarí apescuque cūcore eavu ñuja.

⁵Moisés bácu ópe pádore cūraboaque dūreni boarí jaruvaicōjenejaquemavú, yópe Jūmenijicui ðaicōjeiyepe. ¿Aru mácapūravú aipe ayurú mu óre? arejaima Jesúre.

⁶Que aivú úre jajovaridurejaima, boro coyurí adaiyuridurájivú úre, ũi vainí tújuroede ne ðaicōjeiye. Ũbenita Jesús nacachini, joborói amuyoque toivarejame. ⁷Ũi que ðaiyede, Jesúre jēniari járanurejaima na. Ne que teiyede nacajari, núri, arejame náre:

—Jede, mujacacú ámeina tebecú bácu bajacúrí mamarumú dūreni báyu óre cūraboaque, arejame Jesús.

⁸Que arí, bedióva cojedeca nacachini, joborói toivarejame. ⁹Nópe ũi aiyede jápiaivúva, cūinácu, cūinácu etarí nurejaima na, Jūmenijicui yávaiye báquede bueipōeva aru fariseova máre. Ne pūeno búscú mamarumú aru ũi cāchinocavú ũi yóbo etarí nurejaima. Pū mautedejagará ñuja, Jesújā, ico nomióque. ¹⁰Cojedeca nacajari, núri, arejame óre Jesús:

—¿Mure boro coyurí adaríduivú ári curi na? ¿Mí ámenore ðaiye boje, pōescu cubedi mure ñájine ðayú? arejame óre.

¹¹—Cūbebi, ji jabocu, arejaco ò.

—Yu máre mure ñájine ðabevú.

Nujaco mu caride. Aru ámeina ðabejaco cojedeca, arejame óre Jesús.

Jesús pēoinope pōevare coreóvare ðayú majepacuí dápiaiye jávene

(Mt 5.14; Jn 5.31, 9.5)

¹²Bedióva cojedeca pōevare yávarejame Jesús:

—Yurecabu pēoinope páyu ijárvavúvavure ne úmei, coreóvare ðacuyú Jūmenijicui dápiaiye jávene ji bueiyeque. Ácu pōescu yure yóvacudayú, úrecabe cūvacuyú iye pēoiye apure ðaiyede. Que baru mamaúmene cūvacuyúme ũ. Úrecabe cūcuyú yópe miadároi cuyupe, cainumua ñeminói cubecuyú. Ũbenita pōeva coreóvabevú Jūmenijicui dápiaiye jávene curivúbu yópe ñeminói cuiyupe, ne majibe boje ũi dápiaiye jávene, arejame náre Jesús.

¹³Fariseovacavú arejaima úre:

—Murecabu mi borore coyuyú mi baju. Que baru ũbenina que ayúbu. Bojecubevú mi que coyuiye, arejaima úre.

¹⁴Yópe arí, coyurejame Jesús:

—Ji borore ji coyuiyevacari bojecuetamu. Yávacari coreóvaivú ji curó mácaróre aru ji nuquinore máre. Que baru ji coyuiye jávetamu. Ũbenita ji curó mácaróre aru ji nuquinore máre ye coreóvabevúbu muja. ¹⁵Mujacapūravú apévare ñájine dávaivúbu pōevare mje coyuiyeque. Ũbenita yúcapūravú ñamene ñájine ðabecubu. ¹⁶Ũbenita pōevare ji ñájine ðaru, ji nópe ðaiye jáve májebu. Quénora cūinácu ji baju nópe ðabejebu yú. Quénora jipacu, ñai daroyú bácu yure yui, nópe ðajebu yúque. ¹⁷Muje ðaicōjeiye yópe arí, toivaicōjenejaquemavú Jūmenijicui: “Púcarā cūináturú ne coyuru ne jáiye báquede, bojecuvú ne que coyuiye”, arí toivaicōjenejaquemavú. ¹⁸Yávacari ji borore coyuyúbu. Aru jipacu, ñai daroyú bácu yure, ũ máre coyucaibi ji borore, arejame Jesús.

¹⁹—¿Mipacu ári curi ũ? jēniari járejaima Jesúre fariseova.

—Yure coreóvabevúbu muja. Aru jipacure máre coreóvabevúbu muja. Yure coreóvaivú baru, jipacure máre coreóvajebu muja, arejame Jesús náre.

²⁰Caiye iyede coyurejame Jesús ũi bueiye pōevare Jūmenijicui cūrami, Jūmenijicure táutúra jíye epeitōcua yebai. Ũbenita pōescu cubedejame jēni jacocuyú úre, ũi mauva úre ne jēnajjārvavú baquinó eabe boje cāreja.

**Jesús “Ji nuquinoi nuri
bujabenajaramu mija” ñi aino**

²¹ Bediova cojedeca pöevare yávorejame Jesús:

—Yurecabu nucuyu. Yure voridurajaramu mija. Ubenita yainajaramu mija boropateivu, mije ámeina ñaiyede dajocabe boje aru “Jesúbe Jümenijicui mácu aru majare meadaipöecu”, mije abe boje. Ji nuquinoe nuri bujabenajaramu mija, arejame Jesús.

²² Que ayure, ina judíova ñije jabova ne bajumia yávaivu arejaima:

—¿Ñujare “Ji nuquinoe nuri bujabenajaramu mija” ñi ainoque, jáve ñi baju boarí jaruvacuyuba? arejaima ne bajumia.

²³ Náre arejame Jesús:

—Mujacapuravu ijboröcavubu mija. Ubenita yurecabu ñmucacu, cavarö mearo Jümenijicui cüröcacu. Mujacapuravu ijáravucavubu mija. Ubenita yácapuravu ijáravucacu ámevu yu. ²⁴ Que baru “Yainajaramu mija boropateivu, mije ámeina ñaiyede dajocabe boje, ‘Jesúbe Jümenijicui mácu aru majare meadaipöecu’, mije abe boje”, avu mujare. Mije ju abe boje ji ávarede ji baju, “Jümenijicui mácu yu, caivure meadaipöecu”, ji arí coyüvarede, yainajaramu mija boropateivu, mije ámeina ñaiyede dajocabe boje, “Jesúbe Jümenijicui mácu aru majare meadaipöecu”, mije abe boje, arejame náre Jesús.

²⁵ —¿Yécürü mu? jëniari járejaima úre.

—Mamarumu ji buiyede aru carita ji coyüvacamumu yu. ²⁶ Mujare ji coyüjuroe urarö cuvavu. Aru urarö mujare ji ñájine dájuroe máre cuvavu. Ubenita ñai daroyu báciu yure borocübecube aru jáve yávayube ñ. Que baru ñi coyüicöjeino mácaröpeda mija ijáravucavure coyüivu yu, arejame Jesús.

²⁷ Ubenita “yure daroyu báciu”, ñi aiyede, “jipacu”, ayure majibedejaquemavu na.

²⁸ Que baru yópe arí, coyürejame Jesús náre:

—Muje jocücürá jëori jámuórajiyede yure, Jümenijicui daroimu mácure ñmure, majinajaramu jávene ji ávarede ji baju, “Jümenijicui mácu yu, caivure meadaipöecu”, ji arí coyüvarede. Dinumu maquinóre majinajaramu mija. Ji baju jipacu coyübenore ñayu bujabevu. Quéhora jipacu, Jümenijicui, ñi coyüyepedata, yópe ñi coyüicöjeiye báquepe yure, coyüyubu yu. ²⁹ Ñai daroyu báciu yure cübi yúque. Yure cüinácura jocarí numecube jipacu, ji ñaiye boje ñi uröpe cainumua, arejame Jesús.

³⁰ Jesús nópe ayure jápiarí, ju arejaima úre obedivu pöeva.

**Jümenijicui mára aru cöjeimarape
paivu ne ámeina ñaiyue boje**
(Mt 3.9; Lc 3.8; Gá 5.1, 13)

³¹ Ina judíova Jesús yebai cöjjivure, úre ju aivu bávavure yópe arí, coyürejame Jesús:

—Mija ju aivu baru ji bueiyyede, ji bueiyma baju barájaramu mija. ³² Ji bueiye jáve bajure majinajaramu mija. Aru que baru apescu cöjeimarape ámenajaramu mija, arejame Jesús.

³³ Úre arejaima ina judíovacavu:

—Ñuja Abraham mácu páramenatamu. Que baru cainumua apescu cöjeimara ámevu ñija. ¿Aipe teni “Apecui cöjeimarape ámenajaramu mija”, ayurü mu ñujare? arejaima Jesúsre.

³⁴ Náre ju ayu arejame Jesús:

—Jáve coyüyubu mujare: Yópe cöjeimara ne baju uröpe ñabevu, quéhora apescu uröpe ñaiyu, nopedeca caivu ina ámeina ñaiyu cöjeimarapevu, ne ámeina ñaiyue boje. ³⁵ Cürami upacu márape ámema ñi cöjeimara. Mamara memevu ne ue boje népacure. Ubenita cöjeimara memevu ne jabocui cöjeiye boje náre. Quéhora ubenina curivutamu ina cöjeimara. Jabocui márape cainumua ména cübema ñi cöjeimara. Ubenita jýv bajutamu mamara baju. Que baru me cüima népacüque cainumua. Aru yávacari Jümenijicui mácu bajubu. ³⁶ Que

baru yu, Jūmenijicui mácu, mujare cōjeimarape āmevure ji đaru, jāve bajureca cōjeimarape āmevū barājáramu mija. Đarājaramu mije đaiyede mije űe boje majeracu Jūmenijicure. Đabenajaramu mije đaiyede apecu űi cōjeiye boje mujare. ³⁷Coreóvaivū yu mujare Abraham mácu pāramenare. Ūbenita ji bueiye de ju aiyūbevūbu mija. Que baru yure boarí jarūvaiyūrivūbu mija. ³⁸Yūcapūravū soyūyūbu jipacu jádovaiye báquede yure. Ūbenita mujacarpūravū đaiyūbu yópe mujeracu soyūye báquere mujare, arejame náre Jesús.

³⁹—Ñjēñecu mácu barejaquémavū Abraham mácu, arejaima na.

Ūbenita Jesús arejame náre:

—Abraham mácu pāramena baju baru, űi đaiye báqueredeca đajebu mija. ⁴⁰Ūbenita iye yávaiye jāvene Jūmenijicui bueiye báquede yure soyūyū bácreca mujare, mujacarpūravū boarí jarūvaiyūrivūbu yure. Que đabedejaquemavū Abraham mácu. ⁴¹Muje que đaiyūeque, yópe mujeracu đaiyepedeca đaiyūrivūbu mija, arejame náre Jesús.

Nácapūravū arejaima űre:

—Ñja űbenina eaimara āmevū.

Jūmenijicūvacaribe cūinácu ñjerpacu baju, arejaima.

⁴²Náre, yópe arí, soyūrejame Jesús:

—Jūmenijicui cūrōi cūcu bácu yore ěmeni darejacacu yu. Aru cūvū caride yui. Que baru Jūmenijicu mujeracu baju baru, yure űjebu mija. Ji bajuma ji majiéque dabedejacacu yu. Quénoza Jūmenijicui daroimū mácvūbu yu.

⁴³¿Aipe teni ji soyūiyede járiarí eabenarū mija? Yūre ji soyūiyede járiaiyūbevūbu mija. Que baru járiarí eabevūbu mija. ⁴⁴Mujeracūbe abujuvai jabocu. Ūpe paivūbu mija. Ūi űrōpe đaiyūrivūbu mija. Mamarūmūre aru caride máre, pōevare boarí jarūvaiyūpōecūbe ű. Jūmenijicui yávaiyede jāvene járiaiyūbebi ű. Aru cainūmūa yávaiyede jāvene soyūbebi ű. Ūi borocūede soyūyūbe ű, “¿Jāve

márica?” pōeva ne arājīyepere ayū. Aru mamarūmūcacū borocūcūbe ű. ⁴⁵Ūbenita yūcapūravū soyūyūbu yávaiyede jāvene. Mujacarpūravū ji soyūiyede ju abevūbu. ⁴⁶Ūname mujacacu ji āmeina đaiyede jáđovañū buojabebi, ji boropatebe boje. Jāvetamu ji soyūiye. ¿Dinūmū aipe teni diede ju abenarū mija? ⁴⁷Jūmenijicu jicu járiaiibi űi yávaiyede. Ūbenita mujacarpūravū Jūmenijicu jina āmevū. Que baru űi yávaiyede járiaiyūbevūbu mija, arejame náre Jesús.

**Jesús űi cūede Abraham mácu
pōetequiye jipocai**

(Jn 8.24, 10.30-33, 13.19)

⁴⁸Dinūmū ina judíova arejaima Jesúsre:
—Jāve soyūivūbu ñja: Samariacacūbu mū. Aru abujucu cūbi máque, arejaima na.

⁴⁹Náre arejame Jesús:

—Abujucu cūbebi yáque. Jipacure pūedaivū yu. Ūbenita yure pūedabevū mija. ⁵⁰Yūre mearore jívūre vobevū yu. Ūbenita jipacu űbi pōevare ne jínajīyepere ayū mearore yure. Aru űrecabe soyūyū pōevare ne đaiye báque méne aru āmene máre. ⁵¹Jāve soyūyūbu mujare: Ácu pōecu ju ayū ji soyūiyede yaibécūyūme, arejame Jesús.

Que ayū, pōecu yaibéde űi űmei aiyūcu barejaquémavū Jesús.

⁵²Arejaima na:

—Caride jāve coreóvaivūbu ñja. Abujucu cūbi máque. Javede Abraham mácu aru ina Jūmenijicui yávaiyede soyūcaipōeva mácvū máre yaidéjaquemavū. Ūbenita “Ácu pōecu ju ayū ji soyūiyede yaibécūyūme”, mū ayūbu. ⁵³Majeñecu Abraham mácu yaidéjaquemavū. ¿Ūi pūeno paűcūgū mū? Jūmenijicui yávaiyede soyūcaipōeva mácvū máre yaidéjaquemavū. ¿Yéscure páyūgū mū, mi đáriaru? arejaima na.

⁵⁴Que aivūre, yópe arejame Jesús:

—Ji baju “Meacutamu yu” ji aru, bojecūbejebu no. Ūbenita jipacūrecabe “Meacutamu mū” ayū yūre. Ūrecabe

“ñijeracu Jāmenijicu”, muje aimu.

⁵⁵Mujacapuravu úre ye coreóvabevu. Ubenita yurecabu coreóvayu. “Úre coreóvabevu yu” ayu baru, mujapedeca borocujebu yu. Ubenita úre coreóvaivu yu. Eñi coyuyede me ja aivu yu. ⁵⁶Aru dápiayu bácu ji edaquiyede ijárvai, torojurejaquemavu majeñecu Abraham mácu. Que teyu, ji edaiyede jáñu mácu, yure torojurejame ñi mácu, arejame náre Jesús.

⁵⁷Ina judíova arejaima úre:

—Cincuenta paiñua cuvabevu mu. Aru Abraham mácu javeita yaidéjaquemavu. ¿Aipe teni “Járejacacu ñi mácuere”, ayurñi mu? arejaima Jesúsre na.

⁵⁸—Jāve coyuyubu mujare: Abraham mácu ñi pōetequiye jipocai surejacacu yu, arejame Jesús.

⁵⁹Ëñi que aiyede, Jesúsre jorojivu, ina judíova boarí jaruvaiyurivu úre ñnejaima cūaboare, durenajivu úre. Ubenita Jāmenijicui cūramine jocarí etarí, dupini nārejame Jesús.

**Jesús ñi járe ðaino jári eabecu
pōteyuvu bácuere
(Mt 5.14; Jn 8.12)**

9 ¹No yóboi, Jesús ñi cuiyede, járejame cūinácu ñmu, jári eabecuere. Nópe pōetedejamedá ñai jári eabecu. ²Ñuja Jesúsí bueimara jēniari járejacarā úre:

—Bueipōecu, ¿aipe teni jári eabecu pōetedejaquemari ñai? ¿Eñi baju ámeina ðaiye boje nópe pōetedejaquemari? ¿O ñi bucva ne ámeina ðaiye boje nópe pōetedejaquemari? arejacarā ñuja Jesúsre.

³Ñujare, yópe arí, coyurejame:

—Eñi baju ámeina ðaiye boje ámevu aru ñi bucva ne ámeina ðaiye boje máre ámevu nópe pōteyuvu bácu ñi jári eabecu. Jāmenijicui parvéde jáðovaquiyepere ayu, nópe pōetedejaquemavu ñi. ⁴Jārvure pōeva memeivu buojadama. Ubenita ñemié tuiyede memeivu buojobema. Quédeca majare máre ðaiye jauvu yure ðaroyu

bácu ðaicōjeiyede jārvure cāreja. Ubenita ji yainíburu yóboi quénora ðarí buojobecubu yu. ⁵Ji cuede cāreja ijárvai, pēoinope páyu Jāmenijicui dápiaye jāvene majide ðaivu ijárvucavure, arejame Jesús.

⁶Que ayu bácu, yebarā jēcuturi, najuarí joboque jivarejame. Eñi jivaiye báquede ñni, jári eabecu yacorūare jobo jijovarejame.

⁷Jijovañu mácu úre arejame Jesús:

—Siloé ámicuricobui mi yacorūare joacupñjacu mu, arejame jári eabecuere Jesús.

Siloé aino, “Jaroicobe” aiyurótamu. Dibui nuri, ocoque ñi yacorūare joarejame. Joarí buojarí, ñi cūrami copainurejame, jáñuta. ⁸Úre, tātutarare jēniañure jipocamia, jáivu bácvu arejaima ne bajumia:

—Járijide apa. ¿Jári eabecu bácu tātutarare jēniari dobavayu bácu ámeni ñai? arejaima ñi curōcavu.

⁹—Júju, ñi baju apa, arejaima nácavu.

—Ë ámemi. Úreca páyube. Ubenita jári eabecu bácu ámemi ñi, arejaima apevu.

Ne que aiyede, ñi bajumareca arejame:

—Jári eabecu bácvu yu, arejame, náre coyuyuvu.

¹⁰Dinumu úre jēniari járejaima ñi curōcavu:

—¿Aipe ðarí jári eayurñi mu? arejaima.

¹¹—Jesús ámicucu yebarā jēcuturi, joboque jivacube. Die ñi joboque jivaiye báquere ji yacorūare jijovami ñi. “Siloé ámicuricobui joacupñjacu mu”, abi yure. Que ðacupñvu yu. Diede joayu bácu, jávu yu, arí coyurejame ñi curōcavure jári eabecu bácu.

¹²—¿Mi aimu ári curi ñi caride? arejaima úre ñi curōcavu.

—Aidica, majibevu yu, arejame náre jári eabecu bácu.

**Jári eabecu bácuere fariseovacavu
ne jēniari jápiaino**

¹³Dinumure jári eabecu bácuere nuvarejaimada ñi curōcavu fariseova yebai. ¹⁴Dijárvu, Jesúsí joboque jijovari

meadaijāravu bācarō jārī eabecu bācure ñuja judíoſa ñuje jabuóſuſiāravu sáſado barejávũ. ¹⁵Ina fariseova jārī eabecu bācure jēniari jārejaimada:

—¿Aipe teni jārī eayurũ mu? arejaimada.

—Jobo ſi jīvaiye báqueque ji yacoruaſe jījovame. Joacunuvu, ſi cōjeiyepe. Que teyu bācu jāivu caride, arejameđa náſe.

¹⁶—Jūmenijicui daroimũ mácu āmecube ſi, mure meadayu bācu, ſi memeiye boje maje jabuóſuſiāravure, arejaimada apevu ina fariseovacavu.

Ŭbenita apevu arejaimada:

—¿Āmeina đayũ baru, aipe teni pōeva ne đarī majibede jáđovaiye majidi ſi? arejaimada nácvũ.

Que arī ne bajumia cūináturũ yávabedejaimada. Aru cūináturũ āmenejavũya ne ſime. ¹⁷Bedióſa cojedeca ina fariseova jēniari jārejaimada ſi:

—¿Ñai mure meadayu bācu mi aimũ, mi dāpiaru, ye pōecu páyu bārica ſi? arejaimada.

—Ji dāpiaru, Jūmenijicui yávaiyede coyũcipōecube ſi, arejameđa.

¹⁸Ŭbenita ñuje jaboſa judíoſa “Jārī eabecu bācube jáñũ”, abedejaimada cāreja. Que baru ſi bucuvare cutuicōjenejaimada, ne đarājīyepe aivu ne yebai. Ne eaiyede fariseova jēniari jārejaimada:

¹⁹—¿Mujemacuba ñai? ¿Aru mujemacu baru, jārī eabecu pōetedejarī ſi? ¿Nópe pōteyu bācvacari, aipe teni jáñũta caride? arejaimada jārī eabecu bācui bucuvare ina fariseova.

²⁰—Ñujemacu bajube ñai. Jārī eabecu pōetedejame. ²¹Aru caride jārī eaibi. Aipe teni jáñũ mácure majibevũbu ñuja. Ŭre meadayu bācure coreóſabevũbu. Jēniari jájara ñujemacure. Bucucube ſi. Ŭi baju coyũcũyume mujare, arejaimada ſi bucũva.

²²Nópe arejaimada, ne jidué boje ñuja judíoſa ñuje jaboſare. Jipocamia yópe arī, coyũrejaimada ina fariseova: “Ācu pōecu ‘Jesúbe Jūmenijicui daroimũ

mácu ſi’ ayũre, ñuje cōjijīñamine jaetovarājaramu ñuja, ſi cōjijibequiyepe aivu ñujaque bedióſa cojedeca”, aivu barejaimada ña jipocamia. ²³Que baru, “Bucucube ſi. Ŭre jēniari jájara muja”, arejaimada ina fariseovare ſi bucũva.

²⁴Bedióſa cojedeca jārī eabecu bācure cutuicōjenejaimada ina fariseova. Eayu bācure arejaimada:

—Mure meadayu bācure majivu ñuja, āmeina teipōecu bajure. Que baru Jūmenijicui jáinore jáve coyũjacu mu caride, arejaimada jārī eabecu bācure.

²⁵—Āmeina đayũre o mearore majibevũ yũ. Ŭbenita jārī eabecu batevũ yũ. Caride que āmevu. Jáivu yũ. No quénoratamu ji majino, arejameđa ina fariseovare jārī eabecu bācu.

²⁶—¿Aipe đari ſi mũre? ¿Aipe đayũ, mure járe đari ſi? arī jēniari jārejaimada ſi cojedeca.

²⁷—Mujare coyũivu yũ. ¿Jápiabenaru muja? ¿Ŭi bueimara teiyũrivũrũ muja? Que barureca burubeda yũre jēniari jāivuũbu muja, arejameđa fariseovare.

²⁸Ŭre, yópe arī, āmeina yávarejaimada:

—Mútamu ſi bueimũ. Moisés bācui bueimaramu ñuja. ²⁹Moisés bācure yávarejaquemavu Jūmenijicui. Aru Moisés bācure majivu ñuja. Ŭbenita mure meadayu bācure ye majibevũbu ñuja. ¿Ārocacuba ſi? arejaimada ina fariseova.

³⁰—“¿Ārocacuba ſi?” aivuũbu muja. Ŭbenita ji jārī eabe báquede meadaibi yũre. Mujacarpũravu ſi curō mácarōre majibevũbu muja. ³¹Me majivu maja: Āmeina teivũre jápiabebi Jūmenijicui. Quénora ſi mearore jívũre, ſi nrōpe đavũre, jápiaibi ſi. ³²Jārī eabecure meadayede maja jápiabevũbu. Yureca páyu nópe āmepeda pōteyu bācure meadaipōecu cubebi ſi. ³³Yũre meadayu bācu Jūmenijicui daroimũ mácu āmenu, ji jārī eabe báquede meadabejebu ſi, ayũbu yũ mujare, arejameđa náſe jārī eabecu bācu.

³⁴—Mipacoi yapiburā pōtecũyũvacari javeta āmeina đayũ

barejaquémanu m̄. ¿Quécvacari ñujare bueyurū m̄? arejaimada jári eabecu bácuere ina fariseova.

Que arī, ére ne cójjiñamine jaetovarejaimada ina fariseova, ñi cójjiibequiyepe aivu náque bedióva cojedeca.

**Jesús ñi coyuino majeracu
Jūmenijicure coreóvabevu
jári eabevupe paivure**

³⁵Jári eabecu bácuere ne jaetovaiye bácuere coreóvarejaquemavu Jesús. Coreóvayu bácu, jári eabecu bácuere vocunurejame. Aru eayu bácu ére, yópe arī, jēniari járejame Jesús:

—¿M̄ Jūmenijicui daroim̄ mácuere ũmure ju ayurū? arejame Jesús.

³⁶—M̄, ji jabocu, mi aĩmure coreóvare ñajacu yure. Ére majicu, ju acuyumu yu, arejame Jesúre jári eabecu bácu.

³⁷—Jave jáivu m̄ ére. Ému yu, mácuere boroteyu caride, arejame ére Jesús.

³⁸Ūi que aiyeda, ñatutarī Jesúre mearore jídejame jári eabecu bácu:

—M̄, ji jabocu, mure ju aivu yu, arejame Jesúre.

³⁹Dinũmure yópe arī, coyurejame Jesús:

—Jāravui darejacacu yu, beocuyu ju aivure aru ju abevure máre. Pōeva “Majibevubu ñuja Jūmenijicui dápiaye jávene” aivu, jári eabevupe paivubu. Nápe paivure meadacudayubu yu, ne majinajiyepere ayu Jūmenijicui dápiaye jávene jávure. Ūbenita pōeva “Majidivubu ñuja Jūmenijicui dápiaye jávene” aivu, jáivupe barĩduyama, ne dápiaru. Nópe ne dápiaye boje, náre meadabecubu yu. Que baru jári eabevupe teni, Jūmenijicui dápiaye jávene ye majibenama na, arejame Jesús.

⁴⁰Jesús que ayure jápiarejaima fariseovacavu.

—Que baru, ¿“Jári eabevupe paivubu m̄ja”, ayurū m̄ ñujare? arejaima Jesúre.

⁴¹Jesús ju ayu yópe arejame náre:

—M̄ja jári eabevupe majibevu baru aru m̄ja coreóvavu baru Jūmenijicui cadateiyede jaürõre m̄jare, boropatebejebu m̄ja. Ūbenita “Majidivubu ñuja Jūmenijicui dápiaye jávene” aivu, jáivupe paivutamu m̄ja. Ūbenina dápiadavū m̄ja majini buojaivure Jūmenijicui dápiaye jávene ũ cadatebecuva m̄jare. Que baru boropateivu mauteivubu m̄ja cãreja, arejame náre.

**Jesús ñi coyuino ovejavare
coreipõecure**

(Lc 15.4-5; He 13.20)

10 ¹Dinũmure náre yópe arī, coyurejame Jesús:

—Jãve coyuyubu m̄jare: Ñai põecu ovejavare biaido jedevacobei ecobecu, quénora baidore murina ecoyu baru, érecabe ñavaipõecu o tatorī ípõecu. ²Ūbenita ñai ecoyu ovejavare biaido jedevacobe bajita, érecabe ovejavare coreipõecu aru náre upacu máre. ³Érecabe biaido jedevacobede coreipõecui voacaimu jedevacobede. Aru ovejavare órejari daroibi ne ãmiá coapa náre coreipõecu. Ūi órejaiyede jápiarī, coreóvarī, ñadama ñi yebai. Aru náre ñvaimi ũ, ñocuyu. ⁴Ovejavare etavayu bácu baidore jocarī, náre jipocateibi. Aru ñi yóboi cuyuyama na, ne coreóvaiye boje ñi yávainore. ⁵Ūbenita ne coreóvabem̄que numema na, ñi órejaiyede. Ére dupivu cúyanrinata bíjadama na ovejava, ne coreóvabe boje ñi yávaicamure, arejame Jesús.

⁶No jári dápiarī ne ñarãjyepere ainore coyuridurejame náre Jesús. Ūbenita ye jápiarī majibedejaima na.

**Jesús ména coreyu põevare yópe
ovejavare coreipõecu meacu ñi
coreiyepere ovejavare**

(Mt 11.27; Lc 10.22, 15.4-5; Ef 2.11-22; He 13.20)

⁷Bedióva cojedeca põevare yávorejame Jesús:

—Jãve coyuyubu m̄jare: Ojevavai biaido jedevacobepe pávutamu yu,

põeva ne earãiyere ayu Jũmenijicure.
 8Ji edaquie jipocare apevu, ovejavare
 coreipõevape teni, edaquemavu.

Caivu na ñavacurivupe paivu aru
 tatorĩ ípõevape paivu batequémavu.
 Ëbenita náre jápiarĩ adabetequemavu
 põeva. 9Jedevacobedeca páyutamu
 yu. Yópe ovejava jedevacobe biaidoi
 ne ecorĩ buojaiyere náre coreipõecu,
 ñi meadaquiyere aivu náre, nopedeca
 põeva yúque earĩ buojavubuvu
 Jũmenijicure, ñi meadaquiyere
 aivu náre. Ne ãmeina vaijuroede
 meadacuyumu yu. Yópe ovejava ecorĩ,
 etarĩ jedevacobei buoimara ãmevupe,
 nopedeca põeva yúque curivu jidubevu
 buoimarape ãmema. Yópe ovejava ne
 ãiyede eaiyere náre coreipõecuque,
 nopedeca ina yúque curivu náre apure
 ñaiyede earĩ, ména curãjarama na ne
 ñime, arejame Jesús.

10Náre, yópe arĩ, coyure ñurejame
 Jesús:

—Ñavaiõecu quénora ñavacudaibi
 aru põevare boarĩ jaruvacudaibi, náre
 bíjarocuyu. Ëbenita yúcapuravu apure
 ñacudaivu põevare mamañmeque, ne
 curãjiyere ayu urarõ meañmeque
 cainumna. 11Ovejavare coreipõecu
 meacu me baju jári capuibi ñi ovejavare
 pu ñi yayeta náre boje. Quédeca
 tecuyumu yu máre. Põevare meadacuyu,
 yaicuyumu náre boje. 12Ëbenita nópe
 ñabebi ovejava upacure memecaipõecu.
 Ë ovejavare coreipõecu ãmemi. Ë jina
 ãmema na. Que baru ãimacu jijecucu,
 lobo ãmicucu, ñi edaiyede jáñu,
 cüiná cýarĩ dupibi ovejava upacure
 memecaipõecu, ovejavare jocarĩ nuñu.
 Que baru corebemarape ovejavare
 cujurĩ jaroibi ñai lobo. Cüiná cure
 jëñiburu, apevu coateni nuñama. 13Ñai
 memecaipõecu jecubebi ovejavare.
 Quénora ñi jabocui bojedaiyeda ubi ñ.
 Que baru ovejavare jocarĩ, dupini nuimi
 ñ, arejame Jesús.

14-15Náre, yópe arĩ, coyure ñurejame
 Jesús:

—Yu mearo coreyubu põevare yópe
 ovejavare coreipõecu meacui coreiyere

ovejavare. Jipacu coreóvaibi yure. Aru
 coreóvaivu yu úre máre. Quédeca
 coreóvaivu yu ji cuvamara coapa. Aru
 yure coreóvama na máre. Yñrecabu
 meadacuyu põevare. Que baru
 yaicuyumu náre boje. 16Yópe apedoa
 biaidoacavu ovejavai cñere, nopedeca
 apevu põeva, yócvu ãmema, ñbenita
 jina márãjivu cuma nore máre. Náre
 cuturĩ, jipocateni davacuyumu yu. Ji
 cutuiyede jápiarĩ ju arãjarama na. Náre
 epecuyumu jívucue cüinávupe. Na
 caivu curãjarama yúque. Aru náre
 corecuyumu yu. Que teni cüináyubope
 teni, yu ne coreipõecu cüinácuque
 curãjarama caivu ina jívuvu, arejame
 Jesús.

17Náre coyure ñurejame Jesús:

—Ji mavare boarĩ jaruvaicõjeiyuvu
 yu ji bajure, nacajari yainore jaruvarĩ
 cuscuyu bediõva cojedeca. Que baru ñbi
 yure jipacu. 18Põecu cubebi yure boarĩ
 jaruvacuyu ji ñbedu. Ji mavare boarĩ
 jaruvaicõjecuyumu. Yu buojavuvu boarĩ
 jaruvaicõjeñu ji bajure aru nacajari
 cuscuyu bediõva cojedeca máre. Que
 ñaicõjeimi yure jipacu, arejame Jesús.

19Que ayure jápiarĩ, ina judiõva
 cüináturnu ãmevu cojedeca ne ñme,
 cüináturnura yávabema Jesúsã.

20—Abujucu cubi ñque. Que baru
 ãñmemi. ¿Aipe teni ñi coyuiyede
 jápiauñuñu mña? arejaima nácvu
 obedivu.

21Ëbenita apevu nácvu arejaima:

—Abujucure cuvacu nópe yávayuvu
 buojabebi. Aru jári eabecure meadaiye
 buojabebi abujucu. ¿Mácarĩ? arejaima
 ina judiõva.

Jesúre judiõva ne ñbeni jaruvaino

(Jn 1.28)

22Dinñmure uracoro ocorũmu
 marejávũ. Aru Jerusalén ãmicurĩmaroi
 torojuve teinũmu marejávũ. Jũmenijicui
 cñramine meadaiye báquede ãñurivuvu,
 torojurejarcã ññu judiõva. 23Nore
 Jũmenijicui cñrami Salomón mácu
 cuino mácarõ ãmicurõi vaiváre
 ñurejame Jesús. 24Nópe vaiváre nuñure

tarabudarī ére, jēniari járejaima judíovacavu:

—Mure urarō chíodavu ñuja. ¿Yécurū mū? Cristo, Jūmenijicui daroimu mácu baru mū, cūiná coyūjacu ñujare. Coreni uetuyavū ñuja, arejaima Jesúre.

²⁵Náre, yópe arī, coyurejame Jesús:

—Jave coyuriduvu mujare. Ëbenita ji coyuiyede ju abetevu muja. Múje jáiyede pōeva ne ðarī majibede jipacui cōjeiye bajure ðavu yu. Ëbenita diede jáivuvacari, yu Cristore ju abevu muja cáreja. Yu, Cristo, jádovaiyu jáve ji ðaiyeque. ²⁶Ëbenita mujacapuravu ji ovejavape paivucavu ámevu. Ji pōeva ámevutamu muja. Que baru ji coyuiyede ju abevu muja. ²⁷Yópe ovejava ne jápiarī, ju arī ðaiyepe náre coreipōecu bajui urōpe, nopedeca ji pōeva yure jápiarī, ju arī ðaivubu yópe ji urōpe. Jívure me coreóvaivu yu. Yure jápiarī, ju arī cuma yúque. ²⁸Náre járavu cūiméjāravu baquinóre cuvare ðaivu yu. Toabo cūiméboi numenajarama na cainumua. Ji coreimarare yure tatojurocū cubebi ñ. ²⁹Yure jipacui jímara bojecurivubu caiye pueno. Jipacure tatojurocū náre cubebi ñ. ³⁰Yu jipacumaque cūinávupebu ñuja, arejame Jesús ina judíovare.

³¹Ëi que aiyede, Jesúre jorojīvu ina judíova, boaiyurivū ére, ínejaima cūraboare cojedeca, ðvarájīvu ére.

³²Ëbenita Jesúcapūravu arejame:

—Jipacui ure ðaicōjeiyede pōeva ne ðarī majibede jádovavu yu, caðatecuyū pōevare. ¿Caiye die múje jáiye báquede, áde boje cūraboare ðvarájīvurū yure? arejame náre Jesús.

³³Jesúre arejaima na:

—Mi ðaiyede jáivu bácvu cūraboaque ðureni, mure boabénamu ñuja. Ëbenita “Jūmenijicūque cūinávupebu ñuja”, avura mū. Jūmenijicure ámeina yávaivu mū, que ayu. Qué Nora pōecuratamu mū. Que baru Jūmenijicure mi ámeina yávaive boje, mure boarájaramu ñuja, arejaima Jesúre ina judíova.

³⁴Náre, yópe arī, coyurejame Jesús:

—Mujeñecuva mácvu ne toivarī epeiyoca cāriáiyocai yópe arī,

toivaicōjenejaquemavu Jūmenijicū ñi yávaive: “Jūmenijinape paivubu muja”, arejaquemavu Jūmenijicū.

³⁵Me coreóvaivubu maja Jūmenijicui yávaive ñi toivaicōjeiye báque jáve bajure cainumua. Ëi yávaino mácarōre oatvaino cubevu no. Aru Jūmenijicūvacari, “Jūmenijinape paivubu muja”, arejaquemavu ina javecavu ñi yávaive coyumara mácvare.

³⁶Yurecabu Jūmenijicui beoimu mácu, memecacuyū ére. Yure darorī epeibi ijārvui. Que baru, ¿“Jūmenijicui mácvu yu” ji aiyede, aipe teni yure “Jūmenijicure ámeina yávaivu mū”, aivurū muja? ³⁷Jipacui ðaicōjeiyede ji ðabedu, yure ju abejarā muja. ³⁸Ëbenita pōeva ne ðarī majibede jipacui ðaicōjeiyede ji ðaru, nópe ðayure múje jári coreóvaive boje, ju ajarā muja. Yure ju abevureca, ji ðaiyede ju aiye javvu mujare, múje cūiná majinajiyepere ayu jáve jipacu cucure yúque aru yu cucure éque máre cūinávure, arejame náre Jesús.

³⁹Bedióva cojedeca Jesúre jēni jacoiyuridurejaima na. Ëbenita náre dupidejame ñ.

⁴⁰Náre dupiyu bácu Jordán ámicuriya jia ánidavei, Juan Bautista bácu ñi pōevare Jūmenijicūque ocoi jádovaino mácarō yebai nurejame Jesús cojedeca. Noi cucunñū, éque nurejagarā ñuja ñi bueimara. ⁴¹Nore ñuje cuede pōeva obedivu Jesúre járadarejaima. Ne bajumia yópe arī, borotedejaima:

—Pōeva ne ðarī majibede ðabeteame Juan Bautista bácu. Ëbenita caino ñi coyūino mácarō Jesúri borore jáve baju batequémavu, arejaima ina Jesúre járadavū bácvu.

⁴²Aru nore cucure, Jesúre ju arejaima obedivu pōeva.

Lázaro bácu yaino

(Lc 10.38-39; Jn 12.3)

11 ¹Dinumure cūinácū ñmū ñi ámiá Lázaro ijeteuy barejámeda. Jíburómivaque Betania

ãmicurĩmajinoi cõrejame ù. Marta aru María ãmicurejaima na, jĩburõmiva.

²Ico María Lázaroĩ mamico barejácõda Jesúre mumijue yuado bacoóó ùi cubobare aru õi yuarĩburu yóboi õi poðaque tũredo macoóó máre. ³Jesúre boro jarorejaima na, Lázaroĩ mamĩnomiva:

—Ñuje jabocũ, mi yóvaimũ, pare mi jecũvamũ, ijeteibi ù, arĩ boro jarorejaima Jesúre dinomiva.

⁴Ne que aino mácarõre jápiayũ bácũ, yópe arejame Jesús:

—Ijeteyũvacari yaibécũbe Lázaro. Quénora Jũmenijicui paruéde jáðovaquiyere ayũ põevare ijeteibi ù. Ùi ijeteiye boje põeva járajarama yũ, Jũmenijicui mácũ, ji paruéde, arejame Jesús.

⁵Martare, Maríare, aru néyocũ Lázaroĩ pare jecurejaquemavũ Jesús.

⁶Ijimũre jápiayũ bácũvacari, nomicata pũcajãravũna mautedejame cãreja.

⁷Pũcajãravũna yóboi, Jesús arejame ñujare ùi bueimarare:

—Járica, Judeaĩ nurajarevũ maja cojedeca, arejame ñujare.

⁸—Mũ, bueipõecũ, javejĩeneca cãraboaque dũreni, mũre boajũrorivũ batemá nõcavũ. ¿Nore nũcũyũrũ mũ cojedeca? arejacař Jesúre.

⁹“Ji ðájũroede buojajebu yũ” ayũ, yópe arĩ coyũrejame Jesús:

—Jãravũna coapa doce paĩora cũvũ. Ñai cuyũ jãravũre, aviaĩ ùi boiyede, tobobi ù, aviaĩ ùi boino cue boje jãravũre.

¹⁰Ûbenita ñai cuyũ ñamine, torĩ yavaibi ù, aviaĩ ùi miadãre ðaino cube boje, arejame Jesús.

Que ayũre Jesús, yópe aiyũrõ marejaquemavũ: Jãravũna curejaquemavũ ùre cãreja, ùi buojaquiyere ayũ ùre ðaiye jaũrõre.

¹¹Que coyũrĩburu yójĩboi, yópe arĩ coyũrejame Jesús cojedeca:

—Maje yóvaimũ Lázaro cãñĩme. Ùre coedavacũñĩñĩmũ yũ, arejame ñujare.

¹²—Mũ, ñuje jabocũ, jáve cãru, ðĩnũmũ meaquiyebu. Meatecũyũme, arejacař ñuja.

¹³Jesús ùi nõpe aiyede majibedejacař ñuja. Ûbenita “Cãñũmebu”, arĩ ðãpiarejacař ñuja. ¹⁴Ñuje que ðãpiaiyede, yópe arejame Jesús yavebecũva:

—Jave yaicũbe Lázaro bácũ. ¹⁵Ji cube báque boje ùque, torojũvũ yũ. Caride yũre me baju coreóvarĩ jũ arãjaramu mũja, ji ðãquiyede jáivũ. Járica, Lázaro bácũ yebai nurajarevũ maja, arejame Jesús.

¹⁶Ñujacacũ Tomás, pẽjacũ ñuje aimũ, arejame ñujare:

—Járica, Jesúque yainãnurajarevũ maja máre, arejame.

Jesús ùi põevare apũre ðaino cojedeca, ùi nacovarĩburu náre yainore jarũvarĩ

(Ro 6.4-5; Col 2.12, 3.1)

¹⁷Jãranũrejacař ñuja, Jesújã.

Earãñũvũ bajure Lázaro bácũ yaino mácarõre coyũrãdarejaima nõcavũ. Javeta Jesús ùi eaquiyẽ jipocamia, yóvaicũvaijãravũna jipocamiata, ù mácure jarũvarejaima cãracobei, põẽ jarũvaicobei. ¹⁸Lázaro bácũ curĩĩmaro, Betania ãmicurĩĩmajino, joabẽjĩnoĩ yóbecurĩkilometros baji curejavũ Jerusalén ãmicurĩĩmaro. ¹⁹Que baru Martare aru Maríare máre, yaĩyũ bácũ mamĩnomivare, járanũrejaima ða Jerusalécavũ judíoiva obedivũ. Na chĩõivũque orãñũrejaima. ²⁰Jesús edayũre majini, ùre copũ darejaco Marta. Ûbenita Maríacapũravũ dabedejaco. Quéðata cãramimĩa curejaquemavũ. ²¹Jesúre coyũyo, yópe arejaco Marta:

—Mũ, ji jabocũ, yui mi cũru, jĩyocũ bácũ yaibéjebu. ²²Ûbenita coreóvaivũ yũ Jũmenijicũ ðayũre caiyede yópe mi jẽniaiyere ùre, arejaco Jesúre.

²³—Mĩyocũ bácũ nacajacũyũme yainore jarũvarĩ, arejame Martare.

²⁴—Jãvemũ no. Nore majivũ yũ. Jãravũ cũiyeta, nacajacũyũme jĩyocũ bácũ yainore jarũvarĩ, arejaco õ cojedeca.

²⁵Dĩnũmũre Jesús arejame:

—Yábu yaivú bácvure nacovañu yainore jaruvarí. Jáve yaivú bácvure cainumua cure dayubu yu. Pöescu yaivyú bácvacari, yure ju ayu bácu baru, bediöva cojedeca aruscuyume. ²⁶Yure ju ayu, ji nacovaquimú, aruscuyume cainumua. Ye nuncescuyume toabo cüiméboi. ¿Iye ji coyuyede ju adorú mu? arejame Martare Jesús.

²⁷Aru arejaco:

—Mu, ji jabocu, ju aivu yu. Mu Cristobu, Jümenijicu mácu baju. Jümenijicu üi epeimú mácu yore üi daroimú mácvu mu, arejaco Jesúre Marta.

Lázaro bácvure Jesús üi oino

²⁸Ére que ado báco copainuri, imacore, Maríare, cutuconurejaco Marta. Yavenijiena cuturejacoða Maríare, apevu ne jápiabenajiyepe ado:

—Bueipöescu dare daibi. “Dajacorí”, aibi mure, arejacoða Maríare Marta.

²⁹Ju arí, cüiná nacajari, Jesús yebai copu nurejacoða María. ³⁰Imaro bajure eabedecará ñuja cäreja. Martare ñuje copuino mácarömiata curejacadá cäreja. ³¹Jüjujiena nuñore jáivú, Maríare yóvarádejaima ina judíova. Óque orádaivú barídurejaimada. “Yaiyú bácvure ne jaruvaino mácaröi oconuñome ö”, arí dápiarídurejaimada na.

³²María ñuje yebai edarina, Jesús yebamiata ñuatutari, arejaco ére:

—Mu, ji jabocu, yui mi curu, jýocu bácu yaibéjebu ü, arejaco Jesúre María.

³³María odore jáñu, aru óque edaivú oivure jáñu, öre comaje äroje jári, urarö chiorejame Jesús.

³⁴—¿Ári yaivyú bácvure jaruvaräru muja? arejame Jesús.

—Mu, ñuje jabocu, jácvudajacu, arejaima Jesúre.

³⁵Dinumú orejame Jesús máre.

³⁶—Urarö yaivyú bácvure úteame Jesús, arejaima ne bajumia ére jáivú bácvu.

³⁷Apevu nácvu arejaima:

—Jári eabecure meadame Jesús. ¿Aipe teni Lázaro bácvure meadabetedi ü, üi yaibéquiyepe ayu? arejaima na, ne bajumia yávaivú.

Lázaro bácu üi nacajaino yainore jaruvarí

³⁸Yaiyú bácvure jaruvaino mácaröre eare nuíye bajure bediöva cojedeca orejame Jesús, pare chíönu. Que teni ü mácvure ne jaruvaino mácaröre earejacadá ñuja, Jesúque daivu. Cüracobe, cainituravaque ne bieicobe barejávü Lázaro bácvure ne jajuidorí adaicobe bácarö.

³⁹—Cainituravare veojará muja, arejame náre Jesús.

—Mu, ji jabocu, yövaicuvaijävava vaivu yaivyú bácvure ñuje jaruvaríburu yöbo. Javeta ürojucube ü mácu, arejaco Jesúre Marta, yaivyú bácvu mamico.

⁴⁰—Javede coyuvu mure. Mu yure ju ado baru, yure Jümenijicu parüede cuvavure jácodomu mu, avu yu mure, arejame Martare Jesús.

⁴¹Dinumú dicobede bieituravare veorí ñejaima apevu. Ne que ñaríburu yöboi, nore núcu, cavaröi jáñu, arejame Jesús:

—Mu, jipacu, yure jápiaivú mu cainumua. Que baru mure torojuede jívu yu. ⁴²Yu me coreóvaivú jápiaivure yure cainumua. Ubenita yore yúque curivú ne majinajiyepe ayu, mure que aivu yu. Ne “Jümenijicu daroimú mácvu Jesús”, ne arájiyepe ayu, nópe mure yávaivú yu, arejame Jesús.

⁴³Jípacuque yávayu bácu coðoborí, órearejame Jesús:

—Lázaro, etarí dajacu mu, arejame.

⁴⁴Jesús üi que aiyedata, etarí darejame ü yaivyú bácu. Cuitótecajeaque üi cuboba, üi purá, aru üi jipobu máre, caicu ne cümaimú mácu, Lázaro etarí darejame.

—Cuitótecajea ére cümaicajeare jodeni jaruvajarä muja, cürami üi copaiquiyepe aivu, arejame náre Jesús.

Jesús üi coyüino ne jënajinore ére yöbomia

(Mt 26.1-5; Mr 14.1-2; Lc 22.1-2)

⁴⁵Obedivú ina Maríaque yaivyú bácvure orádaivú bácvuvavu, Jesúre nópe ñayure jáivú bácvu, ére ju arejaimada. ⁴⁶Ubenita fariseovacavure

coyurãearejaimada apevu. Caiye Jesús ùi ðaiye báquede náre coyurejaimada.

⁴⁷⁻⁴⁸Que teni sacerdotevare jaboteipõevaque cójijidejaimada ñuja judíova ñuje jabova, ina fariseova. Aru arejaimada, ne bajumia boroteivũ:

—Põeva ne ðarĩ majibede ure ðaibi Jesús. Que ðayu, parucu nuñume ù. Jesúre nópe ñuje ðare nuicõjenu, caivu põeva ùque ñjebu. Ùque põeva ne ñuru, meamejebu majare. Ùre ju arĩ, jabojaicoiyuma. Aru ne jabojaicuru ùre, majare boarãdaicõjejebu churaravare ina Romacavu, maje jabova baju. Jesúre jabojaicororivure jáivu baru, Romacavui jacobure vaini tuivure majare jájebu nócavu. Dinumũita maje Jümenijicui cüramine vaivéni jaruvarĩ, maje joborõre máre tatorĩ ijebu ina Romacavu. Que baru, ¿aipe ðarãjídica maja? arejaimada ñuje jabova.

⁴⁹Ûbenita cüinácu nácacu ùi ãmiá Caifás, sacerdotevai jacobu baju diujure, arejameða:

—Muja, jívu, jápiajarã. Majibevu muja nópe yávaivu. ⁵⁰¿Coreóvabenaru muja? Cüinácuva yaidú, majare meavu. Que teni caivu yaini bíjabejebu maja, arejameða jabovare Caifás.

⁵¹Û cüinácu nópe abedejaquemavu Caifás. Sacerdotevai jacobu baju boje, ùre nópe are ðarejaquemavu Jümenijicu, Jesús ùi yaiquíyede judíovare boje coyuyu.

⁵²Ûbenita náre quévu bojeda yaicúyu ãmenejame Jesús. Quévora cainoa joborõacavure boje máre, yaicúyu barejáme Jesús, obedivu Jümenijicui mára máravivure cüináyajuboje ðacuyu.

⁵³Sacerdotevare jaboteipõeva aru fariseova máre, “Dinumu Jesúre boarĩ jaruvarãjarevu maja”, arĩ búreajaimada na dijãravũ, Caifás ùi nópe coyujãravumia.

⁵⁴Nore majicu Jesús, urãimaroai cubedejame. Judeacavure dupini nuñu, ne joborõre jocarĩ, põecubenoĩ ñurejame Jesús. Ñujare ùi bueimare máre nuvari, Efraín ãmicurĩmajinoi curãñurejacařã ñuja.

⁵⁵Ñuja judíova ñuje torojave teijãravũ, Pascua ãmicurijãravũ baquinó eare nuino marejãvũ. Que baru Jerusalén ãmicurĩmaroi obedivu põeva, cainoa ãmaroacavu, muri ñurejaima na, ðarãjivu ne torojave tenajipe jipocai yópe Jümenijicui ðaicõjeipe ùi coyuiye báquede Moisés bácuere, meara máravivu Jümenijicui jáinore. ⁵⁶Que teivu, Jesúre vore cuivu barejaimada ina põeva. Cójijivu Jümenijicui cürami, ne bajumia boroteivu jeniari járeajaimada: —¿Muje dápiaru, Jesús máre edaquídica ù? arejaimada.

⁵⁷Jipocamia ina sacerdotevare jaboteipõeva aru ina fariseova máre caivure, yópe arĩ, coyucõjenejaimada: —Jesúĩ curõre majidivu baru, cüiná ñujare coyurãðajarã muja, ñuje jëni jacorãjipe aivu ùre, arejaimada ñuje jabova.

María õi mumijue yuaino

(Mt 26.6-13; Mr 14.3-9; Lc 7.37-38)

12 ¹Seis pajãravua Pascua ãmicurijãravũ jipocai, Betania ãmicurĩmajinoi ñurejacařã ñuja Jesúque cojedeca. Lázaro, yaiyũ bácuere Jesúĩ nacovaimu mácuĩ curĩmaroi ñurejacařã. ²Ñuja edaivure urarõ ãiye tuorejaima apevu nócavu, pueðarãjivu Jesúre. Áiyede tuodo barejãco Marta. Aru Lázaro máre curejame tuoiva yebai apevu dobarivũque. ³Ãñure, María davarejaco trescientos paigramos baju mumijuricorore Jesús yebai. Iye mumijue nardo ãmicue pare mearo corajue barejãvũ. Aru pare bojesue barejãvũya máre. Die mumijuricorore yuarejaco Jesúĩ cubobarã. Yuaðo báco, õi poðaque türenejaco Jesúĩ cubobare. Aru cañami cüramine mumijurejavũ die. ⁴Dinumure jararejame Judas Iscariote, ñuja Jesúĩ bueimarecasu, ùre jëne ðacuyu. Óre jararĩ, yópe arejame ù:

⁵—¿Iye õi jaruvaicorore, aipe teni apevure bojedabetedĩ õ? Tãutara urarõ, trescientos pajãravuare memeiye boje jíye jauridurebu óre. Diede boje ñni, cuve cuvabevure caðatejebu maja, arejame Judas.

⁶ Ëbenina que ayu barejáme Judas. Cũve cũvabevũre cõmajẽ äroje jáñũ ãmenejame, que ayu. Quénora ñavacũcu barejáme. Ë marejáme ñũjare täutũra ñavacaiõõecũ. Iyede ñũje täutũra corecaũ, ãi nrõmia ñni, ñũje täutũrare ñavavarejaquemavũ ã.

⁷ Ëbenita Jesús arejame:

— ãmeno yávabecũ óre. Ó que ðaibico, meadacodo ji bajure ne jarũvarãjyede cũracobeita. ⁸ Cainũmũa ina cũve cũvabevũ curãjarama mũjaque. Ëbenita yũ cubecubu mũjaque cainũmũa, arejame Jesús.

Sacerdotevare jaboteipõeva ne Lázarore boarí jarũvaiyũrõ

⁹ Dinũmũre Jesús Betania ãmicũriĩmajinoi ãi cuede boro jápiarejaimada obedivũ judíovacavũ. Que baru Jesũre járadarejaima, aru Lázarore mãre, Jesũi nacovaimũ mãcũre yainore jarũvarĩ. ¹⁰ Lázarore mãre boarí jarũvaiyũrejaimada ina sacerdotevare jaboteipõeva.

¹¹ Nãre jocarĩ nurejaima obedivũ judíovacavũ, Jesũre jũ arãjivũ ãi nacovaiye báque boje Lázarore yainore jarũvarĩ. Que baru Lázarore mãre boarí jarũvaiyũrejaimada na.

Jesús Jerusaléi ãi ecoino
(Mt 21.1-11; Mr 11.1-11; Lc 19.28-40)

¹² Apejãravũ, Lázaroque Jesús ãi ãijãravũ bácarõ yõbocajãravũ, Jesús Jerusaléi ãi edaquiyede jápiarejaquemavũ na, Pascua torojũve teijãravũre járadaivũ. ¹³ Diede jápiarĩ, yapoporũare burarĩ ñni, ñũja Jesújãre copũ darejaima obedivũ põeva. “Jũmenijicũre torojũve bajaðéni. Jũmenijicũi mearo ðacaimũme ãi ðaroimũ mãcũ, maja judíova maje jabocũ bacũyũ”, arĩ coðoboborejaima ina judíova Jesúque nũivũ.

¹⁴ Põevare ũmaiãimacũ, burro ãmicũcũre earĩ, ãre tubarĩ nurejame Jesús. Nõpe teyũ, yõpe Jũmenijicũi yãvaiyede ãi toivaicõjeiye báquepe, teyũ barejáme Jesús:

¹⁵ Mũja Jerusalén ãmicũriĩmarocavũ, jidũbejarã mũja. Jájara mũje jabocũ bacũyũ dacũyũre, burrojicũrã tubarĩ dacũyũre, arĩ toivaicõjenejaquemavũ Jũmenijicũ.

¹⁶ Que teinore majibedejacaãã ñũja Jesũi bueimara. Ëbenita ãi yainĩ, nacajari, aru mũri nrũriburu yõboi cavarõ mearo Jũmenijicũi curõi, ãrũrejacaãã ñũja. Dinũmũ maquinõ “Jũmenijicũi toivaicõjeino mãcarõpedeca Jesũre tequemavũ maja, maje mearore jiyede ãre burrojicũrã tubarĩ dayũre”, arãjivũ barejacaãã ñũja. ¹⁷ Ina põeva, Jesúque curivũ bácvũ ãi õrejaiye báquede Lázarore ãi etaquiyepẽ ayũ cũracobede jocarĩ arũcu cojedeca, coyũre cuivũ barejãimada iye ne jáiye báquede. ¹⁸ Ne nõpe coyũiye boje no Jesũi jáðovaino mãcarõre põeva ne ðarĩ majibede, Jesũre copũradarejaima caivũ ina obedivũ põeva. ¹⁹ Que baru ina fariseova ne bajumia arejaimada:

— Coyũrĩ oabevũ maja. Majare jápiabema ina põeva. Quédada Jesúque yõvarãnuñama caivũ, arejaimada na, ne bajumia yãvaiyũ.

Apevũ Greciacavũ Jesũre ne voino
(Mt 10.38-39, 16.24-25; Mr 8.34-35; Lc 9.23-24, 17.33)

²⁰ Apevũ judíova ãnevũ, Jũmenijicũre mearore jãivãvũ, ina obedivũ põeva jẽneboi Jũmenijicũre mearore jãnanurejaimada Jerusalén ãmicũriĩmaroita Pascua torojũve teinũmũre. ²¹ Na Felipe borotenanurejaimada. Galilea ãmicũriĩjoborõcarõ ñmaro Betsaida ãmicũriĩmarocacũ barejáme Felipe.

— Jesúque boroteiyũrĩduivũbu ñũja, arejaimada Felipe.

²² Andrés yebai nrũri, coyũrejameãa Felipe ne borore. No yõboi, ina pũcarã nrũri, coyũrãearejaimada Jesũre ina judíova ãnevũ ne borore.

²³ Yõpe arĩ, coyũrejame ñũjare Jesús: — Dãjãravũ ji ãvaijãravũ caivũ. Caride jãpacũ Jũmenijicũ jáðovacũyũme yũre,

ñi daroimu mácsure ñmure, meacu bajure. ²⁴Jáve soyuyubu mujare: Jaunu yure ji yaiquinore. Jēvari soyurī soyuquijivū. Yópe cūináyabe oteiyabede maje otebedu, quénora cūinárora mauteinomū no. Ūbenita iyabe oteiyabede maje otedu, joborō jívui cuede cāreja, yainope teni, píarī cūpururī nuiyavu. Nopedeca ji yaidú, obedivū pōeva mamañme curivū bujarājarama, ji yaiye boje. ²⁵Ñai pōesu ñi baju jescu baru, bíjacuyume ñ. Ūbenita ñai pōesu jecubecu baru ñi baju ijāravure, jāravū cūimējāravū baquinóre cuvacyume ñ. ²⁶Ácu pōesu yure memecaiyucu baru, yure ñi ju aiye jaunu úre. Que baru yáque ji curōi cucuyume ñ. Aru ácu pōesu yure memecaru, úre pueđacyume jipacu, arejame Jesús.

Jesús ñi soyúino ñi yaiquinore

²⁷Náre soyure nurejame Jesús:

—Caride urarō chíoiyu yu ji ũmei. ¿Aipe ajeba yu jipacure? ¿Yure ñájinu vaijārōri no, ajeba yu jipacure? Abevū yu nópe. Ñájinore vaicáyu darejacacu yu ijāravui, arejame Jesús ñujare, ñi bueimarare.

²⁸Ñujare nópe soyurī bujarī, arejame jipacure Jesús:

—Mu, jipacu, pōevare jáđovajacu mi baju meacu bajure, arejame jipacure.

Dinñmama cavarō mearo Jūmenijicui curōre jocarī yávarī darorejavū: “Meavu mi que aino. Que đacacu javeta. Aru que đacuyumu yu cojedeca”, arejavū no yávarī daroino.

²⁹Ina obedivū pōeva ñujaque curivū no bujinore jápiarejaima.

—Ōpo tuinomebu, arejaima nácavu.

—Que ãmevu. Cūinácu ángele yávarī daroyubebu úre, arejaima arevu.

³⁰Ūbenita Jesús arejame:

—No yávarī daroino yure boje ãmevu. Quénora mujare bojetamu no yávarī daroino. ³¹Caride ijāravucavure ne ãmene jáđovari, coreóvare đacuyume Jūmenijicu caivū yure ju abevū ñájinajivure cūinájāravū. Caride

ijāravucavu ne jabocure, ñai abujuvai jabocure, jaruvacyume Jūmenijicu.

³²Ūbenita yu ne jocusurā pēvari jēori jámuórajimū, yurecabu obedivū pōevare ju are đacuyū yure, arejame Jesús.

³³Nópe arī soyuyū, aipe árojae teni ñi yaiquinore soyuyū barejáme Jesús. ³⁴Ūi que aiye de, yópe arejaima úre jápiaivū:

—Jūmenijicu ñi yávaiyede toivaicōjeneaquemavu, ñuje majinajiyere ayū ñi daroquimure yaibécu bacuyúre cainmua. ¿Aipe teni “Jūmenijicui daroimu mácu ñmure ne jocusurā pēvari jēori jámuóimū macuyúmu yu”, ayurū mu? ¿Yécu páyurū mu? ¿Namema Jūmenijicui daroimu mácu ñmure? arejaima Jesús.

³⁵Náre yávarejame cojedeca Jesús:

—Ñai cucunuiyucure jāravure, aviá ñi boiyede, cuiye jaunu úre. Que baru ñemié tuiyede, majibebi ári ñi nūnore. Quédeca quíjino baju cucuyumu yu mujaque pēoi pōesupe, jáđovañū Jūmenijicui jávene. Mujare majide đaivu Jūmenijicui dápiaiye jávene ji bueiyeque. Que baru muja diede majibevu baru caride, ji cuede muje jēneboi cāreja, ji nuriburu yóbore apa ñeminoi cuivupe paivū barājaramu muja. ³⁶Que baru ji cuere cāreja muje jēneboi, ji bueiyede ju ajarā muja. Yúcvu tenajaramu muja, ji bueiyede ju aivū baru, arejame náre Jesús.

Nópe ayū bācu, náre dupini nurejame.

³⁷Pōeva ne jáiyede ure ne đarī majibede đayureca Jesús, úre ju abedejaima na.

Jesúre obedivū judío va ne ju abeno (Mr 4.12; Lc 8.10)

³⁸Caiye iye vaidéjavū yópe ñai Jūmenijicui yávaiyede soyucaipōescu Isaías bācu “Yópe tequiyebu” arī, ñi toivaino mácarōpedeca.

Mu, ji jabocu, obebejina baju ju adama ñuje yávaiyede. Jūmenijicu ñi paruéde jáđovaimi obebejina bajure, arī toivaicōjeneaquemavu Jūmenijicu Isaías bācure.

³⁹Que baru nácapuravu ju aivū bujabedejaima. Bedío va

cojedeca Jūmenijicu, yópe arí,
toivaicōjenejaquemavu Isafas bácore:

⁴⁰ Jári eabevure ðaibi náre Jūmenijicu,
ne jámenajiyepere ayu. Aru dápiarí
majibede ðaibi náre, ne jápiarí
eabenajiyepere ayu. Aru Jūmenijicu
yópe arí, coyuiibi: “Nópe ðaivu
yu, ne chíori oatvabenajiyepere
ayu ne ðaiyede. Que baru
náre meadabecuyumu”, arí
toivaicōjenejaquemavu Isafas
bácore Jūmenijicu.

⁴¹ Nópe arejaquemavu Isafas bácu ñi
jáiyepere báque boje Jesucristoi mearore
Jūmenijicu jáðovaiye báquede nore aru
ñi coyuiye báque boje ñra.

⁴² Ñbenita obedivu pōeva ne
jabovacavu Jesúre majini, ju arejaima
ñre. Ñbenita fariseovare jidurí, “Jesúque
nuivabu ñña”, abedejaima ne jápiayede.
Jipocamia “ ‘Jesúbe Jūmenijicu
daroiyu mácu Cristo’, aivure maje
cójijina mine jaetovarājaramu ñña, ne
cójijibenajiyepere aivu ññaque bediova
cojedeca”, arejaima ña ina fariseova. Que
baru fariseovare jidurivu, bi arejaima
na Jesúre ju aivu. ⁴³ Jūmenijicu
mearo jáiyede náre ñbeni, pñeno baju
vorejaima pōeva ne mearo jáiyede náre.

Pōeva ne ñájinajino Jesús ñi yávaie boje

⁴⁴ Yópe arí, bujino yávarí darorejame
Jesús:

—Ácu pōecu yure ju ayu baru, yure
daroyu bácore máre ju aibi ñ. ⁴⁵ Aru
quédacabu. Ácu pōecu yure jáñu
maru, yure daroyu bácore máre jáimi
ñ. ⁴⁶ Ijáravui darejacacu yu. Pōeva ne
majinajiyepere ayu Jūmenijicure, yu
pñonpe teyu buesudarejacacu náre.
Yure que teyure ju aivu, ñeminoi ne
mautebenajiyepere ayu yópe Jūmenijicure
majibevure, darejacacu yu. ⁴⁷ Ñbenita
ácu pōecu ji coyuiyede járiayvacari
ju abedu, yu ñre ñáine ðabecubu ñi
ámeina teiye boje caride. Pōevare
ne ámeina teiye boje ñáine ðacuyu
ðabedejacacu. Quépora pōeva
bíjajurivure meadacudayu darejacacu

yu. ⁴⁸ Ácu pōecu yure ñbecu baru
aru ji coyuiyede máre ju abecu baru,
ñrecabe jáve ñáicuyu. Ñi ju abe boje ji
coyuiyede, ñáicuyume buojaquijáravu
baquinói. ⁴⁹ Ji baju ji majiéque coyubevu
yu. Quépora jipacu, yure daroyu bácu,
yure coyucōjeimi ji coyuiye caiyede.
Que baru pōeva ñájinajarama, ne ju
abe boje ji coyuiyede. ⁵⁰ Coreóvaivu yu
iyede: Pōeva yure ju aivu baru yópe
jipacu ðaicōjeiyepere náre, cuvarejarama
járavu cūiméjáravu baquinóre. Que baru
yópe jipacu coyucōjeiyepeda coyuyubu
mujare, arejame Jesús.

Jesús ñi buemarare ne cubobare ñi joaino

(Mt 10.24, 40, 20.28; Mr 9.37, 10.45;
Lc 6.40, 9.48, 10.16, 22.27; Jn 15.20)

13 ¹ Pascua torojuve tejáravu
jipocacajáravu barejávñ.
Coreóvarejaquemavu Jesús dijáravu
eainore ñi nuquinore ijáravure jocarí,
copaicuyu jipacu yebai. Ina ijáravucavure
ñi jinare caipñña jecubi ñ. Que teni
ñujare jecurejaquemavu ñi yayeta.

² Nainú baju ñña ñi buemaraque
aññ marejame Jesús. Javeta ññjacacu
Judas, Simón Iscariotei mácore yópe
arí, “Jesúre ñi mauvare jēni jíquijivu yu”,
dápiare ðarejaquemavu ñai abujuvai
jabocu, ñi jēni jíquiyepere ayu Jesúre ñi
mauvare. ³ Jesús coreóvarejaquemavu
majepacu Jūmenijicure caiyede aru
caivure purucvaicōjeññ mácore ñre
pauéque. Aru coreóvarejaquemavu
ñi baju Jūmenijicu daroiyu mácu
aru copaicuyu ñi yebai. ⁴ Que baru
coreóvayu, ññje áiyedeca nacajari, ñi
pñenocacajede durí, epeni, tñreicajede
ñni, járióri jēori buorejame. ⁵ Que teyu
bácu oco doaibure yuarí buivárejame,
ññje cubobare joacuyu. Ññje cubobare
joarí búrejame. Ññjacacu cūinácure
joaríburu yóboi, tñreicaje ñi buoicajeque
tñrenejame. ⁶ Joarí tñreni ñujare coapa,
Simón Pedroro eacunñrejame Jesús. Aru
Pedro arejame ñre:

—Mñ, ji jabocu, ¿yure ji cubobare
joacuyurñ mu? arejame.

⁷Jesús arejame:

—Ji cari ðaiyede coreóvabevu mu. Ûbenita no yóboi coreóvacuyumu, arejame.

⁸Pedro arejame Jesúre:

—Yure ji cubobare ye joaicójemevu mure, arejame.

Aru Jesús arejame úre:

—Dinumu yure joaicójemecu baru, yúcasu ámesuyumu mu, arejame.

⁹Pedro arejame:

—Mu, ji jabocu, ji cuboba matuinora joarí dajocabecacu mu. Ji jipobure aru ji puruáre máre joajacu mu, arejame.

¹⁰Aru Jesús arejame ñujare:

—Caibaju joaimu mácure bedióva cojedeca caibaju joaiye jaubevu. Quénora cubobare joaiye jaunu, docucuru. Javeta caibaju joaimara mácavure paivutamu mija, Jümenijicui árumeteiye báque boje muje ámeina teiyede muje chïori dápiarí, diede jaruvarí, ju aye báquede yure. Ûbenita mujacacu cüinácu caibaju joaimu mácure ámemi ñ, ñi chíomeni jaruvaiyube boje ñi ámeina teiyede, arejame ñujare Jesús.

¹¹Ûre jëne ðacuyure

coreóvarejaquemavu Jesús. Que baru “Mujacacu caibaju joaimu mácu ámemi ñ”, arejame ñ.

¹²Que teni ñuje cubobare joarí buojarí, ñi puenocacajede bedióva cojedeca ñi, dorejame Jesús. Dorí buojarí, áivará dobacudarí, yópe ñujare arí coyurejame:

—¿Ji cari ðaiye báquede, coreóvadaráru mija? ¹³Yure “bueipöescu” aru “ñuje jabocu” máre aivubu mija. Muje nópe aye meavu yure. Quédecabu yu. Mujare bueipöescubu. Aru muje jabocubu yu. ¹⁴Yu muje jabocuvacari aru muje bueipöescuvacari yebacacupe muje cubobare joaivu yu. Que baru quédeca ðajará mija. Apevu yure ju aipöeva ne cubobare joaiye jaunu mujare coara. ¹⁵Que ðaivu yu mujare jáðovacuyu aipe ðaiye jaurore mujare. Que barureca ji ðaiyepedeca ðajará mija mujevure. ¹⁶Jáve coyuyubu mujare: Yebacacu cubebi ñi jabocure vainí

tuyu. Aru daroimu cubebi úre daroyure vainí tuyu máre. ¹⁷Iye cari coyuiyede coreóvaivubu mija caride. Que baru popedeca ðaivu baru, torojurájaramu mija.

¹⁸Ûbenita ji beoimara mácavure coreóvaivu yu. Que baru “Torojurájaramu”, ji aiyede mija caivure abevu yu. Yópe Jümenijicui yávaiyede ñi toivaicójeiye báquepedeca vaiquiye jaunu yure: “Ñai áñu mácu yúque, yure boaiyubi”, arí toivaicójenejaquemavu Jümenijicui. ¹⁹Iye vaiquiye jipocamia nópe coyuivu mujare, muje ju arájiyepere ayu jávene “Jümenijicui mácubu yu” ji aino mácaröre. Ji coyüino mácaröre vainíburu yóboi, coreóvarájaramu mija. ²⁰Jáve coyuyubu mujare: Ácu pöescu ji jaroimarare me jacoruyu baru, yure máre me jacoruiibi ñ. Ácu pöescu yure me jacoruyu baru, yure daroyu bácuere máre me jacoruiibi ñ.

Que arí, coyurejame Jesús ñuja ñi bueimarare.

Jesús ñi coyüino Judas ñi jëni jíquinore ñi mauvare

(Mt 26.20-25; Mr 14.17-21; Lc 22.21-23)

²¹Nópe arí coyuyu bácu uraró chïorejame Jesús ñi ümei. Chïori, ñujare yópe yávarí darorejame cojedeca ye yavebecuva:

—Jáve coyuyubu mujare: Cüinácu mujacacu yure ji mauvare jëni jícuyme ñ, arejame Jesús.

²²Ûi que aiyede ñuje bajumia járejacará ñuja, cuecumaivu. Ácu ñujacacu ñi aimure majibedecará ñuja. ²³Cüinácu ñujacacu pare Jesús ñi jecumu Jesús yebai ñi tucavai dobarejacacu yu. ²⁴Yure ñi puru jabióvarí, jëniari jáicójenejame Simón Pedro:

—“¿Ácuba mure jëni jícuyme?” arí, Jesúre jëniari jájacu mu, arejame yure Pedro. Ûi puruque nópe arejame.

²⁵Nópe ðayure jáñu, Jesúre püeno cadajie nuri, jëniari járejacacu yu yavenijiena:

—Mu, ji jabocu, ¿ácuba ñ, mure jëni jícuyme? arejacacu yu.

²⁶Ji nópe arura, ju arejame Jesús:
—Ji páujevede jórī, ji jímu, ũ
macuyáme yure jēni jíyu ji mauvare,
arejame Jesús.

Que arī, páure cōpavari ĩni, jórī,
Judare, Simón Iscariotei mácure,
jídejame. ²⁷Dinunumiareca Judas
diede ĩnuva, cūiná Satanás đaicōjeni
bárejaquemavu úre. Aru úre arejame
Jesús:

—Maumena mi đaiyuede đacunujacu
mu, arejame Judare Jesús.

²⁸Ūbenita ñuja náque dobarivu
tuoiva yebai aipe teni Jesús ũi que
ainore Judare coreóvabedejacarā
cāreja. ²⁹Judas ũi cūvae boje ñuje
tāuturare, ñujacavu, “Ñuje ārājijede
torojuve teinumu bojedaicōjeñume
Jesús Judare”, arī đápiarejaquemavu.
Aru apēvu ñujacavu, “Cūve cūvabevure
tāuturare jícnūicōjeñume Jesús úre”,
arī đápiarejaquemavu. ³⁰Iye páure ĩñu
mácure, cūiná etarī nurejame Judas. Ñami
marejávū ũi etarī nuiyede.

Jesús ũi đaicōjeino yóboarō

(Jn 7.34, 15.12-17; 1 Jn 2.7, 3.23; 2 Jn 5)

³¹Judas ũi etarīburu yóboi, ñujare
yópe arī, yávorejame Jesús:

—Caride pōeva járajivubu
Jūmenijicui daroimu mácu ũmure
meacu bajure. Caride yu, Jūmenijicui
daroimu mácu ũmure, pōevare járe
đaquijivu Jūmenijicu meacu bajure.

³²Jūmenijicui daroimu mácu ũmure
ji jádovaru Jūmenijicu meacu bajure,
Jūmenijicūvacari pōevare jádovacuyume
ũi daroimu mácu meacu bajure.

Aru maumejeneca que đacuyume
Jūmenijicu. ³³Muja, jímajinare raivu,
majióvarō bajura cūcuyumu mujaque.
Yure vorājaramu muja. Ūbenita yópe
ji coyūino mácarōpe maje jabovare,
mujare máre coyuyubu yu: Ji nuquinore
nuiye majibevu muja. ³⁴Caride
đaicōjeino yóboarōre đaicōjequijivu
yu: Muje bajumia újarā muja yópe ji
uepedeca mujare. Muje bajumia jecújarā
muja. ³⁵Que đaivure muje bajumia
urivure jáivu, majinajarama caivu ji

bueimara bajure mujare, arejame ñujare
Jesús.

Jesús ũi coyūino Pedrorre ũi “Jesúre
yu coreóvabevu” aquinore
(Mt 26.31-35; Mr 14.27-31; Lc 22.31-34)

³⁶Jesús que ayure, yópe arejame
Simón Pedro:

—Mu, ji jabocu, ¿árī nuñuru mu?
arejame.

Jesús arejame:

—Ji nuquinore caride nuri buojabevu
mu. Ūbenita ji naribururu yóboi, mu máre
nucuyumu, arejame.

³⁷Pedro arejame:

—Mu, ji jabocu, ¿aipe teni caride
múque nuri buojabedi yu? Jáuru, mure
cadateni, yaiquijivu yu, arejame.

³⁸Aru Jesús arejame Pedrorre:

—¿“Mure boje yaiquijivu yu”, ayurū
mu? Jáve coyuyubu mure: “Jesúre yu
coreóvabevu” acuyumu mu cari ñami,
cáyu ũi órejaquiyi jipocai. Aru yóbesce
nópe acuyumu mu, arejame Pedrorre
Jesús.

Jesús pōevare ũi eare đainore

Jūmenijicu yebai

(Mt 7.7-11, 11.27; Lc 11.9-13; Jn
1.18, 6.46, 15.7, 16, 16.23-24; Hch
4.12; 1 Jn 3.21-22, 5.14-15)

14 ¹Que ayu bācu, ñujare yópe
coyurejame Jesús:

—Chīomejara muja. Jūmenijicure
ju ajarā muja. Úre ju arī, yure máre
ju ajarā muja. ²Jipacui curōi tucubua
ure cūvu. Que āmenu, yópe arī mujare
coyubejebu yu. Nore muje curājiyede
meadacacūncuyumu yu. ³Nore nuri,
meadarīburu yóboi, copaidacuyumu
yu cojedeca, mujare ĩni nūvacūdacuyū,
muje curājiyere ayu yáque. ⁴Ji
nuquinore majivu muja, yópe pōeva
ne majiére ma nuimare, arejame Jesús,
ñujare coyuyū.

⁵Tomás arejame Jesúsre:

—Mu, ji jabocu, mi nuquinore ye
majibevu ñuja. ¿Aipe ayurū mu, “Ji
nuquinore majivu muja” ayu? arejame.

⁶Jesús arejame:

—Yurecabu pōevare eare ðayñ Jūmenijicū yebai yópe ma nuinope cavarō mearoi. Yurecabu pōevare majide ðayñ Jūmenijicūi dápiaye jāvene aru cure ðayñ mamaūmeque máre. Ñame eabenama jipacu yebare, ji nuvameni náre. ⁷Muja yure jāve coreóvaivñ baru, jipacure máre coreóvajebu muja. Caride jāve úre coreóvaivñbu muja cainumua. Aru úre jáðavñ muja máre, arí coyurejame ñujare Jesús.

⁸Úi que aiyede, Felipe arejame Jesúre: —Mñ, ji jabocu, majeracure jáðovajacu mñ. Quénora meaquiyebu ñujare, arejame ñ.

⁹Úre ju ayñ arejame Jesús: —Mñ, Felipe, ¿que joede mujaque ji cuedeca, yure coreóvabecurū cāreja? Ácu pōecu jáññ yure, jáimi jipacure máre. Que baru, ¿aípe tení “Majeracure jáðovajacu”, ayurñ mñ yure? ¹⁰Yu cuvñ jipacūque. Aru jipacu cubi yúque cūinávure. ¿Iye ji coyuiyede, ju ayurñ mu? Iye mujare ji coyuiye ji bajuma ji dápiaino ámevñ. Quénora jipacurecabe, ñai cūcu yúque cainumua, yure coyure ðayñ yópe ñi urōpe. Aru ji ðaiyede máre ji bajuma ðayñ ámevñ. Quénora jipacurecabe yure ðaicōjeññ. ¹¹Ji coyūino mácarōre, “Cuvñ yñ jipacūque aru jipacu cubi yúque cūinávure”, ju ajarā muja. Ubenita ju abevñ baru ji coyūino mácarōre, quénora ju ajarā yure ji ðaiye báque boje. ¹²Jāve coyuyubū mujare: Ácu pōecu yure ju ayñ, ji ðaiye báquepe paiyede ðacuyume ñ. Aru ape paiye me rueno paguéde ðacuyume, ji nuquiye boje jipacu yebai. ¹³Caiye muje jēniayeyede yure ji ámiái ðacacuyumu. Yópe muje jēniayepedeca ðacuyumu yñ, jáðovacuyñ jipacu meacu bajure. ¹⁴Áde muje jēniarajiyede yure ji ámiái, ji paguéque, mujare ðacacuyumu yñ, arejame Jesús.

Jesús “Jipacu Espíritu Santore ðarocuyume mujare” arí, ñi coyūino

¹⁵Ñujare coyure nurejame Jesús: —Muja urivñ baru yure, caiye ji ðaicōjeiyere ðarājaramu muja.

¹⁶Yurecabu jipacure jēniacuyñ mujare boje, ñi daroquiyere ayñ apescu cadateipōescure. Ú cainumua cūcuyume mujaque, jipacūi daroquimñ.

¹⁷Úrecabe Jūmenijicūi Espíritu pōevare coreóvare ðacuyñ Jūmenijicūi dápiaye jāvene. Ijāravucavñ Jūmenijicure ju abevñ úre jacopivñ buojabenama, ne jári eabe boje ñi ðaiyede aru ne coreóvaiye majibe boje aipe ārojacure úre. Ubenita mujacarpūravñ coreóvarājaramu aipe ārojacure úre, ñi mautequiyere boje mujaque. Mujaque curí, ðajocabecuyume mujare cainumua. ¹⁸Tēumarape ðabecubu yñ mujare. Mujare jocarí nūmecubu yñ. Bedióna cojedeca copaidacuyumu, cūcuyñ mujaque.

¹⁹Quíjino baju yure jámenajarama ijāravucavñ yure ju abevñ. Ubenita mujacarpūravñ yure járaramu. Bedióna cojedeca apūcuyumu yñ. Que baru muja máre cainumua apurivñ barājaramu muja mamaūmeque. ²⁰Ánijāravñ, maje corūrajijāravñ baquinóre, jipacūque ji cuede majinajaramu muja, aru yúque muje cuede, aru mujaque ji cuede máre. Maja cūinávure curājaramu maja. ²¹Ácu pōecu ji ðaicōjeiyere caiyede ju arí ðayñ, úrecabe yure ucu. Aru ñai yure ucu, úrecabe jipacūi uquimñ. Yñ máre úre, yure ucure, ucuyumu. Aru ji bajure jáðovacuyumu úre, arejame ñujare Jesús.

²²Úi que aríburu yóboi, cūinácū ñujacacu, ñi ámiái Judas, jēniari járejame Jesúre. (Judas Iscariote ámenejame. Apescu Judas barejáme ñ.) Yópe arí, jēniari járejame Jesúre:

—Mñ, ji jabocu, ¿aípe ðarí ñuja, mñre urivñ, mi bajure jáðovacuyurñ, ubenita apevñre, ijāravucavñ mñre ju abevñre, mi bajure jáðovamecuyurñ mu? arejame Judas.

²³Jesús, yópe arí, coyurejame:

—Ácu pōecu yure ucu, ji coyuiyede ju acuyume. Úrecabe jipacūi uquimñ. Yñ aru jipacūmaque ñi yebai nñri, úque curājaramu ñuja. ²⁴Ácu pōecu yure ubecu, ji coyuiyede ju abebi. Ji coyuiye ji bajuma ji dápiaino ámevñ.

Quénora jipacu, yure daroyu bácu, jiede coyuyutamu yu. ²⁵Que arí, coyuiyu yu mujare, ji cuede cãreja mũajaque. ²⁶Ûbenita mũajaque ji cubenũmure ñai Espiritu Santore, cadateipõecure, ñarocuyume mujare jipacu ji parueque. Ûrecabe caiyede mujare buescuyu. Aru ji coyuiye báque caiyede mujare ãrure ñacuyume ñ.

²⁷Mujare, meaũme cãrijimeũme curivure, erescuyumu yu. Ji cãrijimeũmene mujare jíquijivu. Ijãravucavu mujare ji jíyere paiyede jíye majibema. Que baru cãrijimevava chíomejara aru jídubejarã mũa, ayubu yu. ²⁸Mujare ji coyuiño mácarõre, “Yu nucuyumu. Ûbenita mũaje yebai copaidacuyumu yu” ainore, járiadañu mũa. Yure urivu baru, ji nucuyiyede jipacu yebai torojuebu mũa. Jipacu ji rueno parucube. Que baru ñi yebai nucuyumu yu. Aru torojue javu mujare. ²⁹Nõpe coyuiño mujare caride, iye vaiquíye jipocamia, mũaje coreõvarãjiyere ayu jávene ji coyuiño mácarõre. ³⁰Caride ijãravucavu ne jabocu, ñai abujuvai jabocu, daibi. Que baru urarõ baju mujare coyubequijivu yu. Û yure ñi ñaicõjeiye parue cubecureca nucuyumu yu. ³¹Vaiquíyebu yure yõpe ji aiyé báquepedeca, ijãravucavu ne coreõvarãjiyere ayu ji uede jipacure. Que baru caiye jipacui ñaicõjeiyede ñaivu yu. Járica, etarevu, arejame ñujare Jesús.

Jesús “Oteiyaimu yobedope páyubu” arí ñi coyuiño

(Jn 13.34, 15.17; 1 Jn 3.23; 2 Jn 5)

15 ¹Ñuja ñi bueimarare, yõpe arí, coyure nurejame Jesús:

—Yurecabu oteiyaimu yobedope páy. Aru jipacurecabe dimure coreipõecu, oteipõecureca páy.

²Aru dimu cavajĩbũare paivutamu mũa. Ñmecavabũa, jẽmecavabũare burarĩ jarũvaibi jipacu. Meacavabũa, jẽcavabũare majié burarĩ, meadaibi jipacu, oteipõecu ñi ñaiyere ñay. Que

teni jẽcavabũare urarõ jẽne ñaibi jipacu. ³Mũje ju aiyé boje ji coyuiyede, javeta mujare meadacacu yu. Que baru jipacu ñi meadaimaramu mũa. ⁴Yũque cũjarã mũa. Aru yu mũajaque nucuyumu. Cũinãvure curãjaramu maja. Cavabu cubedu dimure, cainidũa jẽmenv. Quẽdecabu mujare. Yũque cubevu baru, Jũmenijicui urõpe ñabenamu. Yũque mautebevũ baru, mearore, yõpe ji memeiyepe, ñabejebu mũa. Põeva mearore ñabevubu, yõpe cavabũa jẽidũa cubepe.

⁵Oteiyaimu yobedope páyubu yu. Aru dimu cavabũare paivubu mũa. Ácu põecu cũcu baru yũque aru ji curu máre ñique cũinãvure, ñrecabe urarõ mearore ñacuyu yõpe Jũmenijicui urõpe. Ûbenita yũque cubecu baru, Jũmenijicui urõpe ñaiye majibebi ñ. ⁶Yũque mautebecu, oteipõecu ñi burarĩ jarũvaicavabũare paicavabube ñ. Dicavabu yaicavabu jarũvaicavabũare apesu jevaiyame meadayu. Dicavabure jevarĩ, pecatoro ñarĩ, nuvaiyame ñi nore jocarĩ, juarĩ jarũvacũũ.

⁷Mũa yure ñajocabevũ baru, aru ji coyuiyede ju are nuivu baru, áde mũje jẽniaiyede mũje urõpe cũvarãjaramu mũa. ⁸Mũje urarõ mearo ñaiyede jáve ji bueimara ñarĩ jádovaiyubu mũa. Põeva mujare nõpe ñaivure jáivu, jipacure mearore jíñajarama na. ⁹Yure jipacui uepedeca vvu yu mujare. Que baru ji umarape mautejarã mũa. ¹⁰Ji ñaicõjeiye caiyede ju arĩ ñaivu baru, ji umara mautenajaramu mũa. Nopedeca jipacui ñaicõjeiye caiyede ju arĩ ñay, ñi umu mauteivu yu.

¹¹Que arí, coyuiyu yu mujare, mũje torojũrãjiyere ayu ji torojuepedeca, aru mũje buõjarãjiyere ayu torojurivu mũje ñme javbevũva. ¹²Ji ñaicõjeino mujare yõpe ainotamu: Mũaje bajumia ñjarã mũa yõpe mujare ji uepedeca. ¹³Põecu ñi yaidú ñi yõvaimarare boje, ape ñi ñaiye cubevũ, ñi jádovaiyere náre ucure. ¹⁴Ji ñaicõjeiyede ju arĩ ñaivu baru, ji umaramu mũa. ¹⁵Caride “yure memecaivu” abecubu mujare. Quénora

“ji yóvaimara” acnyũtu mujare. Põescure memecaivũ ne jabocũi dápianore majibema na. Ûbenita põescũi yóvaimara ãi dápianore majima. Aru yũre jipacũi jápiadovaiye báquede mujare soyũiye jebeivũ yũ. ¹⁶Yũre vobeteavũ muja. Yũ batecácu mujare vorĩ beoyũ. Jipacũi urõpe muje ðarãjiyepe ayũ, mujare beorĩ epecacu. Ji epeimaramu muja, urarõ mearore ðarãjivũ yópe Jũmenijicũi urõpe. Aru muje ðarãjiye bĩjabequiyebu. Quénora mautequiyebu. Que baru áde muje jëniayiede jipacure ji ámiái, ðacacuyũme ã yópe muje jëniayiepedeca. ¹⁷Que baru yópe arĩ, soyũyũbu yũ mujare cojedeca: Muje bajumia urarã muja, arĩ soyũrejame Jesús, ñujare bueyu.

Jesús ã jinaque ijãravũcavũ ne ubemara

(Mt 10.24; Lc 6.40; Jn 13.16, 17.14-18)

¹⁸Yópe arĩ, soyũre ñurejame Jesús: —Ijãravũcavũ Jũmenijicure ju abevũ mujare ubenajarama. Ûbenita coreóvarã iyede: Mujare ne ubenajiyepiropai, yũre ubeteima na. ¹⁹Muja ijãravũcavũ baju baru, mujare ujebu ijãravũcavũ Jũmenijicure ju abevũ, yópe ne upepedeca ne bajumia. Ûbenita yũvacari mujare beorĩ epecacu jivũ barãjiyẽpe ayũ ijãravũcavũre jocarĩ. Que baru náque curivũvacari, nácanũ ámevũ muja. Que baru mujare ubema na. ²⁰Ji soyũvarede me arũjara muja. Yebacacu cubebi ãi jabocure vainĩ tuyũ. Apevu ñájine ðaima yũre. Que baru mujare máre ñájine ðarãjarama. Ûbenita apevu ji soyũiyede ju aima. Que baru mujare máre ju arãjarama. ²¹Yũcavũbu muja. Aru ina ijãravũcavũ yũre daroyũ bácare majibema na. Que baru mujare máre ñájine ðarãjarama na.

²²Náre ji soyũcudabedu, boropatebejebu ne ámeina teiye boje. Ûbenita ji soyũcudaiye báque boje ijãravũcavũre, ye bojedabemarava cuma na ne ámeina teiyede. ²³Ácu põescũ ubescu yũre, jipacure máre ubebi ã. ²⁴Põeva ne ðarĩ majibe bajure

jãdovacacu yũ yócvũre. Apecu cubebi ji ðaiyepe paiyede ðarĩ majicu. Ji que ðabedu ne jáiyede, boropatebejebu ne ámeina teiye boje. Ûbenita ji nópe ðaiyede jáðama na. Aru jáivũvacari, yũre ubeni, jipacure máre ubema na. ²⁵Caiye iye vaivũ yópe Jũmenijicũi toivaicõjeiye báquepedeca ãi yávaiyede: “Jaurabeda yũre ubema”, arĩ toivaicõjeneaquemavũ Jũmenijicu.

²⁶Ûbenita ñai Espiritu Santo, mujare çadateipõescu, dacuyũme muje yebai. Ûrecabe põevare coreóvare ðacuyũ Jũmenijicũi dápiaiye jãvene. Ûre jipacũi curõre jocarĩ darocuyũtu yũ muje yebai. Ûi edarĩburu yóboi, Ûrecabe soyũcuyũ ji borore ãi jáiye báque boje. ²⁷Aru muja mamarũmũre ji bueni buinũmũre yũque çateavũ muja. Pũ caride máre curivũbu yũque. Que baru muja máre soyũrãjivũbu ji borore muje jáiye báque boje, arejame Jesús.

16 ¹Yópe arĩ, soyũre ñurejame Jesús:

—Nópe soyũvũ yũ mujare, muje dajocabenajiyepere ayũ muje ju aiye yũre. ²Judíovai jabova jaetovaicõjenajarama mujare ne cójijĩñamiare jocarĩ. Apejãravũa ðaquijãravũa baquiyé põeva ne boarĩ jarũvarãjiyede mujare, “Nópe ðarĩ Jũmenijicure memecaivũbu maja”, arĩ dápjarãjarama ina mujare boarãjivũ. ³Que ðarãjarama, yũre aru jipacure máre ne coreóvabe boje. ⁴Nópe soyũvũ yũ mujare, muje arũrajiyepere ayũ iye ji soyũiye báquede ãnijãravũa, ne nópe ðarãjijãravũa baquiyéde mujare, arĩ soyũrejame Jesús.

Jesús ãi soyũino Espiritu Santoi ðaquinore

Yópe arĩ, soyũre ñurejame Jesús: —Ji bueni buinũmũre caiye iye ji cari soyũiyede mujare soyũbetecacu yũ, ji cue boje mujaque. ⁵Ûbenita caride yũre daroyũ bácu yebai ñscuyũtu yũ. Ñscuyũreca mujacacu cubebi, “¿Ári ñscuyũgũ mu?” arĩ jëniari jáñũ yũre. ⁶Quénora urarõ çhíoivũbu muja muje

úmei ji nópe arí coyúye boje. ⁷Ëbenita yácarpūravú mujare yávaiyede jávene coyuyubu ya. Ji nuquino meaquiyebu mujare. Ji numenu, mujare cađateyu bascuú dabejebu. Ëbenita ya nuñu mácu darocuyumu úre mujare.

⁸Dacuyú edayu bácu ijáravucavu boropateivure ne ámeina teiye boje coreóvare đacuyume. Yure boropatebecure Jūmenijicui jáinore coreóvare đacuyume. Jūmenijicu nájine đacuyure pōevare ne ámeina teiye boje máre coreóvare đacuyume ú, ji daroquimu. ⁹Náre coreóvare đacuyume ámeina teivú boropateivure ne ju abe boje yure. ¹⁰Náre coreóvare đacuyume yure boropatebecure Jūmenijicui jáinore, ji nuquiyé boje jipacu yebai. Que baru yure jámenajaramu mja. ¹¹Aru náre coreóvare đacuyume Jūmenijicu nájine đacuyure pōevare ne ámeina teiye boje, Jūmenijicui “Nájicuyumu mu”, úi jave coyúye báque boje ijáravucavu ne jabocure, nái abujuvai jabocure.

¹²Uraró mujare ji coyujuroe cuvavu. Ëbenita cúiná caiyede jápiayé majibevubu mja. ¹³Ëbenita nái Espiritu Santo đacuyume, pōevare coreóvare đacuyú Jūmenijicui yávaiyede jávene. Úrecabe coreóvare đacuyú mujare caiye Jūmenijicui yávaiyede jávene. Aru iye vaiquiyede coyucuyume mujare. Úi baju majiéque coyubecube. ¹⁴Ji majié matuiyede jápiayú bácu, diede mujare coreóvare đacuyume. Que baru yure mearore jícuyume. ¹⁵Caiye jipacui majiéde majivu ya. Que baru “Nái Espiritu Santo ji majié matuiyede mujare coreóvare đacuyume”, avu ya mujare, arejame Jesús.

**Jesúí bueimara ne chíoriburu yóboi
ne torojuede**
(Mt 7.7-11; Stg 1.5-6)

¹⁶Yópe arí, coyure nurejame Jesús:
—Quíjino baju yure jámenajaramu mja. Ëbenita apeno quíjino baju yójiłboi bediáva cojedeca yure járajaramu mja, arejame Jesús nja úi bueimarare.

¹⁷Úi que aiyede, nujacavu yópe arí, jēniari járejaima ne baju:

—¿Aipe ayú bárica, “Quíjino baju yure jámenajaramu mja. Ëbenita apeno quíjino baju yójiłboi bediáva cojedeca yure járajaramu mja” ayú? ¿Aru, “Jipacu yebai nucuyumu ya” ayú, aipe ayúba ú? ¹⁸¿Carijieneca úi ayeque aipe ayúba Jesús? “Maiyójavu majare. Majino ámevu úi que coyúino”, arejaima nujacavu ne bajumia boroteivu.

¹⁹Nje jēniari jáiyede úre coreóvayú, nujare yópe arí, coyurejame Jesús:
—¿Ji aiyede, “Quíjino baju yure jámenajaramu mja. Ëbenita apeno quíjino yójiłboi bediáva cojedeca yure járajaramu mja” jēniari jáivurú mja, mje bajumia boroteivu? ²⁰Jáve coyuyubu mujare: Mujacarpūravú uraró chíori orájaramu. Ëbenita ijáravucavu Jūmenijicure ju abevucarpūravú torojurájarama na. Ëbenita mja chíoiñvacari, no yóboi chíoiñvú bácvu torojurájaramu mja. ²¹Maje nomiva juedocuvarivú ámeno nájijnama na. Ijiébu náre. Ëbenita juedocuvariłburu yóboi, ijino mácaróre árumenama juedocuvavarivú bácvu. Némajicure jári torojurivú, no mácaró ámeno ne nájiiye báquede árumenama na. ²²Nópebu mujare. Caride uraró nájijnajaramu. Ëbenita mujare jácudacuyumu cojedeca. Dinumu maquinóre uraró torojurájaramu mja mje úmei. Aru mujare nname chíore đavú buojabenama cainumua.

²³Dinumu maquinóre quénora yure ye apejēne jēniari jámenajaramu mja. Jáve coyuyubu mujare: Áde mje jēniaraiyede jipacure ji ámiái, đacacuyume yópe mje jēniayepedeca úre. ²⁴Javede pu carita ye apejēne jēniamevu mja cáreja ji ámiái. Jūmenijicure jēniajara cari. Mje jēniaru, mje jēniayepedeca đacacuyume Jūmenijicu, mje buojarajiyepé ayú torojurivú mje úmei jaubevava, arejame Jesús nujare.

**Jesús úi vainí tuino ijáravuque
ámene**

(Ro 8.37; 2 Co 2.14; Ap 3.21, 5.5)

²⁵Yópe arí, coyure nurejame Jesús:
—Nópe coyúivú ya mujare apejēne jēvari maiyójepeda. Ëbenita

apejāravna daquijāravna baquiyéde
apejēne jēvarī coyubecuyumu mūjare
cojedeca. Quénora mūjare coyucuyumu
nuriéne jipacūi borore yavebecūva.

²⁶Dinūmū maquinóre mūjavacari ūre
jēniarajaramu ji āmiái, ji paruéque.

Que baru, “Jipacūre jēniacacuyumu
mūjare”, abevū yū. ²⁷Jipacūvacari ūbi
mūjare. Mūjare ūbi, mūje ūe boje yūre.
Mūjare ūbi, mūje jū aiye boje yūre, ūi
daroimū mácūre. Que baru mūje baju
jēniayede ūre jápiacuyume jipacu.

²⁸Jipacūque cūcū bácu, ūi cūrōge jocarī
etarejacacu, ēmeni dacuyū yore ijāravūi.
Aru caride yore cūcū, ijāravūre jocarī
dajocacuyumu, cojedeca nūcuyū jipacu
yebai, arejame Jesús.

²⁹Dinūmūre nūja ūi bueimara
arejcarā Jesúre:

—Caride me coyūivū mū nūjare,
apejēne jēvamecūva. ³⁰Caride mū
caiyede coreóvayūre majivū nūja. Mūre
jēniari jáiye ye jaubevū. Que baru mūre,
Jūmenijicūi daroimū mácu bajure, jū
aivūbu nūja, arejcarā nūja Jesúre.

³¹Nūjare arejame Jesús:

—¿Jāve “Jū aivūbu mūre”, aivūrū
mūja? ³²Járijide apa. Ānijāravū
daquijāravū baquinó jave eare
nūnotamu no. Carijēneca yūre
jocarī nūrajaramu mūja mūje cūrōai
coapa. Cūinácūva mautescuyumu yū.
Ūbenita jipacu yúque cūbi cainūmūa.
Que baru cūinácū bajuva āmevū yū.

³³Caiye iyede mūjare coyūivū yū,
mūje cārijimenajiyere ayū, mūje cūe
boje yúque cūinávūre. Mūjare nājine
đarājarama ijāravūcavū Jūmenijicūre
jū abevū. Ūbenita jidūbejarā mūja.
Ijāravūque āmene jave vainí tuivū yū.
Que baru jū ajarā yūre, arejame nūjare
Jesús.

**Jesús ūi jēniaino ūi bueimarare
Jūmenijicūque**

(Jn 13.18)

17 ¹Que arīburu yóboi cavarōi jáñū,
yópe arejame Jūmenijicūre Jesús.

—Mū, jipacu, ji memēinūmū jave
eaiyū yūre. Pōevare yūre mímacū

meacu bajure jáđovajacu mū, ji
jáđovaquiyere ayū mūre meacu
bajure. ²Yūre jaboteicōjeivū mū caivū
pōevare, ji cūvare daquiyere ayū jāravū
cūiméjāravū baquinóre caivū ina mi
jū are đaimarare yūre. ³Múvacari
Jūmenijicū cūinácūra jāvetamu mū. Aru
yū, Jesucristo, mi daroimū mácūbu
yū. Ina majare coreóvaivū, nárecabu
cūvarājivū jāravū cūiméjāravū
baquinóre, ne coreóvaie boje majare.

⁴Iye mi đaicōjeiye báquede yūre đarī
buojaivū yū. Que baru mūre meacu
bajure jáđovaivū yū yore ijāravūi.

⁵Mamarūmūre maje caiyede cūedarājiye
jipocai, meacu baju barejacacu mi
yebare. Caride bediόva yūre meacu
bajure epejacū mi yebai cojedeca, yópe ji
mamarūmūre cūe báquepedeca, arejame
Jesús.

⁶Yópe arī, coyūre nūrejame Jesús
jipacūre:

—Ijāravūcavū mūre jū abevūre
jarūvarī, beorī, ĩni, coatede đávū mū
ina yūre jū arājivūre. Mamarūmurata
mívū bārājivū barejáima na. Aru
náre yūre jū are đaiyū mū. Nárecabu
mūre ji coyūimara, majinajivū aipe
ārojacūre mūre. Aru mi yávaiyede
jápiarī jū adama na. ⁷Caride caiye iye
mi majié cūvare đaiyede yūre jāve
míyede coreóvaivūbu na. ⁸Iye mi
coyūicōjevarede yūre, náre coyūivū
yū. Aru na jū adama diede. Yūre, mi
daroimū mácūre, jāve coreóvaivūbu.
Aru mū yūre daroyū bācūre jū adama.

⁹Ijāravūcavū mūre jū abevūre
jēniacabevū yū múque. Quénora ina
mi yūre jū are đaimarare jēniacavū
yū múque, ne mívū bae boje. ¹⁰Caivū
yúcvū mívūbu na. Aru caivū múcvū
jívūbu na. Aru yū meacu bajure
jáđovadama na.

¹¹Yū mautebecūbu ijāravūre caride.
Quénora maumejieneca dacuyumu
mi yebai, cūcūyū múque. Ūbenita
nācapūravū mautenajivūbu ijāravūre.
Mū, jipacu bajutamū mū. Que baru
ina yore mautenajivūre corejacū mū
mi paruéque, iye parué mi cūvare

ðaiye báqueque yure. Corejacu náre, cūinávpeda ne tenajiyeye ayu yópe majapedeca. ¹²Yore cucu baju coreivu yu náre mi paruéque, iye parué mi cūvare ðaiyeque yure. Náre meadaivu yu. Aru bñjabema na. Cūinácu quécūra, ñai bñjacūyū ũi ámeina teiye boje, yure bñjaibi ũ, vaiquíyeye ayu yópe mi yávaiyede mi toivaicōjeiye báquepedeca.

¹³Caride mi yebai dacūyumu yu. Nópe soyūivu yu ji cuede cāreja ijāravure ne jápainoi, ne buojarājiyeye ayu torojūrivu ne ũmei jaubevūva, yópe ji torojūpedeca ji ũmei. ¹⁴Iye mi soyūicōjevarede yure, náre soyūivu yu. Na yúpe dápiaiūbu cari. Yópe ijāravūcavū mure ju abevū ne dápiaiyepe dápibema na. Que baru náre ũbema ijāravūcavū. ¹⁵“Ina mi yure ju are ðaimarare ĩni nūvajacu ijāravure jocarī”, arī jēniamevū yu mure. Quénora “Náre jārī corejacu me, abujuvai jabocū ũi ámeina ðare ðabequiyeye ayu náre”, arī jēniaivu yu mure. ¹⁶Yu dápiabevū yópe ijāravūcavū mure ju abevū ne dápiaiyepe. Quédeca ina mi yure ju are ðaimara máre ijāravūcavū mure ju abevū ne dápiaiyepe dápibema na. ¹⁷Ijāravūque ámene jarūvarī náre coavarī, epejacu múcavūre, ne memecarājiyeye ayu mure. Que ðajacu mi yávaiyeque. Jāvetamu mi yávaiye. ¹⁸Mū darorejavū yure, ji buequiyeye ayu ijāravūcavūre. Nopedeca yu máre jaroivu náre, ne buenajiyeye ayu ijāravūcavūre. ¹⁹Ji baju epeivu yu, memecacūyū mure yópe mi ũrópe. Que ðaivu náre boje, na máre ne epenajiyeye ayu ne baju, memecarājivū mure yópe mi ũrópe. Que ðarājivūbu, ne majié boje jāvene mi yávaiyede.

²⁰Ina mi yure ju are ðaimara, ji bueimarare, mure jēniacaivu yu. Aru arevūre máre, yure ju aivu bārājivure, ji bueimara ne bueiye boje náre, jēniacaivu yu mure. ²¹Mure jēniaivu yu, ne curājiyeye ayu cūinávūpe. Mū cūvū yúque aru yu cūvū máque cūinávūpe. Quédeca na mārājivū máre cūjarārī majaque cūinávūpe. Que

teivure jāivu, yure, mi daroimū mácure, ju arājarama ijāravūcavū. ²²Yópe mi meadaiye báquepe yure, quédeca yu máre meadaivu náre, ne curājiyeye ayu cūinávūpe yópe maje cūepedeca cūinávūpe. ²³Náque cūvū yu aru yúque cūvū mū, ne curājiyeye aivu majaque cūinávūpeda. Que baru yu mi daroimū mácure aru na mi ũmarare cūinávūru yure mi ũepedeca ũcūre coreóvarājarama ijāravūcavū.

²⁴Mū, jipacu, mi yure ju are ðaimara mārājivure, ne curājiyeye yúque ji cūquinore ũvū yu, ne jārājiyeye ayu yure meacu bajure, múpe páyure. Mamarūmure maje caiyede cuedarājiye jipocai, yure ũrejāvū mū. Que baru yu meacu bajure, múpe páyure, jādovaiivu mū. ²⁵Mū, jipacu, meacu baju, boropatebevū mū. Mure coreóvabema ijāravūcavū mure ju abevū. ũbenita yúcapūravū coreóvaiivu mure. Aru ina mi ju are ðaimara yure, mi daroimū mácure, coreóvadama na. ²⁶Mū aipe ārojacūre coreóvare ðaivu yu náre. Aru mure ne coreóvaino pūeno náre coreóvare ðacūyūmū yu, ne ũrājiyeye ayu arevūre yópe mi ũepedeca yure. Que teni yávacari náque cūcūyūmū cūinávūpe. Que arī, jipacūre soyūrejame Jesús.

Jesúre jēni ne nūvaino

(Mt 26.39, 47-56; Mr 14.36, 43-50; Lc 22.42, 47-53)

18 ¹Nópe soyūīburu yóboi jipacuque, Jesús aru ñija ũi bueimara etarī, nuri jiajīya Cedrón āmicūriyare jatarejocarā. Nore eaiivu oteiye curōi, ecorejocarā ñija. ²No oteiye curōi ñije nūinore javede Jesúque nāvarejocarā ñija doce paivu ũi bueimara. Que baru noi ñije nūiyede majidejaquemavū Judas, ñai Jesúre jēni jícūyū ũi mauvare. ³Majicu, no oteiye curōre darejame Judas. Jipocateyū barejáme Jūmenijicūi cūramine coreipōevacavure, sacerdotevare jaboteipōeva aru fariseova ne jaroimarare úque, aru churaravare máre.

Ina ñi jipocateimara ne boarájijyede ðuráivü barejáima. Pëoibuaque aru cámoveaque máre darejaima na. ⁴Ûre vaiquíyede majicu, náre eavüre, copu ñari yópe arí, jëniari járejame Jesús:

—¿Ñamene voivurü müja? arejame náre.

⁵—Jesús Nazarecasure vorádaivübu ñüja, arejaima na.

—Yábu, arejame náre Jesús.

Ne nópe boroteiyede, ne coricai núrejame Judas, Jesúre jëni jíyü ñi mauvare.

⁶Jesús ñi que aiyede, daruíni yebamia puaréva türejaima na, Jesúre jënadaivü.

⁷Bedióva cojedeca náre jëniari járejame Jesús:

—¿Ñamene voivurü müja? arejame náre.

—Jesús Nazarecasure voivübu ñüja, arejaima na.

⁸—Javeta müjare “Yábu”, avü. Yüre voivü baru, dinümü ji yóvaimarare ñicójejara, arejame úre voivüre Jesús.

⁹Que arejame Jesús yópe ñi aino mácarópedeca vaiquíyepere ayü, “Mü, jipacu, ina mi yüre ju are ðaimaracacu ye cüinácu bíjacabebi yüre”, ñi aino mácarópe.

¹⁰Dinümüre Simón Pedro ñi boaicarovede tatorí, ñni, duarí, sacerdotevare jaboteipöescu ñi yebacasure, Malco ámicasure, juijóri najuárejame ñi meapüravücacamucare.

¹¹Nópe ðayüre jári, Jesús arejame úre:

—Mi boaicarovede meadajacu mü. Ámenore yüre jipacu ñi vaidé ðaquiyyede jáve vaicáyumu yü, arejame Pedrore Jesús.

Jesúre ne ñuvaino Anás yebai

(Mt 26.57-58; Mr 14.53-54;
Lc 22.54; Jn 11.49-50)

¹²Dinümü ina churarava aru ina Jümenijicüi cüramine coreipöeva máre, Jesúre jëni, ñi püruáre buorí buojari, ñuvarejaima. ¹³Ûre ñuvarejaima mamarümü Anás ámicücu yebai. Caifás barejáime ñi vácu. Aru ñai Caifás sacerdotevare jaboteipöescu barejáime ðiájure.

¹⁴Ñai Caifárecabe, “Cüinácuva yaidú, majare meajebu. Que teni caivü yainí bíjabejebu maja”, ayü bácu barejámeda apevü judíovai jabovare.

“Jesúre yü coreóvabevü” arí, Pedro ñi coyüino

(Mt 26.69-70; Mr 14.66-68; Lc 22.55-57)

¹⁵Jesúre ne jëni ñuvaiyyede, ne yójiþoi ñüre ñurejacañá ñüja, yü aru Simón Pedro. Sacerdotevare jaboteipöescu coreóvaimü marejacácu yü. Que baru ñi cürami täibüre Jesúre ne ecovaiyyede, yüre máre ecoicöjenejaima. ¹⁶Ûbenita täibücaró biaido jedevai mautedejame Pedro. Que baru ecoinore coreipöecoque borotecüñurejacacu, ði ecoicöjecojiyyepe ayü úre máre.

¹⁷Pedro ecoyü bácu, jedevacobede coreipöeco jëniari járejaco úre:

—¿Jesús ñi bueimaracacu ámecurü mü? arejaco.

—iNácacu ámevü! arejame óre Pedro.

¹⁸Diñami ámei jujurejavü. Que baru nócacüi yebacavü ina coreipöevaque nore toabore dacuvarí, cuocarejaima. Aru Pedro máre náque cuocarejame.

Jesúre sacerdotevare jaboteipöescu ñi jëniari jápiaino

(Mt 26.59-66; Mr 14.55-64; Lc 22.66-71)

¹⁹Sacerdotevare jaboteipöescu Jesús ñi bueiyyede aru ñüja ñi bueimarare máre jëniari járejameda Jesúre. ²⁰Ûi jëniari jáiyede, Jesúcapüravü, yópe arí, coyurejameda úre:

—Yü caivü ne jápiayede buecacu yavebecuva. Maja judíova maje cójijíñamiai aru Jümenijicüi cürami máre bueyü batecácu yü. Pöeva ne cójijinoai buecacu yü cainümü. Ye yavenina buebetecacu yü.

²¹Que baru, ¿aípe teni yüre jëniari jáñuru mü? Yüre jápiavü bácvüre jëniari jájacu. Náta ji coyüyye báque caiyyede majidivü coyurájarama mure, arejameda Jesús.

²²Jesús ñi que aiyede, cüinácu ina coreipöevacacu ñi jijecamure püruque pëvari, yópe arejameda Jesúre:

—Maje jabocure nópe arí, abejacu mü, arejameda.

²³ Aru Jesús arejameða:

— Ñmene ji que aru, yure coyujacu mu caride, caivu ne jápiaiyede. ¿Ubenita méne ji que aru, aipe teni yure pēvacurū? Pēvaiye jaubevu mure, arejameða úre Jesús.

²⁴ Dinumure Anás Jesúre buoimure jarorejameða Caifás, sacerdotevare jaboteipōecu yebai.

“Jesúre yu coreóvabevu” arí, Pedro bediõva ñi coyũino

(Mt 26.71-75; Mr 14.69-72; Lc 22.58-62; Jn 3.14, 12.32)

²⁵ Nore toabo ēcarui cuocayu barejáme Pedro cãreja. Apevu nore curivu úre jēniari járejameða:

— ¿Mu máre Jesúí bueimaracacu ãmecurū mu? arejaima úre.

— ¡Nácacu ãmevu yu! arejame náre.

²⁶ Dinumure sacerdotevare jaboteipōecui yebacavucacu, Pedro ñi boaicaroveque ñi buraimu mácu jicu, Pedrove arejame:

— Carí ñami marede oteiyē curõi Jesúque mure jávu yu, arejame.

²⁷ — ¡Nácacu ãmevu yu! Jesúre yu coreóvabevu, arejame Pedro cojedeca.

Ëi que aiyē bajure, cáyu órejarjame.

Jesúre ne nuvaino Pilato yebai

(Mt 27.1-2, 11-14; Mr 15.1-5; Lc 22.1-5)

²⁸ Avíá ñi tucumuiyede, Caifái cūramine jocarí pu jabocui cūramita Jesúre nuvarejaima. Ñai jabocu, Roma ãmicurõ jaboteino jabocui epeimu marejáme, jabotecuyu ina judíovare. Judío ãmenejame ñai jabocu, Pilato ãmicucu. Ëi cūrami ecoivu baru, Pascua torojuve teinoque ãiyede ãicõjememara májebu judíova. Que baru iye ãiyede ãiyurivu, diñamine corí numenejaima ina judíova, Jesúre nuvaivu, Jūmenijicui jámequiyēpe aivu náre ãmenape. ²⁹ Que baru náre jēniari jácuetarejame Pilato.

— ¿Ye ãmenore boro coyurí adaivurū muja ñai ãmure? arejame.

³⁰ Ina judíova arejaima:

— Ëi ãmeno ñabedu, úre davabejebu ñuja mi yebai, arejaima.

³¹ Pilato arejame náre:

— Dinumu úre nuvari, majjarã muje baju. Muje ñaicõjeiyepedeca coyujarã úre aipe ñájicuyure, ñi bojedaquiyēpe aivu ñi ãmeno ñaiye báquede, arejame.

Nácapūravu arejaima:

— Muja Romacavu ñuja judíovare boarí jaruvaicõjemevu pōevare. Que baru úre boarí jaruvaivu buojabevu ñuja, arejaima.

³² Nópe vaidéjavū, “Yópe vaiquiyebu” Jesús ñi aiyē báquedepedeca javede aipe ãrojae jocucujaravena ñi mauva ne pēvaimu ñi yaiquínore.

³³ Ëi cūramine corí nuri, Jesúre cutuicõjēnejameða Pilato. Ëi eaiyede ñi yebai úre jēniari járejameða:

— ¿Muru judíovai jabocu? arejameða Jesúre.

³⁴ Jesúcapūravu arejameða:

— ¿Mu mi baju majini, yópe jēniari jáñuru mu, que ayu? ¿O apevu ne coyuyede jápiarí, yópe jēniari jáñuru mu? arejameða.

³⁵ Pilatocapūravu arejameða:

— ¿Judíovacacu bárica yu, mi que aiyede?

Mi joborõcavu aru sacerdotevare jaboteipōeva mure boro coyurí adarãdama na. ¿Aipe ñacurū mu, ne que ãmecoroyede? arejameða.

³⁶ Jesús ju arejameða:

— Ijãravucarõ ãmevu ji jaboteino. Yore ji jabotedu, ñadamatejebu ji yóvaimara, ji mauva ne jēni jíbenajiyēpe aivu yure ina judíovai jabovare. Ijãravucarõ ãmevu ji jaboteino, arejameða.

³⁷ Dinumu jēniari járejameða Pilato:

— ¿Jãve “Jabocubu yu”, ayurū mu? arejameða.

Ju arejameða Jesús:

— Quédeca mi aimurecabu yu.

Jabocubu yu. Que barureca ijãravui edarí, pōetedejaquemavu yu, jabotecuyu aru coyucuyu yávaiyede jáve bajure. Yávaiyede jáve bajure majiyurivu, yure jápiarí adarãjarama na, arejameða Jesús.

³⁸ Aru Pilato jēniari járejameða:

— ¿Yéba yávaiye jáve baju? arejameða ñi.

Pōeva ne boarí jaruvaicõjeino Jesúre

(Mt 27.15-31; Mr 15.6-20; Lc 23.13-25)

Que ayu bácu Jesúre, jedevai etarí, pōevare borotecunurejame Pilato cojedeca:

—Ámeina tebecutame ñai ñmu
 ji járú. ³⁹Ëbenita Pascua járavui ji
 ðarí cōmajiyepedeca ðajuijivú yu.
 Mújacacu ji bñoimmaracacu cūinácure
 jaetovaquijivú. ¿Ñai muxe jabocure
 jaetovaji yu? arídurejame judíovare
 Pilato.

⁴⁰Pilato ñi que aiyede cūiná jorojini,
 coðoboborejaima:

—Bi, ére jaetovabejacu m̄. Barrabáre
 jaetovarí, darojacu m̄, arejaima
 Pilatore ina judíova.

Navacacu barejáme ñai Barrabás.

19 ¹Din̄m̄ma ina judíova ne
 que aiyede, churaravare jara
 popeicōjenezamedá Pilato Jesúre. ²Aru
 ére p̄nocacaje, jabocu doicajepe
 paicaje ñemijuaricajede doarejaimada
 na. Jesúre que teivú, miumua cāteni,
 cainitarabure ðarí, ñi jipoburá
 dítarabure t̄orejaimada ina churarava.

³Que ðarí Jesúre jacoyurejaimada:

—Ména cūjacu m̄, judíovai jabocu,
 arejaimada churarava, ére yurivú.

Que teivú, ére p̄vavarejaimada ñi
 jivai ne p̄ruáque.

⁴Jesúre ne yuriniburu yóboi, jedevai
 etarejame Pilato cojedeca.

—Jájara. Jaetovaivú yu ére, muxe
 coreóvarājiyepe ayu: Ámeina tebecu
 bajube ñ ji járú, arejame.

⁵Pilato ñi que aríburuta, etarí
 darejame Jesús. Jabocui doicajepe
 paicaje ñemijuaricajeque ne doaimu
 mácu, ne jipoburá miumua cāteni
 jacoimu mácu etarí darejame.

—Jede, ére jájara caride, arejame Pilato.

⁶Cūiná Jesúre ne jáiyede,
 coðoboborejaima ina sacerdotevare
 jaboteipōeva aru Jūmenijicui cūramine
 coreipōeva máre:

—Ére jocucujaravena p̄vari boarí
 jaruvaicōjējacu m̄, arí coðoboborejaima.

Pilato arejame:

—Muxe baju ére n̄vari,
 jocucujaravena p̄vari boarí jaruvajarā.
 Yure ji járú ámeina tebecutame, arejame.

⁷Arejaima Pilatore:

—“Yu Jūmenijicui mácubu yu”,
 ávaibi Jesús. Que baru yópe cūináro

ñujare ðaicōjeinope ñaibe páyure boarí
 jaruvaiye jauvu ñujare, arejaima.

⁸Ne que aiyede járiayú, p̄eno baju
 cuicumarejaquemavu Pilato. ⁹Diñami
 ecorí cojedeca, Jesúre jēniari járejamedá:

—¿Árocacurú m̄? arídurejamedá
 Jesúre Pilato.

Ëbenita Jesúcapūravu bi arejamedá.

¹⁰Din̄m̄ma Pilato arejamedá ére:

—¿Yure soyuyubecurú m̄? ¿Ji jaboede
 majibecurú m̄? Mure jocucujaravena
 p̄vaicōjeiyacu baru, jocucujaravena
 mure p̄vaicōjescuyutu yu. O mure
 jaetovaiyacu baru, mure jaetovascuyutu
 yu. ¿Majicurú m̄ diede? arejamedá.

¹¹Jesús arejamedá ére:

—Jūmenijicu mure jaboteicōjeimi ñ.
 Éi que ðabedu, yure yópe ðabejebu m̄.
 Que baru ñai yure jēne ðayu bácu mure
 mi p̄eno boropateibi, ñi ámeina teiye
 boje, arejamedá.

¹²Jesús ñi nópe soyuyuede, p̄eno
 baju ére jaetovaiyurídurejamedá Pilato.
 Ëbenita yópe arí, coðoboborejaima ina
 judíova:

—Jesúre jaetovayu baru, ñai jabocu
 ijāravucacu p̄eno baju paracu, César
 maje aimu, ñi yóvaimu ámejebu m̄. Ácu
 p̄ocesu “Jabocubu yu” ayu, ñai jabocu
 ijāravucacu p̄eno baju paracure, César
 maje aimure, maucvaibi ñ, arejaima
 ina judíova Pilatore.

¹³Que aivure járiarí, ñi dobariborá
 dobacun̄rejame Pilato. Noi dobacu,
 Jesúre davaicōjenezame, boarí
 jaruvaicōjescuyú ére. Pilato ñi dobaribo
 curiva, cūraboque ne t̄oiva, ne
 meadaiva ñuja judíova ñuje yávaicamuai
 Gabata ámic̄nejavū. ¹⁴Pascua
 ámic̄urijāravu baquinó jipocacajāravu
 barejávū, jāravu corica baji. Ina obedivú
 judíovare, Jesúre ubevure, yávarí
 darorejame Pilato:

—Jede, jájara caride muxe jabocure,
 arejame.

¹⁵Ina judíovacapūravu urarō
 coðoboborejaima:

—¡Yaijácuri! ¡Yaijácuri!

¡Jocucujaravena p̄vari boarí
 jaruvaicōjējacu ére! arejaima na.

Pilato arejame:

—¿Muje jabocure boarí jaruvaji yu, muje dápiaru? arejame.

Ina sacerdotevare jaboteipõeva arejaima:

—Cüinácure ñuje jabocu, ñai jabocu ijárvacacu pueno baju parucu, César maje aimu, arejaima.

¹⁶Que baru ne urõpe ñarí, jocusujaravena Jesúre pëvari, boarí jaruvaicõjenezame Pilato.

**Jesúre ne pëvari yuyaino
jocusujaravena**

(Mt 27.32-44; Mr 15.21-32; Lc 23.26-43)

Que baru Jesúre ñni, ne pëvarajinoi nãvarejaima churarava.

¹⁷Jesúvacari turí nurejame dijaravede Põe jipobucü ñuje aicü cüracüita, Gólgota ñmicuricü ñuje yávaicamuaque. ¹⁸Dicüre eaiyu, jocusujaravena pëvari jëorejaima na. Ùque apejaravearã apevu pucarãre máre pëvari jëorejaima, cüinácure Jesú meapüravüi, aru apecure Jesú cãcopüravüi, aru Jesúre ne corical. ¹⁹Yõpe arí, “Jesús Nazarecacube judíovai jabocu”, toivaicõjenezameda Pilato jocusvena, ne jëorajiyep ayu dive de Jesú jocusujaravena.

²⁰Jerusalén ñmicuríimaro joabejínoí Jesúre jocusujaravena jëorejaima. Que baru obedivu põeva nore járadaivu no toivaino mácarõre jári borotedejaima. Yóbecuricamua yávaicamuaque toivaicõjenezajuemavu Pilato. Ñuje yávaicamuaque, Romacavu ne yávaicamuaque, aru griegovana ne yávaicamuaque máre toivaicõjenezajuemavu Pilato. Que baru caivu dive de jári majidejacañã ñuja. ²¹Pilato ñi nópe toivaicõjeiyede ñbeni, sacerdotevare jaboteipõeva coyurãnurejaimada ñre:

—Nópe mi toivaicõjeino mácarõpe toivaicõjemejacu mu. Quéñora “Judíovai jabocubu yu’, abi ñ”, arí toivarí jëojacu mu cojedeca, aridurejaimada Pilatore sacerdotevacavu.

²²Ûbenita Pilato arejameda náre:

—Ji toivaicõjeino mácarõ nópeda bajaróri no. Oatuvabecubu yu, arejameda.

²³Jesúre jocusujaravena pëvari jëori bubaríburu yóboi, ñi doipe báquede coapa ñnejaima ñre pëvaivu bácvu. Yóvaicuvaiyu barejáima na. Que baru náre coapa ñnejaima. Ûbenita dicaje puenocacaje nareimea cubecajede coapavaiyubedejaima na.

²⁴Cüinácure nácvu arejame:

—Dicaje nareimea cubecajede jadevarí, coapa ñnu, meamejebu. Yõpe ñarãjarevu. Duvarí yajuivupe tenajarevu maja. Ácu majacacu majare yajurí vainí tuyu, dicajede ñcuyume ñ, arejame.

Na “jede” arí, nópe yajurejaima na. Ne nópe coapavaiye vaidéjavü yõpe Jümenijicüi toivaicõjeiye báquedepedeca ñi yávaiyede: “Ji doipe báquede ñni, coapavarãjarama na. Aru ñvarí yajurí vainí tuyu apacajede, ji puenocacajede ñcuyume nácvu”, arí toivaicõjenezajuemavu Jümenijicu. Quédeca tedejaima ñna Jesúre jocusujaravena pëvaivu bácvu.

²⁵Jesús ñi jocusujarave joabejínoí nurejaima jípacu, jípacu mamico Cleofai márepaco María ñmicuco, aru María Magdalacaco máre. ²⁶Jípacu nore núcore aru nijinoí yure máre, pare ñi jecumure, járejame ñ. Aru yõpe arí, yáverejame jípacore:

—Jájaco. Mímacureca páyube ñ, arejame jípacore Jesús.

²⁷Yure máre yõpe arejame Jesús: —Jájacu. Mípacoreca páðobe õ, arejame yure.

Que teni ji cüramine ñre nãvari epeni, cãvarejacacu yu ñre jipacope.

Jesús ñi yaino

(Mt 27.45-56; Mr 15.33-41; Lc 23.44-49)

²⁸No yóboi, caiye iye Jümenijicüi ñaicõjevarede ñarí bubayu bácu coreóvarejajuemavu Jesús. Que baru yõpe Jümenijicüi yávaiyede ñi toivaicõjeiye báquedepedeca vaiquíyep ayu, yõpe arejame Jesús:

—Cüinóivu yure, arejame Jesús.

²⁹Nore jorobũ, vino áyaicoro upiáricoroque jorobũ curejavũ. Diede jaũborã uyovarĩ hisopo ámicuricu jocusjicu cavajĩbui jëori jarururejame cüinácũ ina churaravacacũ. Jesúre ñi jjecamura jĩjovarejame ñ. ³⁰Die upiáteiye báquede neneniburu yóboi, yópe arejame Jesús:

—Quénoramu, arejame Jesús.

Que arĩ, ñi jipobũ mori turĩ, yuyurĩ, yaidéjame.

**Jesús bácre churara ñi totarĩ
cõajaroino**

(1 Co 5.7; Ap 1.7)

³¹Dijãravũ torojũve teijãravũ baquinóre meadãijãravũ barejãvũ. Sábado, Pascua ámicurijãravũ, judíovai pũeno meajãravũ, pueãijãravũ baquinó jipocacajãravũ barejãvũ. Que baru dijãravũ baquinóre ne pëvaimara mácavũ jocusujaravearã ne mautebenajiyepẽ aivũ, Pilatore coyurãnurejaimada ñũja judíova ñũje jabovacavũ. Ñre jëniarejaimada, ñi boarĩ pũyoicõjequiyepẽ aivũ ina jocusujaravearã jëivũ ne ãraãoare, ne yainãjiyepẽ aivũ maumena, jõðavari ñnajivũ ne bajuá báquede torojũve teijãravũ baquinó jipocai. ³²Que baru Pilato ñi cõjeniburu yóboi, ina jocusujaravearã yuyuivure ne ãraãoare boarĩ, pũyorãnurejaima churaravacavũ. Mamarumucacure earĩ, ñi ãraãoare boarĩ pũyorĩ, apẽcure máre quédeca boarĩ pũyorejaima ina churara, Jesúque jocusujaravearã pëvaimara mácavure boavũ. ³³Ëbenita Jesús yebai eavũ, jave yaiyú bácre járejaima. Que baru yaiyú bácre jári, ñi ãraãoare boarĩ pũyobedejaima.

³⁴Ëbenita quédeca cüinácũ churaravacacũ Jesúi tẽpenaba cãchinoi ñi tãutedorũque totarĩ cõajarorejame ñ. Jive ocoque jĩvaiye etarejavũ dicobede, ñi totarĩ cõajaroiyede. ³⁵Yãvacari járejacacũ. Que barureca ji jáiye báquede toivarĩ epeyubu yũ, mũje ju arãjiyepẽ ayũ Jesúre. Ji majié jáve bajure coyũyubu yũ.

³⁶Que vaidéjavũ. Yópe Jũmenijicui yãvaiyede ñi toivaicõjeiye báquedepedeca vaino marejãvũ: “Ëi cããoare ye cüinãdo pũyobenajarama na”, arĩ toivaicõjeneaquemavũ Jũmenijicũ.

³⁷Aru apeno Jũmenijicui toivaicõjeino mácarõ aiyepedeca vaidéjavũ: “Ne totaimũ mácre járajarama põeva”, arĩ toivaicõjeneaquemavũ Jũmenijicũ.

**Jesús bácu jaruvaimũ ne põ
jaruvainoi**

(Mt 27.57-61; Mr 15.42-47;

Lc 23.50-56; Jn 3.1-2)

³⁸Jesús ñi yainĩburu yóboi, ñ mácuĩ baju bácarõre meadãiyucũ, Pilatore jëniacũnurejaimada José Arimateacacũ. Jesús bácu ñi bueimũ mácu baridurejame. Ëbenita sacerdotevare pare jidurejaimada. Que baru “Jesúcacũbu yũ”, arĩ coyũbedejaimada José. Pilato Joséde ju arejaimada. Que baru Jesús bácuĩ baju bácarõre ñni, ñvarejaimada Joséjá. ³⁹Joséde cadatecũnurejaimada Nicodemo, ñai mamarumure ñami Jesús bácre borotecũnũũ mácu. Jesús bácuĩ baju bácarõre meadacũyũ, Nicodemo me mumijũripenaque jĩvaiyede ñvarejaimada. Jocusũ cuidó mirra ámicuricu yoca aru vecũjichĩabo jëicũcoro máre, treinta paikilos ñni ñvarejaimada.

⁴⁰Jesús bácuĩ baju bácarõre ñni, ñvvari, meadarejaimada na. Meacaje lino ámicuricajeque aru iye mumijueque ñ mácuĩ baju bácarõre cãmarejaimada. Ñũja judíova ñũje ðarĩ cõmajiyepẽ yaiyú bácre ñũje jaruvãrãjiye jipocai meadarejaimada Joséjá. ⁴¹Jesús bácre ne pëvari jëoino mácarõ joabẽjĩno oteiyẽ curõi ñ mácre ñvarejaimada. Nore põ jaruvãicobe mamacobe curejavũ. Cũracobei Jesús bácre ñvarejaimada. Põeva ne yavũ bácvũ ne ñmamecobe barejãvũ dicobe. Nore Jesús bácre jaruvãrãnurejaimada Joséjá. ⁴²Jabuõvaijãravũ baquinó jipojĩca barejãvũ no. Aru dicobe joabẽjĩno marejãvũ. Que baru maumepeda Jesús

bácuī baju bácarōre meadarī, nore jaruvarānurejaimada.

Jesús ũi nacajaino yainore jaruvarī
(Mt 28.1-10; Mr 16.1-8; Lc 24.1-12)

20 ¹No sumana buijāravu domingo javejīnara, aviá ũi tucumuquiyē jipocai, Jesús bácuī ne jaruvainoi jáconurejacoda María Magdalacaco. Nore earī, no cūraturava uraturava dicobede bieiturava bácarō javeta veoiturava bácarō marejāvūya ecoicobede jocarī.

²Nópe jári, cūiná cúyarī darī, Simón Pedrore aru yure máre coyucocoeajaco María. Ñūjare edarī, yópe arī, coyurejaco:

—Maje jabocu bácuī baju bácarōre dicobede jocarī ĩni, nuvari, apenoi epenama apevu. Ne nuvari epeinore majibevu ñūja, arejaco ñūjare María.

³Ōi que aiyede, ĩmarore jocarī nurejacaarā ñūja, Pedromaque, Jesús bácuī ne jaruvainore járanuivū. ⁴Cúyarī nurejacaarā ñūja. Ubenita Pedrore jocarī nuri, ũi jipocai earejacacu yu.

⁵Ūi jipocai earī, dicobe jívuī nacachini járidurejacacu yu. Nore Jesús bácuī ne cūmaicajea báquede, nore paraicajeare, járejacacu. Ubenita dicobede ecorī nūmenejacacu yu. ⁶Ji yóbo earī, dicobei cūiná ecorī nurejame Pedro. Dicajeare nore paraicajeare járejamedā ũ máre.

⁷Aru yaiyú bácuī ne jípubure moaicaje bácarōre jícuā tubaricaje pēpeicajede máre járejamedā Pedro. ⁸Dinūmu dicobede mamarūmure eayū bácuī nore ecorī nurejacacu yu máre. Nore ecorī, yu máre caiyede járejacacu.

—Jāve bajubu. Jave nacajacube Jesús yainore jaruvarī, arī dápíarejacacu.

⁹Jūmenijicūi toivaicōjeiye báque jipocaquede, Cristo nacajacuyure yainore jaruvarī majibenidurejacaarā ñūja cāreja.

¹⁰Dinūmūma, járiduivū bácvu, ñūje cūramī copainurejacaarā ñūja pucarā.

Jesús ũi cueteino María
Magdalacacore
(Mr 16.9-11)

¹¹María Magdalacaco copainuri Jesús bácuī ne jaruvainoi, dicobe

jedeva bajita núco barejácoda, odo. Orī, nacachini, dicobe jívuī járejacoda.

¹²Nore pucarā ángelevare, Jūmenijicūi daroimarare, járejacoda María.

Boricajeare doivu dobarejaimada na Jesús bácuī paraino mácarōi, cūinácu ũi jípubu bácarōi aru apecu ũi cuboba bácarōi. ¹³Aru arejaimada óre:

—Mu, nomió, ¿aipe teni odorū mu? arejaimada na.

Ō arejacoda:

—Ji jabocu bácuī baju bácarōre nuvarama apevu. Ári ne nuvainore majibevu yu, arejacoda.

¹⁴Que adova, copedini, nore núcuīre Jesúre járidurejacoda. Ubenita ũre coreóvabedejacoda. ¹⁵Ōre arejamedā:

—Mu, nomió, ¿aipe teni odorū mu? ¿Ñamene vodorū mu? arejamedā.

Ubenita, “Yore oteiyē curōre coreipōescu bajubī ũ, que ayū”, arī dápíaridurejacoda ō.

—Mu, ũmu, ũ mácuīre nuvañū mácuī baru, mi epeinore coyujacu yure. Yu bácojivu ũre ĩconuño, arejacoda ō.

¹⁶Jesús arejamedā óre:

—María, arejamedā.

Cūiná copedini ō, hebreo āmicuricamua yávaicamuaque:

—Rabunī, arejacoda Jesúre.

Rabunī aiyurō, bueipōescu aiyurōtamū.

¹⁷Yópe arī, coyure nurejamedā Jesús.

—Jipacu yebai nūmēvu yu cāreja. Que baru yure jēni jámejaco mu. Quénora jívuīre yópe coyucasonujaco yure: “Jipacu yebai, ji mearore jímu yebai, nuñutamu yu. Aru jipacu mujepacube ũ. Mūje mearore jímuī ũ jipacu”, yópe arī, náre coyucajaco yure, arejamedā Maríare Jesús.

¹⁸Que arīburu yóboi, ñūja ũi bueimarare coyucodarejaco María:

—Maje jabocure jávu yu, arejaco ñūjare.

Que arī, ũi aiyē báquede coyurejaco ō ñūjare.

Jesús ũi cueteino ũi bueimarare
(Mt 16.19, 18.18, 28.16-20;
Mr 16.14-18; Lc 24.36-49)

¹⁹Dijāravu, sumana buijāravūmica ñamine, ñūje cūramine bienina

curejacadã ñũa, Jesúí bueimara, diñami jáivui, ñuje jidúé boje ñũa judíova ñuje jabovare. Que jidurivure ñuje coricai cuetedejame Jesús.

—¿Ména curārũ muja? arejame ñujare Jesús, jacyouyũ.

²⁰Que ayũva, ñi puruáre aru ñi tépenaba cãchinoi ñi churiá báquede jádovarejame Jesús. Ñuje jabocure jáivũ, urarõ torojurejacadã ñũa. ²¹Bedióva cojedeca ñujare arejame Jesús:

—¡Cujarã muja cãrijimena! Yópe yure jipacu ñi daroiye báquedecada caivure buiecõjeni, nopedeca yũ máre mujare jaroymtamu yũ, arejame ñujare Jesús.

²²Que arí, ñujare ñime japurejame. Aru arejame:

—Espíritu Santore jacopujarã muja.

²³Ñamene “Jümenijicu arumemi muje ãmeina teiyede” muje aru, jáve diede arumemi Jümenijicu. Ëbenita ñamene “Jümenijicu arumetebebi muje ãmeina teiyede” muje aru, jáve diede arumetebebi Jümenijicu, arejame ñujare Jesús.

Tomás ñi jáino Jesúre nacajañũ mácure yainore jaruvarí

²⁴Jesús ñi edaiyede ñujacacu Tomás, pëjacu ñuje aimũ, ñujaque cubedejame ñi. ²⁵Que baru Jesús ñi nariburũ yóbo, Tomáre coyuridurejacadã Jesúre jáivũ bécavu:

—Maje jabocure jáivũ ñũa, arejacadã ñũa.

Aru Tomás arejame:

—Jáve ãnevũ. Ë baju ãmeteyũte. Ëi puruáre ne pëvaiye báquede yũ ji baju jáñũ maru, “jáve” acuyũtu yũ. Ne pëvaiyõa coiye báquede ji ãmuyoque yũ ji baju doarí jáñũ maru máre, “jáve” acuyũtu yũ. Aru ñi tépenabacachuri bácarõre yũ ji baju doarí jacyouy baru, “Jãvetame ñai” acuyũtu, arejame ñujare Tomás.

²⁶Ocho pajjáravũa yóboi, nomica ñuje cãramine bienina cãrejacadã ñũa cojedeca. Dinũmure ñujaque cãrejame Tomás máre. Diñami bieñamineca ecorí, ñuje coricai cuetedejame Jesús cojedeca. Aru arejame ñujare:

—¿Ména curārũ muja? arejame.

²⁷Dinũmure arejame Tomáre:

—Mũ, Tomás, mi ãmuyoque ji puruáre mũ mi baju doarí jácudajacu. Aru ji tépenabacachuri bácarõre máre mũ mi baju doarí jájacu. Ju abecu tebejacu mũ. “Jãvemũ” arí, ju ayũ tejacu, arejame Tomás Jesús.

²⁸Tomás, ñi churiá báquede jári majicu, arejame:

—Ji jacyouy bajubu mũ. Yũre Jümenijicu bajubu mũ, arejame.

²⁹Aru Jesús arejame:

—Yũre jáivũ mũ mi baju. Que baru mũ yũre ju aivũ. Torojurivũbu na jámevũva yũre ju aivũ, arejame Jesús.

Juan ñi toivaino pöeva ne ju arãjiyepe ayũ Jesúre

³⁰Pöeva ne ñarí majibede ure ñarejame Jesús ñuje jáiyede. Yore ijãravui ñi daiye báque caiyede corevarí toivabevũ yũ.

³¹Ëbenita diede toivacaivũ yũ, Jesúre muje ju arãjiyepe ayũ. “Jesucristobe Jümenijicui daroimũ mácu. Jümenijicui mácube Jesús” muje arãjiyepe ayũ, iyede toivacaivũ. Mũje majini ju arãjiyepe ayũ ñre, iyede toivacaivũ yũ. Jesúre ju arí, mamaũme cãvarãjaramu muja. Que baru mujare, yópe arí, toivacaivũ yũ.

Jesús ñi cueteino siete paivũ ñi bueimarare

(Lc 5.5-6)

21 ¹No yóboi bedióva cojedeca ñujare cueteni, jádovarejame Jesús macajitabũ Tiberias ãmicurijitabũ écarui. Yópe barejãvũ Jesús ñi cueteino mácarõ. ²Simón Pedro; Tomás, pëjacu ñuje aimũ; Natanael, Galileacarõ ñmarocacu, Canácacu; Zebedeoi mára pucarã, jimamicu aru yũ; aru aprevũ pucarã Jesúí bueimara quévũra cãrejacadã ñũa nore.

³Simón Pedro arejame ñujare:

—Yũ moa boacãñũmu, arejame.

Aru ñũa arejacadã:

—Jede, ñũa máre daivũbu, arejacadã.

Que arí, jiaðocũ jaturãñurejacadã ñũa. Jave nainũta marejãvũ. Nami

joarō pápi boarídurejacaṛā ñuja. Ûbenita boabédejacarā. Ye cūinájicu cūvabedejacarā. ⁴Javejīna miadāe tuiyede, dibu ēcarui cucudarejaquemavu Jesús. Ûbenita ñuja moa boaríduiuv ũre nore núcure jári coreóvabedejacarā.

⁵Ñujare órejurejame, yópe arí:

—¿Moa boabénaru muja? arí jēniari járejame ñujare.

—Bítamu. Moa boabévu, arejacarā.

⁶Jesús arejame ñujare:

—Jiadocūi meapūravui dūvarī, jaboájarā muja. Que đaivu boarājaramu muja, arejame.

Ûi que aiyede, meapūravui dūvarī, jaboárī, dabūborī, īnidurejacaṛā. Moa pūcajīnare boaréjacarā. Dabūborī oabedejacarā. ⁷Yu, Jesúí pare jecumu, arejacacu Pedrorre:

—Maje jabocūvacaribe ñai, que ayu, arejacacu Pedrorre.

Simón Pedro ji que aiyede ũi pūenocacajede duyu bācu ũi moa boarí memeiye boje, dorī, jārióri, dibui biarārī corī Jesús yebai tarī nūrejame. ⁸Ûi yóboi jiadocūi darejacarā ñuja. Dicu pápicure moa buiní vaidéjaima na. Que baru dicure īni, adaivu oabedejacarā. Quéda jabūborī, ēcarui mavaranūrejacaṛā. Joabejīno cien paimetros baju barejávū.

⁹Écarui eaivu, jiadocūre datuórí, mari nūrejacaṛā pū Jesús yebai. Toaboi moa joayú barejáme ũ. Aru páure máre cūvarejame Jesús.

¹⁰Dinūmure Jesús ñujare arejame:

—Muje boaimara mácavu obebevure davajarā, arejame.

¹¹Que arí, jiadocūi jatucūnūrejame Simón Pedro cojedeca. Pápicure jabūborī, ēpacūi jūarejame. Ûrarā marejáima ñuje boaimara mácavu. Ciento cincuenta y tres baju barejáima. Obedivūvacari dicu pápicure codebedejaima na.

¹²Jesús arejame ñujare:

—Āradajarā, arejame.

Aru “¿Ñamēnu mu?” abedejacarā ñuja Jesúre. Ûre majidejacarā. ¹³Ñujare tuorejame Jesús ñuje āiyede. Páure jīni aru moa ũi joaimara mácavure máre ñujare jídejame Jesús.

¹⁴Nóque yóbecue ñuja ũi bueimare cūetedejame Jesús ũi nacajariburu yóboi yainore jarūvarī.

Jesús Simón Pedromaque ne boroteino

¹⁵Ñuje āri buojarīburu yóboi, Simón Pedrorre jēniari járejame Jesús:

—Mu, Simón, Jūai mácu, ¿ucurū mu yure ina apevu ne ue pūeno? arejame.

Aru Pedro ju arejame:

—Mu, ji jabocu, mure uvu yu. Ji uede mure majivu mu, arejame.

Ûi que aiyede, Jesús arejame:

—Dinumu yure ju aivure, paūbevure cāreja ne ũmei, meadacajacu yure.

Mi coreiye inare jauvu yópe ovejava mamajinare coreiye jauépe. Ji couyiye báquede bueni, náre yure ju arīduivure ju are đajacu, arejame Pedrorre.

¹⁶Bedióva cojedeca ũre quédeca jēniari járejame Jesús:

—Mu, Simón, Jūai mácu, ¿yure ucūru mu? arejame.

Ju arejame Jesúre cojedeca:

—Mu, ji jabocu, mure uvu yu. Ji uede mure majivu mu, arejame.

Ûi que aiyede, Jesús arejame:

—Yópe ovejavare coreipōecu ũi meadaiyepe ovejavare, nopedeca yure ju aivure meadacajacu yure. Ûi āoiyepe ovejavare, ji couyiye báquede buejacu mu yure ju aivure, arejame Pedrorre.

¹⁷Que arí, bedióva cojedeca jēniari járejame ũre Jesús:

—Mu, Simón, Jūai mácu, ¿yure ucūru mu? arejame.

Yóbecue Jesús ũi que aiyede, ũrarō chíorejame Pedro. Que baru arejame:

—Mu, ji jabocu, caiye jaubeda majivura mu. Mure uvu yu. Majivura mu, arejame.

Jesús arejame Simón Pedrorre:

—Yure ju aivure meadacajacu yure.

Ovejavare paivubu na. Ji couyiye báquede náre majicajacu mu. ¹⁸Jāve couyūbu mure: Mu mi bojūātma doiyē mi uede dorī, āri nūiyacu mu, nūquemavu mu. Ûbenita būscūta mure buorī nūvacūyume apescu. Mi āmuveare

dabuborí, buorí, ďacuyume mure.
Dinamtu maquinó mi nuiyubenoí mure
nıvacuyume, arejame.

¹⁹Nópe ayu, Pedro ũi vaiquínore
coyuyu barejaquémavu Jesús. “Mi
vaiquínore mi ďaiye boje ji urópe jári,
Jāmenijicure mearore jınajarama pōeva”,
ayu barejaquémavu Jesús, Pedroro que
ayu. Dinamtu arejame Pedroro:

—Ji bueimtu májacu mu, arejame Jesús.

Jesúı bueimtu pare ũi jecumtu

(Jn 13.25)

²⁰Pedro copedini yure ũi yóboi
dayure járejame. Yu barejacácu, Jesúı
bueimtu ũi pare jecumtu, ũi yebai ũi
tucavai dobacu bácu ñıje āino mácarōre.
“Mu, ji jabocu, ĩñame maquidí mure jēne
ďacuyu mi mauvare?” jēniari jáñu mácu
barejacácu Jesúre. ²¹Ne yóboi dayure
yure jári, yópe arejame Jesúre Pedro:

—Mu, ji jabocu, ĩñaine aıpe
vaiquídica? jēniari járidurejame Jesúre.

²²Jesús arejame Pedroro:

—Ji uru, bedióva cojedeca ji
copaidaiyeta yaibécuva cıjebu

ũ. Ñaine vaiquíye míye āmevu.
Cārijovamejacu ũre vaiquíyede.
Mıcapırvavu quéda ji bueimtu májacu
mu, arejame.

²³Que teni Jesús ũi aıye báque
boro nırejaquemavu ũi bueimara
jēneboi: “Jesúı bueimtu pare ũi
jecumtu yaibécuyume ũ”. No aino
boro nırejaquemavu yurā. Que
arıdurejaima Jesúcavu. Ũbenita nópe
ayu āmenejame Jesús. “Ye yaibécuyume
ũ”, ayu āmenejame Jesús. Quénora “Ji
uru, bedióva cojedeca ji copaidaiyeta
yaibécuva ũi cıru, míye āmevu”,
arejame Jesús.

²⁴Jesús ũi que aimamtu yu. Que
barureca nuriéna coyuyubu yu. Iye
caiye ji toivarı epeiye báque jāvetamu.
Ji toivarı epeiye báque ñıja majıvu
jāvene.

²⁵Jesús ũi ďaiye báque caiye cıvu.
Ũbenita caiye yore toıvabevu yu. Caiye
ũı teıye báquede paperare toıvarı
jēoru, paperatucuboa ure baju nıjebu.
Caiye iye toıvajıroede epeino cıbejebu
ıjıravıı. Quénoramu.